

832197

0a1520

UNIVERSITY OF ILLINOIS  
LIBRARY

Class

832L97

Book

021520a

Volume

Karsten Memorial Library 1908

My 09-1M

Return this book on or before the  
**Latest Date** stamped below.

Theft, mutilation, and underlining of books  
are reasons for disciplinary action and may  
result in dismissal from the University.

University of Illinois Library

FEB -7 1956

APR -4 1969






# An den christlichen Adel deutscher Nation

von des christlichen Standes Besserung

von

**Martin Luther.**

(1520.)



**Halle a/S.**

**Max Niemeyer.**

1877.

832 L97

O215202

Neudrucke deutscher Litteraturwerke des XVI. und XVII. Jahrhunderts  
No. 4.

1881  
Martin Luthers Schriften sind durch eine grössere Anzahl von Ausgaben leicht zugänglich. In diesen ist jedoch die sprachliche Gestalt der Texte Veränderungen unterworfen worden, und selbst die Erlanger Ausgabe von Luthers Werken, welche die Formen im allgemeinen unverändert lässt, hat die Orthographie nach modernen Principien geregelt. Bei der hohen Bedeutung aber, welche die schriftstellerische Tätigkeit Luthers für die Entwicklung der neuhochdeutschen Schriftsprache hat, muss es für jeden von Wichtigkeit sein, Luthers Sprache und Schreibweise in völlig unveränderter Gestalt kennen zu lernen. Deshalb halten wir es für geboten, in unsere Sammlung auch einige Neudrucke besonders bedeutsamer Schriften Luthers aufzunehmen.

Das Sendschreiben Luthers 'An den christlichen Adel deutscher Nation von des christlichen Standes Besserung' erschien im Jahre 1520. Es wurde sowol in Wittenberg bei Melchior Lotter mehrmals aufgelegt, als auch durch Baseler, Leipziger und Strassburger Nachdrucke verbreitet. Vergl. Luthers sämtliche Werke Erlangen 1832. Bd. 21. S. 275 f. und besonders Weller, Repertorium typographicum S. 177. 178. Noch in demselben Jahre 1520 veranstaltete Luther eine zweite vermehrte Ausgabe, die ebenfalls in Wittenberg bei Lotter gedruckt wurde (Erlanger Ausgabe S. 275 No. 6 u. 7). — Zwischen der ersten und zweiten Recension erschien die Schrift 'Von den guten Werken' (Wittenberg bei Lotter 1520), welche Luther in einem Zusatze der zweiten Recension citiert.

A. Unser Abdruck gibt die erste Recension wieder. Es ist demselben der Lottersche Druck zu Grunde gelegt, welcher in der Erlanger Ausgabe als No. 3, bei Weller als No. 1494 verzeichnet ist (Exemplar der Leipziger Universitäts-

bibliothek Kirchen-Geschichte 917). Dieser Druck enthält 11<sup>3</sup>/<sub>4</sub> Bogen in 4<sup>o</sup>, mit den Signaturen A—M, der Titel ist S. 1 unserer Ausgabe möglichst genau nachgebildet. Unser Abdruck gibt die eben genannte Ausgabe in allen Stücken genau wieder: nur die Abkürzungen sind aufgelöst worden. — Ausserdem wurden folgende (21) Druckfehler nach B verbessert:\*)

7<sub>7</sub> das erste Mal Concila; 9<sub>20</sub> gleich wie; 12<sub>32</sub> frume] ftume; 18<sub>38</sub> Endtchifts; 27<sub>6</sub> ertichten] ertlichten; 28<sub>20</sub> ehander; 28<sub>34</sub> hurhepfer; 34<sub>20</sub> niemadnt; 36<sub>20</sub> lechtfertigen; 39<sub>35</sub> Bapfi] Baf; 42<sub>31</sub> . 32 außrichtenn] auffrichtenn; 47<sub>22</sub> allein] allen; 47<sub>30</sub> vbirfallend; 48<sub>20</sub> ygilcher; 51<sub>33</sub> zehlich; 57<sub>12</sub> glefferey; 60<sub>13</sub> enthaltung; 62<sub>17</sub> Zum .xxiiij.; 66<sub>8</sub> zeylichen; 66<sub>27</sub> etfchuldigt; 72<sub>17</sub> gefchickten.

**B.** Die zweite Recension ist verglichen worden nach dem Lotterschen Druck von 1520, welcher in der Erlanger Ausgabe mit No. 7 bezeichnet ist (Exemplar der Leipziger Universitätsbibliothek Kirchen-Gesch. 949). Der Titel ist: An den Christlichen | Adel deutscher Nation: | von des Christlichen | standes besserung: | D. Martinus | Luther. | Durch ihn selbst ge- | mehret vnd corrigirt | Buittemberg. Der Titel hat eine Holzschniteinfassung, in welcher oben das Wittenberger Wappen befindlich ist. Die Ausgabe umfasst 12<sup>1</sup>/<sub>2</sub> Bogen in 4<sup>o</sup>; signiert A—M, wobei Bogen M 6 Blätter enthält mit leerer letzter Seite.

B unterscheidet sich von A hauptsächlich durch drei Zusätze Luthers. Die zwei umfänglicheren, welche eigene Abschnitte bilden, sind unserem Drucke an den betreffenden Stellen in Petitschrift eingefügt: 1) Seite 40<sub>17</sub>—41<sub>7</sub> (= F 4<sup>b</sup> G 1<sup>a</sup> in B). — 2) Seite 72<sub>33</sub>—75<sub>44</sub> (= L 4<sup>b</sup>—M 3<sup>a</sup> in B). Hier besteht der Zusatz in einem ganzen Hauptstücke 'Zum .xxvi.'. Das folgende Stück (Zum .xxvi. in A) trägt daher in B die Bezeichnung 'Zum .xxvij.'. — 3) Endlich ist gegen Ende in B noch ein Satz eingeschoben. Der Anfang des Abschnitts Seite 79<sub>35</sub> lautet in B (M 5<sup>b</sup>):

Das sey diß mal gnug, dan was der weltlichen gewalt vnd dem Adel zuthun sey, hab ich mehns bundens gnugsam gesagt,

---

\*) Die Citate nach Seiten- und Zeilenzahlen unseres Drucks.

ym buchlen von den guten werden, dan sie leben auch vnnnd regieren, das es wol besser lichte, doch ist kein gleychen, weltlicher vnnnd geistlicher mißpreche, wie ich daselb anhegt habe. Ich acht auch zc.

Am Schlusse des Druckes B steht: Zu Wittenberg, Im Jar. M. D. xx.

Die übrigen Abweichungen von B sind nicht sehr erheblich. Auch die Orthographie ist in beiden Drucken fast ganz übereinstimmend. Es zeigen z. B. unsere beiden Drucke in der Widmung (Seite 3 u. 4) nur folgende orthographische Differenzen:

3<sub>8</sub> zeit A, zeht B; 3<sub>12</sub> seiner A, sehtner B; 3<sub>16</sub> mirß A, mirß B; 3<sub>20</sub> vnn A, vnnnd B; 3<sub>22</sub> vorwehß A, worwehß B (Druckfehler); 3<sub>27</sub> niemand A, niemandt B; 3<sub>34</sub> werden A, werdenn B; 4<sub>1</sub> wollet A, wolt B — In der weit überwiegenden Anzahl der Fälle stimmen aber beide Drucke auch da überein, wo eine verschiedene Orthographie möglich wäre.

Die sonstigen wirklich abweichenden Lesarten von B werden im folgenden vollständig aufgeführt. Nur einige von ihnen können als Verbesserungen des Textes gelten. Luthers Tätigkeit bei der zweiten Ausgabe beschränkte sich also wol im wesentlichen auf die oben angegebenen Zusätze. S<sub>29</sub> wart A, war B; 9<sub>19</sub> geistlichß A, gleichß B; 12<sub>12</sub> mach A, macht B; 25<sub>31</sub> zuuor liehen A, zuuorlehen B; 28<sub>1</sub> vollen fehlt B; 28<sub>13</sub> lesterlicher A, lesterlich B; 28<sub>22</sub> an den tag A, an tag B; 29<sub>9</sub> man fehlt B; 32<sub>27</sub> auch fehlt B (so weit das); 34<sub>21</sub> sondern mocht das thun A, Aber disse mocht man besolden B; 35<sub>13</sub> gunst fehlt B; 35<sub>25 . 26</sub> Narrenn se A, Sie narrenn B; 41<sub>12</sub> sehn A, seh B; 45<sub>30</sub> on ehlich B (ein fehlt); 47<sub>12 . 13</sub> geschweß A, schweß B; 49<sub>20</sub> es fehlt B; 53<sub>13</sub> da es A, das es B; 55<sub>23</sub> fund gnug A, gnug fund B; 56<sub>20</sub> differ lehtenn ergiften zeht B; 57<sub>2</sub> machen fehlt B; 57<sub>6</sub> auß A, vnß B; 60<sub>9</sub> was A, etwas B; 60<sub>38</sub> recht A, gut B; 65<sub>12</sub> den A, dan B; 65<sub>36</sub> mehr fehlt B; 71<sub>6</sub> Die Theologische bucher B; 71<sub>10</sub> heiligen alt vetter B; 71<sub>11</sub> in schrift B; 72<sub>16 . 17</sub> allerschichtisten B.

Wilhelm Braune.



An den Christlichen Adel  
deutscher Nation : von des  
Christlichen Standes  
besserung : D.  
Martinus  
Luther.

Wittenberg.





## [A2<sup>a</sup>] Dem Achtparn vnd wirdigen

herren, Er Nicolao von Amßdorff, der heyligen schrift Licentiat vnd Tumbhern zu Wittenberg, meynem besundern gunstigen freundt.

D. Martinus Luther.

¶ Gnad vnd frid gottis zuuor, Achtpar, wirdiger lieber herr vnd freunt. Die zeit des schweygens ist vorgangen, vnd die zeit zureden ist kommen, als Ecclesi. sagt, Ich hab vnserm furnehmen nach, zusammen tragenn etlich stuch Christlichs stands besserung belangend, dem Christlichenn Adel deutscher Nation furzulegen, ob got wolt doch durch den leyen standt seiner kirchen helffen. Seintemal der geistlich stand, dem es billicher geburt, ist ganz vnachtsam worden. Sende das alles ewr werde dasselb zurichten, vnnnd wo es not ist, zubessern. Ich bedenc wol, das myrß nit wirt vnuorweyßt bleybenn, als vormeß ich mich zuhoch, das ich vorachter, begebner mensch, solche hohe vnnnd grosse stende thar anreden, in ßo trefflichen grossen sachen, als were sonst niemand in der welt, dan Doctor Luther, der sich des Christenlichen stands annehme, vnd ßo hochuorstendigen leutten radt gebe. Ich laß mein entschuldigung anstehen, vorweyß mirs wer do wil, Ich bin villeicht meinem got vnd der welt, noch eine torheit schuldig, die hab ich mir igt furgenommen, ßo myrß gelingenn mag, redlich halen, vnnnd auch ein mal hoffnar werden, gelyngt mir nit, ßo hab ich doch ein vorteil, darff mir niemand eine kappenn kauffenn, noch den kamp bescheren. Es gilt aber, wer dem andern die schellen anknupfft, Ich muß das sprichwort erfullenn, Was die welt zuschaffenn hat, da muß ein munch bey sein, vnd solt man yhn dazu malen. Es hat [A2<sup>b</sup>] wol mehr mal, ein nar weyßlich geredt, vnnnd viel mal weyße leut, groblich genarret. wie Paulus sagt, wer do wil weyß sein, der muß ein nar werden. Auch diemeyl ich nit allein ein narr, sondern auch ein geschworner Doctor der heyligenn schrift, byn ich fro, das sich mir die gelegenheyt gibt meynem eyd, eben

in der selben narn weyße, gnug zuthunn. Ich bit, wollet mich entschuldigen, bey den messig vorstendigen, den der vberhochvorstendigen gunst vnd gnad, weyß ich nit zuuordienen, wilch ich so offft mit grosser muhe ersucht, nw fort auch nit mehr haben noch achten wil. Got helff vns, das wir nit vnßer, sondern allein seine ehre suchen Amen. Zu Wittenberg, ym Augustiner Closter, am abent S. Johannis baptistae. Im Tausent funffhundert vnd zwenzigsten Jar.

[23<sup>a</sup>] Der allerdurchleuchtigsten, Großmchtigsten Keyserlichen Maiestet, vnd Christlichem Adel deutscher Nation.

D. Martinus Luther.

**G**rad vnd sterck von Got zuuor, Allerdurchleuchtigster, gnedigste, liebenn herrn. Es ist nit auß lautter furwitz noch freuel geschehenn, das ich eyniger armer mensch mich vnterstanden, fur ewrn hohen wurden zu redenn, die not vnd beschwerung, die alle stend der Christenheit, zuuor deutsche landt, druckt, nit allein mich, sondern yderman bewegt hat, viel mal zuschreyen, vnd hulff begeren, hat mich auch icht zwungen zuschreyen, vnnnd ruffen, ob got yemand den geyst geben wolt, seine hand zureychen der elenden Nation. Es ist offft durch Concilia etwas furgewant, aber durch etlicher menschen list, behendiglich vordruckt vnd ymmer erger worden, wilcher tuck vnd boßheit, ich icht, got helff mir, durchleuchten gedenc, auff das sie erkant, hynfurt nit mehr, so hynderlich vnd schedlich sein mochten. Got hat vns ein iungs edliß blut zum heubt geben, damit viel herzen zu groser guter hoffnung erweckt, daneben, wil sichs zymen, das vnser dazü thun, vnd der zeit vnd gnade nützlich brauchen.

**I** Das erst, das in disser sachen furnehmlich zuthun ist, das wir vns yhe fursehen, mit grossen ernst, vnd nit etwas anheben, mit vortrawen grosser macht odder vorzunfft, ob gleich aller welt gewalt vnser were, dan got mag vnd wil nit leyden, das ein gut werck werde angefangen, in vortrawen, eygener macht vnd vorzunfft. Er stoßet es zu boden, da hilfft nichts fur, wie ym .xxxiiij. psalm stet, Es wirt kein kunig bestehen, durch seine grosse macht, vnd kein her durch die grose seiner sterck. Vnd auß dem grund sorg ich sey es vorkenten kummen, [23<sup>b</sup>] das die theuren fursten, keyßer Fridrich der erst, vnd der ander vnd vil mehr deutscher keyßer, so iemerlich sein von den Pypsten mit fussen treten vnd vordruckt, fur wilchen sich doch die welt furchtet, Sie haben sich villeicht vorlassen auff yhre macht, mehr dan auff got, drum haben sie müssen fallen. Vnd was hat zu vnsern zeiten, den blut-

seuffer Zulium secundum so hoch erhaben, dan das ich besorg, Frankreich, deutschen vnd Benedige haben auff sich selb bawet. Es schlugen die kinder beniamin zwei vnd vierzig tausend Israeliten, darvmb das sie sich auff ihre sterck vorlieffen Judic. xix.

Das vns auch nit so gelinge, mit dissem edlen blut Carolo, müssen wir gewiß sein, das wir in dieser sacht nit mit menschen, sondern mit den fursten der hellenn handeln, die wol mugen mit krieg vnd blut vorgiffen die welt erfullenn, aber sie lassen sich damit nicht vberwinden. Man muß hie mit einem vorzag leyphlicher gewalt, in demutigem vortrawen gottis, die sacht angrehffen, vnd mit ernstlichem gebet hulff bey got suchenn, vnd nichts anders in die augen bilden, dan der elenden Christenheit iamer vnd not, vnangesehen was boß leut vordienet haben, wo das nit, so sol sichs spiel wol lassen ansahenn mit grossen schein, aber wen mann hynein kumpt, sollen die bösen geist, ein solch hrrung zurichten, das die ganz welt must ym blut schweben, vund dennocht damit nichts außgericht, drum b last vns hie mit furcht gottis vnd weyßlich handeln. Vhe grosser die gewalt, vhe grosser vngluck, wo nit in gottis furcht vnd demut gehandelt wird. Haben die Ppste vnd Romer bißher mugen durch teuffels hulff, die kunig in einander werren, sie mugens auch noch wol thun so wir on gottis hulff, mit vnser macht vnd kunst faren.

¶ Die Romanisten haben drey mauren, mit grosser [24<sup>a</sup>] behendikeit, vmb sich zogen, damit sie sich bißher beschutzt, das sie niemant hat mugenn reformieren, dadurch die ganz Christenheit greulich gefallen ist. Zum ersten, wen man hat auff sie drungen, mit weltlicher gewalt, haben sie gesetzt vnd gesagt, weltlich gewalt habe nit recht, vbir sie, sondern widderumb, geystlich sey vbir die weltliche. Zum andern, hat man sie mit der heyligen schrift wolt straffen, setzen sie da fegen, Es gepur die schrift niemant außzulegen, den dem Papst. Zum dritten drowet man ihn mit einem Concilio, so ertichten sie, es muge niemant ein Concilium beruffen den der Papst. Also haben sie die drey rutten vns heymlich gestolen, das sie mugen vngestraft sein, vnd sich in sicher befestung dieser drey maur

geſetzt, alle buberey vnd boßheit zutreiben, die wir dan  
 izt ſehen, vnd ob ſie ſchon ein Concilium muſten machen,  
 haben ſie doch daſſelb zuvor mat gemacht, damit, das ſie  
 die fürſten zuvor mit ehden vorpflichten, ſie bleyben zu-  
 laſſen, wie ſie ſein. darzu dem Papſt vollen gewalt geben  
 vbir alle ordnung des Concilii, alſo das gleich gilt, es  
 ſein vil Concilia odder kein Concilia, on das ſie vns nur mit  
 laruen vnd ſpiegelfechten betriegen, ſo gar greulich fürchten  
 ſie der haut für einen rechten freyen Concilio. vnd haben  
 damit kunig vnd fürſten ſchochter gemacht, das ſie glewben  
 es were widder got, ſo man yhn nit gehorchte in allen  
 ſolchen ſchalckhafftigen liſtigen ſpugniffen.

Nu helfff vns got vnd geb vns der Baſaunen eine,  
 do mit die mauren Hiericho wurden umbworffenn, das wir  
 diße ſtroeren vnd papyren mauren auch umbblaffen, vnd  
 die Chriſtlichen ruten, ſund zuſtraffenn loß machen, des  
 teuffels liſt vnd trug an tag zubringen, auff das wir  
 durch ſtraff vns beſſern, vnnnd ſeine huld widder erlangen.

[24<sup>b</sup>] ¶ Wollen die erſte maur am erſten angreyffenn.  
 Man hats erfunden, das Papſt, Biſchoff, Prieſter, Kloſter  
 volck, wirt der geſtlich ſtand genent, Fürſten, Hern,  
 handtwerckß vnd ackerleut, der weltlich ſtand, wilchs gar  
 ein feyn Comment vnd gleyſſen iſt, doch ſol niemant darub  
 ſchuchter werden, vnnnd das auß dem grund. Dan alle  
 Chriſten, ſein warhafftig geſtlichß ſtands, vnnnd iſt vnter  
 yhn kein vnterſcheyd, denn des ampts halben allein. wie  
 Paulus .i. Corint. xij. ſagt, das wir alle ſampt eyn Corper  
 ſeinn, doch ein yglich glib ſein eygen werck hat, damit es  
 den andern dienet, das macht allis, das wir eine tauff,  
 ein Euangelium, ehnen glauben haben, vnnnd ſein gleyche  
 Chriſten, den die tauff, Euangelium vnd glauben, die  
 machen allein geiſtlich vnd Chriſten volck. Das aber der  
 Papſt odder Biſchoff ſalbet, blatten macht, ordiniert, weh-  
 het, anders dan lehen, fleydet, mag einen gleyſner vnd  
 olgozen machen, macht aber nymmer mehr, ein Chriſten  
 odder geſtlichen menſchen. Dem nach ſo werden wir  
 allesampt durch die tauff zu prieſtern geweyhet. wie ſanct  
 Peter .i. Pet. ij. ſagt, yhr ſeid ein kuniglich prieſterthum,  
 vnd ein prieſterlich kunigreych. Vnd Apoc. Du haſt vns



gemacht durch dein blut zu priestern vnd kunigen. dan wo nit ein hoher weyen in vns were, den der Bapst odder Bischoff gibt, so wurd nymmer mehr durch Bapsts vund Bischoff weyhen ein priester gemacht, mocht auch noch meß halten, noch predigenn, noch absoluieren.

Drumb ist des Bischoffs weyhen nit anders, den als wen er an stat vnd person der ganzen samlung, eynen auß dem hauffen nehme, die alle gleiche gewalt haben, vnd yhm beßelh, die selben gewalt, fur die andern außzurichten, gleich als wen zehen bruder, kuniges [B1<sup>a</sup>] kinder gleich erben, einen erweleten, das erb fur sie zu regieren, sie weren yhe alle kunige vnd gleicher gewalt, vnd doch einen zuregieren besolen wirt. Vnd das ichs noch klerer sag, Wen ein heufflin fromer Christen leyen wurden gefangen vund in ein wustenei gesetzt, die nit bey sich hetten einen geweyheten priester von einen Bischoff, vund wurden alda der sachen eyniß, erweleten eynen vnter yhn, er were ehlich odder nit, vnd beßelhen ym das ampt zu teuffen, meß halten, absoluieren, vnd predigenn, der wer warhafftig ein priester, als ob yhn alle Bischoffe vnd Bepste hetten geweyhet. Daher kunpts, das in der not, ein yglicher teuffen vnd absoluieren kan, das nit muglich were, wen wir nit alle priester weren. Solche groß gnad vnd gewalt der tauß vnd des Christlichen stands, haben sie vns durchs geystlich recht fast nidergelegt vnd vn bekant gemacht. Auff disse weyße erweleten vorzeiten, die Christen auß dem hauffen yhre Bischoff vnd priester, die darnach von andern Bischoffen wurden bestetiget, on alles prangen das igt regirt, So wart sanct Augustin, Ambrosius Cyprianus Bischoff.

Die weyl dan nu die weltlich gewalt, ist gleych mit vns getaußt, hat den selben glauben vund Euangelij, müssen wir sie lassen priester vnd Bischoff sein, vnd yr ampt zelen, als ein ampt das da gehore vnd nützlich sey, der Christlichen gemeine. Dan was auß der tauß krochen ist, das mag sich rumen, das es schon priester Bischoff vnd Bapst geweyhet sey, ob wol nit einem yglichen zympt, solch ampt zuwen. Dan weyl wir alle gleich priester sein, muß sich niemant selb erfur thun, vnd sich vnterwinden, an vnßer bewilligen vnd erwelen, das zuthun, des wir alle gleychen

gewalt haben, Den was gemeyne ist, mag niemandt on der gemeyne [B1<sup>b</sup>] willen vnd befehle an sich nehmen. Vnd wo es geschehe das yemandt erwelet zu solchem ampt, vnd durch seinen mißprauch, wurd abgesetzt, so were ehr gleich wie vorhyn. Drumv solt ein priester stand nit anders sein in der Christenheit, dan als ein amptman, weil er am ampt ist, geht er vohr, wo ehr abgesetzt, ist ehr ein bawr odder burger wie die andern. Also warhafftig ist ein priester nymmer priester, wo er abgesetzt wirt. Aber nu haben sie ertichted Caracteres indelibles, vnd schwezen, das ein abgesetzter priester, dennocht, etwas anders sey, dan ein schlechter leye. Ja sie trewmiet, Es mug ein priester nymmer mehr anders den priester odder ein ley werden, das sein alles menschen ertichte rede vnd gesetz.

Szo folget auß diffem, das leye, priester, fursten, bischoff, vnd wie sie sagen, geistlich vnd weltlich, keynen andern unterscheyd, ym grund warlich haben, den des ampts odder wercks halben, vund nit des stands halbenn, dan sie sein alle geistlichs stands warhafftig priester, bischoff, vnd bepste, aber nit gleichs einerley wercks, gleich wie auch vnter den priestern vnd munchen nit eynerley werck ein yglicher hat. Vvnd das ist sanct Paul Ro. xij. vnd .i. Corint. xij. vund Petrus .i. Pet. iij. wie ich droben gesagt, das wir alle ein corper sein des heubts Jesu Christi, ein yglicher des andern gclidmaß. Christus hat nit zwey noch zweyerley art corper, einen weltlich den andern geistlich. Ein heubt ist, vnd einen corper hat er.

Gleich wie nw die so mann istt geistlich heyst, odder priester, bischoff odder bepst, sein von den andern Christen nit weytter noch wirdiger gescheyden, [B2<sup>a</sup>] dan das sie das wort gottis vund die sacrament sollen handeln, das ist yhr werck vund ampt. Also hat die weltlich vbirkeit, das schwert vund die ruttenn in der hand, die boßen damit zustraffenn, die frummen zuschutzen. Ein schuster, ein schmid, ein bawr, ein yglicher seyns handtwercks, ampt vund werck hat, vund doch alle gleich geweyhet priester vnd bischoffe, vund ein yglich sol mit seinem ampt odder werck, denn andern nutzlich vund dienstlich sein, das also viellerley werck, alle in eine gemeyn gerichtet sein,

leyh vnd sellen zusoddern, gleich wie die glidmaß des corporis alle eyns dem andern dienet.

Nu sich, wie Christlich das gesetzt vnd gesagt sey, weltlich vbirkeit sey nit vber die geistlichkeit, sol sie auch nit straffenn. Das ist eben hñvil gesagt, die handt sol nichts dazzu thun, ob das aug groß nodt leydet, Istz nit vnaturlich, schweyg vnchristlich, das ein glid dem andern nit helffen, seinem vorterven nit weren sol? Ja vhe edler das glidmaß ist, vhe mehr die andern vhm helffen sollen. Drumb sag ich, die weil weltlich gewalt von got geordnet ist die bösen zustraffenn, vnd die frumen zuschutzen, so sol man vhr ampt lassen frey gehn vnuorhyndert durch den ganzen corper der Christenheit, niemants angesehen, sie treff Bapst, Bischoff, pfaffen, munch, Nonnen, odder was es ist. Wen so das gung were, die weltlich gewalt zuhyndern, das sie geringer ist vnter den Christlichen empten, den der prediger vnd beichtiger ampt, odder geistliche stand, so solt mann auch vorhyndern, den schneydern, schustern, steynmekenn, hymmerleutenn, koch, kelnern, bawrn, vnd alle zeitlichen handtwercken, das sie dem Bapst, Bischoffen, Priestern, Munchen, kein schu, kleider, hauß, essen, trincken machten, noch kynß geben. [B2<sup>b</sup>] Pessit man aber diesen leyen vhre werck vnuorhindert, was machen den die Romischen schreyber, mit vhren gesehen, das sie sich außziehen auß dem werck weltlicher Christlicher gewalt, das sie nur frey mügen böß sein, vnd erfüllen was sanct Peter gesagt hat, Es werden falsch meyster vnter euch stehen, vnd mit falschen ertichten wortten mit euch vmbgehen, euch ym sack zu vorkauffen.

Drumb sol weltlich Christlich gewalt vhr ampt vben frey vnuorhyndert, vnangesehen obs Bapst, bischoff, priester sey den sie trifft, wer schuldig ist der leyde, was geistlich recht da widder gesagt hat, ist lauter ertichtet Romisch vormessenheit. den also sagt sanct Paniel allen Christen, Ein ygliche seele (ich halt des Bapsts auch) sol vnterthan sein der vbirkeit, den sie tregt nit vmbsonst das schwert, sie dienet got damit, zur straff der bösen, vnd zu lob den frumen. Auch sanct Petrus, Seyt vnterthan allen menschlichen ordnungen vmb gottis willen, der es so haben wil.



Er hats auch verkündet, das kummen wurden solch menschen, die die weltlich vbirkeit wurden furachtenn .ij. Pet. ij. wie dan geschehenn ist durch geistlich recht.

Also meyn ich, disse erste paphr maur lig darnyder, seyntemal, weltlich hirschaft, ist ein mitglied worden des Christlichen Corpors, vnnnd wie wol sie ein leyplich werck hat, doch geistlichs stands ist, darumb hhr werck sol frey vnnorhindert gehen, in alle glidmaß des gangen corpors, straffen vnd treyben, wo es die schuld vordienet odder not foddert, vnangesehen, Bapst, Bischoff, priester, sie dremen odder bannen, wie sie wollen. Da her kompts, das die schuldigen priester, so man sie in das weltlich recht vberantwortet, zuuor entsetzt werden priesterlicher wurden, das doch nit recht [B3<sup>a</sup>] were, wo nit zuuor auß gotlicher ordnung das weltlich schwert, vbir die selben gewalt hette. Es ist auch zuuiel, das man so hoch ym geistlichen recht hebt, der geistlichen freyheit, leyp vnnnd gutter, gerad als weren die lehen nit auch so geistlich gute Christen als sie, odder als gehorten sie nichts zur kirchen. Warumb ist dein leyp, leben, gut vnd ehr so frey, vnd nit das meyne, so wir doch gleich Christen sein, gleich tauff, glauben, geyst vnd alle ding haben? Wirt ein priester erschlagen so ligt ein Land ym Interdict, warumb auch nit wen ein bawr erschlagen wirt? wo kumpt her solchs groß vnterscheyd, vnter den gleychen Christenn? allein auß menschen gesehen vnd tichten.

Es muß auch kein gutter geyst sein, der solch außzug erfunden, vnd die sund frey unstrefflich gemacht hat, dan so wir schuldig sein, widder den bösen geist seine werck vnd wort, zu streyten, vnd hhn vortreyben wie wir mugen, als vns Christus gepent vnd seine Apostel. wie kemen wir dan dazu, das wir solten stil halten vnd schweygen, wo der Bapst odder die seynenn, teufelisch wort odder werck furnehmen? Solten wir vmbz menschen willen, gotlich gepot vnnnd warheit lassen nyderlegen, der wir in der tauff geschworen haben, bey zustehen mit leyp vnd leben, furwar wir weren schuldig aller selen die dadurch vorlassen vnd vorsehet wurden. Drumb muß das der heubt teuffel selb gesagt haben, das ym geistlichenn recht stet, Wen

der Bapst so schendlich boß were, das er gleich die selennt mit grossen hauffen zum teuffel furet, kund man yhn dennoch nit absetzen. Auff dießsen vorfluchten, teuffelischen grund bawen sie zu Rom, vnnnd meynen, man sol ehe alle welt zum teuffel lassen faren, den yhrer buberey widderstreben. wen es gung were doran, das [B3<sup>b</sup>] einer vber den andern ist, darumb er nit zustraffen sey, must kein Christen den andern straffenn. Seintemal Christus gepent, ein yglicher sol sich den vntirsten vnd geringsten halten.

Wo fund ist, da ist schon kein behelff mehr widder die straff, als auch sanct Gregorius schreybt, das wir wol alle gleich sein, aber die schuldt mach einen vnterthan dem andern. Nu sehen wir, wie sie mit der Christenheit umgahn. Nemen yhn die freiheit, on alle beweysung auß der schrift, mit eygenem freuel die got vnd die Apostel haben vnterworffen dem weltlichen schwert, das zubesorgen ist, es sey des Endtchrists spiel, obder sein nehster vorlaufft.

¶ Die ander maur, ist noch loßer vnd vntuchtiger das sie allein wollen meister der schrift sein, ob sie schon yhr leblang nichts drynnen lernenn, vormessen sich allein der ybirkeit, tauckeln fur vns, mit vnuorschampten wortten, der Bapst mug nit yrren ym glaubenn, er sey boß odder frum, mugen desselben nit ein buchstaben anzeihen. Da her kompt es, das konil kezerisch vnd vchristlich, ia vnnaturliche gesetz stehen ym geistlichen recht, danon ist nit not zuredenn, Dan die weil sie es achten, der heylig geist laß sie nit, sie sein so vngeleret vnd boße wie sie kunden, werden sie kune zusehen was sie nur wollen. Vnd wo das were, wahn were die heylige schrift not odder nuz? lasset sie vns vorprennenn, vnnnd benugen an dem vngelereten hern zu Rom, die der heylig geist, ynnenhath, der doch nit dan frume herzen mag ynnen habenn. Wen ichs nit gelesen het, were myrs vngleublich gewesen, das der teuffel solt zu Rom solch vngeschiedt ding furwendenn, vnd anhang gewinnen.

[B4<sup>a</sup>] Doch das wir nit mit wortten widder sie fechten, wollen wir die schrift her bringen. Sanct Paul spricht .i. Corint. iiij. so yemant etwas bessers offenbar wirt ob ehr schon sitzt, vnd dem andern zuhoret ym gottis wort,

so sol der erst der do redt, stillschweygen vnd weychen. Was were diß gebot nutz, so allein dem zugewben were, der do redt odder oben anßiht. Auch Christus sagt Johan .vi. das alle Christen sollen geleret werden von got, so mag es yhe geschehen, das der Bapst vnd die seinen boß sein, vnnnd nit rechte Christen sein, noch von got geleret rechten vorstand haben. widderumb ein geringer mensch den rechten vorstand haben, warumb solt man yhm den nicht folgenn? hot nit der Bapst viel mal gehyret? wer wolt der Christenheit helffenn, so der Bapst yrrt, wo nit einem andern mehr dan yhm glaubt wurd, der die schrift fur sich hette?

Drumb ist ein frenel ertichte fabel, vnnnd mugen auch keinen buchstaben auff bringen, damit sie bewerenn, das des Bapsts allein sey, die schrift außzulegen, odder yhr außlegung zubestetigenn, Sie haben yhn die gewalt selbs genommen. Vnd ob sie furgeben es were sanct Peter die gewalt gebenn, da yhm die schlussel seint geben. Ist offenbar gnug, das die schlussel nit allein sanct Petro, sondern der ganzen gemein geben seint. Darzu die schlussel nit auff die lare odder regiment, sondern allein auff die funde zupinden odder losen geordnet sein, vnd ist eytel ertichtet ding, was sie anders vnd weytter auß den schlussel yhn zuschreybenn. Das aber Christus sagt zu Petro. Ich hab fur dich gebeten das dein glaub nit zurgehe, mag sich nit streckenn auff denn Bapst, seintemal das mehrer teyl [B 4<sup>b</sup>] der Bepst on glauben gewesen sein, wie sie selb bekennen müssen, so hat Christus auch nit allein fur Petro gebetten, sondern auch fur alle Apostel vnd Christen. wie er sagt Johan .xviij. Vatter ich bitte fur sie, die du mir geben hast, vnnnd nit allein fur sie, sondern fur alle, die durch yhr wort glewben in mich, Ist das nit klar genug geredt?

Denck dach bey dir selb, Sie müssen bekennen das frumme Christen vnter vns sein, die den rechten glauben, gehst, vorstand, wort, vnd meynung Christi haben, yhe warumb solt man den, der selben wort vnnnd vorstand vorwerffen, vnnnd dem Bapst folgen der nit glaubenn noch gehst hat? were doch das, den ganzen glauben, vnd die Christenlichen kirche vorleugnet. Item, Es muß yhe nit

allein der Bapst recht haben, so der artickel recht ist, Ich glaub ein heylige Christliche kirche. odder müssen also beten, Ich glaub in den bapst zu Rom, vnd also die Christliche kirch, gang in einen menschen zihen, wilchs nit anders dan teuffelisch vnd hellisch yrtumb were.

Wbir das, so sein wir yhe alle priester, wie droben gesagt ist, alle einen glauben, ein Euangelij, einerley sacrament haben, wie solten wir den nit auch haben macht, zuschmecken vnd yrteylen, was do recht odder vnrecht ym glauben were. wo bleybt das wort Pauli .i. Corint .ij. Ein geistlicher mensch richtet alle ding, vnnnd wird von niemantz gerichtet. vnd .ij. Corint .iiij. wir haben alle eynen geyst des glaubens, wie solten wir denn nit fulen so wol als ein vngleubiger bapst, was dem glauben eben odder vneben ist? Auß dießem allenn vnd vielen andern spruchen, sollen wir mutig vnd frey werden, vnnnd den geyst der freyheit (wie yhn Paulus nennet) nit lassen mit ertichten wortten der Bepst ab-[G 1<sup>a</sup>]-schrecken, sondern frisch hyndurch, allis was sie thun odder lassen, nach vnserm glaubigen vorstand der schrift richten, vnd sie zwingen zusolgen dem bessern vnnnd nit yhrem eygen vorstand. Muste doch vorzeytenn Abraham seine Sara horen, die doch yhm hertter unterworffen war, den wir yemant auff erden, so war die eselynne Balaam auch kluger denn der Propheta selbs, Hat got da durch ein eselinne redet gegen einem Propheten, warumb solt er nit noch reden kummen durch ein frum mensch gegen dem Bapst? Item sanct Paul strafft sanct Peter als einen yrrigen. Gal. ij. Drumb geburt einem yglichen Christen, das er sich des glaubens annehm, zuuorstehen vnd vorsechten, vnd alle yrtumb zuuordammen.

¶ Die dritte maur felleet von yhr selbs, wo disse erste zweo fallenn, dann wo der bapst widder die schrift handelt, sein wir schuldig der schrift bey zustehen, yhn straffen vnd zwingen, nach dem wort Christi Math. xvij. Sündiget dein bruder widder dich, so gang hyn vnd sags yhm zwischen dyr vnnnd yhm allein, horet ehr dich nit, so nym noch einen odder zween zu dir, horet er die nit, so sag es der gemeyne, horet er die gemeyne nit, so halt yhn als einen heyden. Sie wirt befohlenn einem ygliche



glid, für das ander zuzorgenn, wienil mehr sollen wir darzu thun, wo ein gemeyn regierend gelid vbel handelt, wilchs durch seinen handel viel schaden vnd ergerniß gibt den andern, sol ich yhn den vorklagen für der gemeyne, so muß ich sie ia zusammenn bringen.

Sie haben auch keinen grund der schrift, das allein dem Papst gepur ein Concilium zuberuffen odder bestetigenn, dan allein yhre eygene gesetz, die nit weytter gelten, dan so ferne sie nit schedlich sein der Christenheit vnd gottis gesetzenn. wo nw der Papst strefflich ist, horen solch gesetz schon auff, die weyl es schedlich ist der Christenheit, yhn nit straffen durch ein Concilium.

Szo lesen wir Act. xv. das der Apostel Concilium nit sanct Peter hat beruffen, sondern alle apostel, vnd die eltiften. wo nw sanct Peter das allein het gepurt, were das nit ein Christlich Concilium, sondern ein kehrisch Conciliabulum gewesen. Auch das berumpte Concilium Nicenum, hat der Bischoff zu Rom noch beruffen noch bestetiget, sondern der keyßer Constantinus, vund nach yhm viel ander keyßer desselben gleichen than, das doch die allerchristlichsten Concilia gewesen sein. Aber solt der papst allein die gewalt haben, so mußten sie alle kehrisch gewesen sein. Auch wen ich ansehe die Concilia die der papst gemacht hat, sind ich nit besonders das brynnen ist außgericht.

Darumb, wa es die not foddert, vnd der papst ergerlich der Christenheit ist, sol darzu thun wer am ersten kan, als ein trew glid des gangen corpors, das ein recht frey Concilium werde, wilch niemandt so wol vormag als das weltlich schwert, sonderlich die weyl sie nu auch mitchristen sein, mitpriester, mitgeistlich, mitmechtig in allen dingen, vnd sol yhre ampt vnd werck das sie von got haben vbir yderman, lassen frey gehen, wo es not vnd nuß ist zugehen. Were das nit ein vnnatürlich furnehmen, so ein fewr in einer stadt auffgienge, vnd yderman solt stille stehenn, lassen für vund für brennen was do brennen mag, allein darumb, das sie nit die macht des Burgemeysters hetten, odder das fewr villeicht ann des Burgemeysters hauß anhub? Ist nit hie einn yglicher burger schuldig die andern

zubewegen vund beruffen? wie viel mehr sol das in der [C 2<sup>a</sup>] geystlichen stad Christi geschehen, so ein fewr des ergerniß sich erhebt, es sey an des Papsts regiment odder wo es wolle. Desselben gleichen geschicht auch so die feynd eine stadt vberfielen, da vordienet der ehr vnd danck, der die andern am ersten auff bringt. warumb solt den der nit ehre vordienen, der die hellischen feynd vorkundet, vnd die christen erweckt vnd berufft.

Das sie aber yhre gewalt rumen, der sichs nit zyme widderzusechtenn, ist gar nichts geredt. Es hat niemant in der Christenheit gewalt, schaden zuthun, odder schaden zuweren, vorpietenn. Es ist kein gewalt in der kirchen, den nur zur besserung, Drumb wo sich der Papst wolt der gewalt brauchenn, zuwerenn ein frey Concilium zumachen, damit vorhyndert wurd die besserung der kirchen, so sollen wir yhn vund seine gewalt nit ansehen, vnd wo er bannen vnd donnern wurd, solt man das furachten, als eins tollen menschen furnehmen, vnd yhn, in gottis zuvorsicht, widderumb bannen vnd trennen, wie man mag, dan solch seine vormessene gewalt ist nichts, er hat sie auch nit, vnd wirt bald mit einem spruch der schrift nydergelegt, denn Paulus zu den Corinthern sagt, Got hat vns gewalt geben, nit zuvorterbenn, sondern zubessern die christenheit. Wer wil vber disen spruch hupffen? des teufls vnd Endchristes gewalt ist, die do weret was zur besserung dienet der christenheit, darumb yhr gar nit zu folgen, sondern widdergustehen ist, mit leyp, gut, vnd allem was wir vermugenn.

Vnd wo gleich ein wunderkeichen fur den Papst widder die weltlich gewalt geschehe, odder yemandt ein plag widderfure, wie etlich mal sie rumen geschehen sey, sol man dasselb nit anders achten, dan als durch den teuffel geschehen, vmb vnserz glaubens zu got gebrechen. [C 2<sup>b</sup>] wie dasselb Christus vorkündigt hat Matt. xiiij. Es werden kummen in meynem namen falsche Christenn vnd falsche propheten, zeychen vnd wunder thun, das sie auch die auferweleten mochten vorsehen, vnd sanet Paul sagt den Thessalonicenn das der Endchrist werde durch Satanam mechtig sein, in falschen wunderkeichen.

Drumb laffet vns das fest haltenn, Christliche gewalt, mag nichts widder Christum. wie sanct Paul sagt, wir vormugen nichts widder Christum, sondern fur Christo zuthun. Thut sie aber etwas wider Christum, so ist sie des Endchriſts vund teuffels gewalt, vnd solt sie wunder vnd plagen regnen vund schlossen, wunder vnd plagen bewerren nichts, sonderlich, in dießer letzten ergisten zeit, von wilcher falsche wunder vorkundet sein in aller schrift, drumb müssen wir vns an die wort gottis halten, mit festem glauben, so wirt der teuffel seine wunder wol lassen.

¶ Sie mit, hoff ich, sol das falsche lügenhaftige schrecken, damit vns nu lange zeit die Römer habenn schuchter vnd bloß gewissen gemacht, ernyder liegen. Vnd das sie mit vns allen gleich dem schwert vnterworffen sein, die schrift nit macht haben außzulegen durch lautter gewalt on kunst. vnd keinen gewalt haben ein Concilium zuweren, odder noch hñrem mutwillen pfenden, vorpflichten, vund seine freyheit nehmen, vund wo sie das thun, das sie warhafftig des Endchriſts vnd teuffels gemeinschaft sein, nichts von Christo, denn den namen haben.

¶ Nu wollen wir sehenn die stück, die man billich in den Concilien solt handeln, vnd damit Ppſt, Cardinel, Biſchoff, vnd alle gelereten solten billich tag vnd nacht umbgahn, so sie Christum vund seine kirch lieb [G 3<sup>a</sup>] hetten. wo sie aber das nit thun, das der hauff vnd das weltlich schwert darzu thue, vnangesehen hñr bannen odder donnern, den ein vnrechter ban, ist besser, dann zehen rechte absolution. vnd ein vnrechte absolution erger, dan zehen rechte ban. Darumb laffit vns auff wachen lieben deutſchen, vnd got mehr den die menschen furchten, das wir nit teylhafftig werdenn aller armen seelen, die so kleglich durch das schendlich teuffelisch regiment der Römer, verloren werden, vund teglich mehr vnd mehr der teuffel zunympt, so es anders muglich were das solch hellisch regiment mocht erger werden, das ich doch nit begreiffen noch glauben kan.

Zum ersten, istz greulich vnd erschrecklich anzusehen, das der vbirſt in der Christenheit, der sich Christi Vicarium, vnd sanct Peters nachfolger rümet, so weltlich vnd precht-

lich feret, das yhn darinnen kein kunig, kein kreyßer mag erlangen vnd gleich werden, vnd in dem, der allerheyligist vnd geystlichst sich lesset nennen, weltlicher weßen ist, dan die welt selber ist. Er tregt ein dreyfeltig kron, wo die hochsten kunig nur ein kron tragen, gleicht sich das mit dem armen Christo vnd sanct Peter, so istz ein new gleichen. Man plerret es sey kreyßisch, wo man dawidder redt, man wil aber auch nit horen, wie vndchristlich vnd vngotlich solch weßen sey, Ich halt aber, wen er betten mit threnen solt, fur got, er must yhe solch kronen ablegen, die weil vnser got, keinen hoffart mag leyden. Nu solt sein ampt nichts anders sein, dan teglich weynen vund beten fur die Christenheit, vnd ein exempel aller demut furtragen.

Es sey wie yhm wolle, so ist ein solcher pracht ergerlich, vnd der bapst bey seiner seel seligkeit schuldig yhn abkulegen, darumb das sanct Paul sagt, Enthaltet euch fur allen geperden, die do ergerlich sein. vnd Ro[33]ma .xij. wir sollen guttis furwenden, nit allein fur gottis augen, sondern auch fur allen menschen. Es were dem Bapst guug eine gemeyne bischoff kron, mit kunst vnd heyligkeit, solt er groffer sein fur andern, vund die kron der hoffart dem Endtchrist lassenn, wie da than haben seine vorsearen fur etlich hundert iaren. Sie sprechen, er sey ein herr der welt, das ist erlogenn, den Christum, des stathalter vnd amptman er sich rümet, sprach fur Pilato, Mein reich ist nit von disser welt. Es kan yhe kein stathalter weytter regieren den sein her, Er ist auch nit ein stathalter des erhebtenn, sondern des gekreuzigten Christi, wie Paulus sagt, Ich hab nichts bey euch wolt wissen den Christum, vnd den selben nur als gecreuzigten. Vnd Phil .ij. Also solt yhr euch achten, wie yhr seht in Christo, der sich hat entledigt, vnd ein knechtisch geperde an sich genommen. Item .i. Corint .i. wir predigen Christum den gecreuzigtenenn. Nu machen sie den Bapst, ein stathalter des erhebtten christi ym hymel, vnd haben etlich den teuffel so starck lassen in yhn regieren, das sie gehalten, der Bapst sey vbir die Engeln ym hymel, vnd yhn zugewieteten habe, wilchs sein eygentlich die rechten werck, des rechten Endtchristis.

¶ Zum andern, wozu ist das volg nutz in der christen-



heit, das do heysset die Cardinel? das wil ich dyr sagenn. Welsch vnnnd deutsch landt, haben viel reycher kloster, stift, lehen vnd pfarr, die hat man nit wiß baß gen Rom zu bringen, dan das man Cardinal macht, vnnnd den selben, die Bistumb, kloster, prelaturu zuehgen gebe, vnd gotis dienst also zu poden stieße. drum b sieht man ißt, das welschlandt, fast wußt ist, kloster vorstoret, bistumb vorgeret, prelaturu vnnnd aller kirchen hünße gen Rom hogen, Stet vorfallen, land vnd leut vortorben, da kein gottis dienst nach predig mehr gahet. [C4<sup>a</sup>] warumb? die Cardinal müssen die gutter haben, kein Turck het welschlandt so mugen vortorben vnd gottis dienst nyderlegenn.

Nu welsch landt außgesogen ist, kommen sie ynß deutsch landt, heben feyn seuberlich an, aber sehen wir zu, deutsch landt sol bald, dem welschen gleich werden, wir habenn schon etlich Cardinel, was darynnen die Romer suchen, sollen die truncken deutschen nit vorstehen, biß sie kein bistum, kloster, pfarr, lehen, heller odder pfennig mehr habenn. Der Endtchrist muß die scheß der erden heben, wie es verkundet ist, Es geht daher, man scheumet oben ab von den bistumen, klostern, vnd lehen, vnd weil sie noch nit alles thuren gar vorscheinden, wie sie den welschen than haben, brauchen sie die weil solch heylige behendikeit, das zehen oder zwenzig prelaturen zusammen koppeln, vnd von einer iglichen ein ierlich stuck reysfenn, das doch ein summa drauß werde. Proebstey zu Wirzburg gibt tausend gulden, die zu Babenburg auch etwas, Menß, Trier, vnd der mehr, so mocht man ein tausend gulden odder zehen zusammen bringen, damit ein Cardinal sich einem reychen funige gleich halte zu Rom.

Wen wir nu des gewonen, so wollen wir dreyßig odder vierzig Cardinel auff einen tag machen, vnd einen geben den Munchenberg zu Babenberg, vnd das bistum zu Wurzburg darzu, dran gehengt etlich reycher pfarn, biß das kirchen vnd stet wußt sein, vnd darnach sagen, wir sein Christi Vicarij, vnd hirtten der schaff Christi. die tollten vollen deutschen, mussens wol leyden.

Ich rad aber, das man der Cardinal weniger mache, oder laß sie den Papst von seinen gutte neren, Er were vbrig gnug

an .xij. vnd ein yglicher het des iars tausent gulden eintzukommen. Wie kommen wir deutschen darzu, das wir solch, reuberey, schinderey, vnserer guter von dem bapst [C 4<sup>b</sup>] leyden müssen? hat das kunigreich zu Frandreich sichs erweret, warumb lassenn wir deutschen vns also narren vnnnd effenn? Es were allis treglicher, wen sie das gut allein vns also abstolen, die kirchen vorwusten sie damit, vnd berauben die schaff Christi, yhrer frumen hyrten, vnd legen den dienst vnnnd wort gottis nyder, vnnnd wen schon kein Cardinal were, die kirch wurd dennoch nit vorsinken, so thun sie nichts das zur christenheit dienet, nur gelt vnnnd hadder sachen vmb die Bistum vnnnd prelaturen treyben sie, das auch wol ein izlicher reuber thun kunn.

¶ Zum dritten, wen man des bapsts hoff ließ das hunderte theil bleyben, vnd thet ab newn vnd newnzig theil, er were dennoch groß gnug, antwort zugeben, in des glaubens sachen. Nu aber ist ein solch gewurm vnd geschwurm in dem Rom, vnnnd alles sich bepstisch rumet, das zu Babylonien nit ein solch weßen gewesen ist. Es sein mehr dan drey tausent Bapst schreyber allein, wer wil die andern ampt lent zeleenn, so der ampt boniel sein, das man sie kaunet zelen kann. wilche alle auff die stift vnd lehen deutschs landts wartten, wie wolff auff die schaff. Ich acht das deutsch landt igt weit mehr gen Rom gibt dem Bapst, dan vor zeytenn den keysern. Ja es meynen etlich das ierlich mehr dan dreyermal hundert tausent gulden auß deutsch land gen Rom kommen, lauterlich vorgebens vnd vmb sonst, dafur wir nicht dan spot vnd schmach erlangen, vnnnd wir vorwundern vns noch, das furstenn, adel, stedt, stift, land vnnnd leut arm werden, wir solten vns vorwundern, das wir noch zueffen haben.

Die weyl wir dan hie in das rechte spiel kummen, wollen wir ein wenig stil halten, vnd vns sehen lassen, wie die deutschen nit so ganz grobe narn sein, das sie [D 1<sup>a</sup>] Romische practick gar nichts wissen odder vorstehen, Ich klag hie nit, das zu Rom gottis gepot vnd christlich recht vorachtet ist, dan so wol stet es igt nit in der Christenheit, sonderlich zu Rom, das wir von solchen hohen dingen klagen mochten. Ich klag auch nit, das, das naturlich

odder weltlich recht vnd vornunft nichts gilt. Es ligt noch alles tieffer hm grund. Ich klag das sie yhr ehgenn ertichtet geystlich recht nit haltenn, das doch on hym selb, ein lautter tyranney, gehyeren, vnd zeytlicher pracht ist, mehr dann ein recht, das wollenn wir sehen.

Es haben vorzeyten deutsche keyßer vnnnd furstenn vorwilligt, dem Papst die Annaten auff allen lehenn deutscher Nation, einzunehmenn, das ist, die helffte der zins, des ersten Jares, auff einem yglichen lehen: die vorwilligung aber ist also geschehen, das der papst durch solch groß gelt solt samlen einen schatz, zustreytten widder die Turcken vnd ynglenbigen, die Christenheit zuschutzen, auff das dem adel nit zuschwer wurd allein zustreitenn, sondern die priesterschaft auch etwas darzu thet. Solcher gutter, einfeltiger andacht der deutschen Nation haben die Bepste dazu braucht, daß sie biß her, mehr dan hundert Jar solch gelt, eingenommen vnd nu einen schuldigen, vorpflichten zins vnd auffsatz, drauß gemacht, vnnnd nit allein nichts gesamlet, sondern drauff gestiftet, viel stend vnnnd empter zu Rom, die damit ierlich, als auß einem erbzins zubesolden. Wen man nw widder die Turcken streytenn vorgibt, so senden sie erauß botschafft, gelt zusamlen, viel mal auch ablas herauß geschickt, eben mit der selben farb, widder den Turcken zustreytten, meynend, die tolln deutschen sollen vnendlich todstocknarn bleyben nur hmer gelt geben, hrem vnaußsprechlichem geyß [D 1<sup>b</sup>] gnug thun, ob wir gleich offentlich sehen, das widder Annaten noch ablas gelt, noch allis ander, einn heller widder den Turcken, sondern alzumal in den sack dem der pden auß ist, kumpt. Liegen vnnnd triegen, setzen vnd machen mit vns bund, der sie nit ein harbreit zuhalten gedennken, das muß darnach der heylig nam Christi vnd sanct Petri allis than haben.

Sie solte nw deutsche Nation, Bischoff vnd Fursten, sich auch fur Christen leut halten, vnd das volck das hym besolen ist, in leyptlichen vnnnd geystlichen guttern zuregiren vnnnd schutzen, fur solchen reyhendenn wolffen beschirmen, die sich vnter den schaffs fleydern dar geben, als hyrtten vnd regierer. Vnd die weil die Annaten so schimpflich mißprauchet werdenn, auch nit gehalten was vorpunden ist,

yr landt vnd leut so iemerlich, on allis recht, schinden vnd vorterven nit zu lassenn, sondern durch ein keyßerlich odder gemeyner Nation gesetz die Annaten herauffen behalten, odder widderumb abethun. Dan die weyl sie nit halten, was vorpunden ist, haben sie auch kein recht zu den Annaten, so sein die Bischoff vund Fursten schuldig, solch dieberey vnd reuberey zustraffen, odder yhe zuweren, wie das recht foddert.

Darynnen dem Bapst beystehen vnd stercken, der vil leicht solchem vnflug allein zuschwach ist, odder wo er das wolt schutzen vnd handhaben, als einem wolff vnd tyrannen weren vnd widerstehen, den er kein gewalt hat, boßes zuthun odder zuvorschten. Auch so man yhe widder die Turcken wolt ein solchem schatz samlen, solten wir billich der mal eynß wickig werden, vnd mercken, das deutsche Nation, den selben baß bewaren kunde den der Bapst, seyntemal deutsche Nation selb volck gnug hat zum streyt, so gelt furhanden [D 2<sup>a</sup>] ist. Es ist mit den Annaten wie mit anderm manchen Romischen furgeben gewest ist.

¶ Item darnach ist geteylet worden das Jar zwischen dem Bapst vnd regierenden bischoffen, vnd stifften, das der bapst sechs Monat hat ym iar, einen vmb den andern, zuuorleyhen die lehen die in seinem Monat vorkallen, damit fast alle lehen hynen gen Rom werden gezogen, sonderlich die allerbesten pfrund vund digniteten. Vnd wilche ein mal so gen Rom fallenn, die kummen darnach nymmer widder erauß, ob sie hynsurt nymmer in des Bapsts Monat vorkallen, damit den stifften viel zukunfft geschicht, vnd ist ein rechte reuberey, die yhr furgenommen hat nichts herauffenn zulassen. Darumb ist sie fast reych, vnd hoch zeit das man die Bapst Monat gar abethue, vund allis was dadurch genn Rom kummenn ist, widder erauß reychte. Den Fursten vund Adel sollen drob sein, das, das gestolen gut werd widder geben, die diebe gestrafft, vnd die yhrs vrlaubs mißprauchen, vrlaubs beraubt werden. Helt vund gilt es, so der Bapst des andern tags seiner erwelung, regel vnd gesetz macht in seiner Cancellen, dadurch vnßer stift vnd pfrundt geraubt werden, da her kein



recht zu hat, so sol es viel mehr gelten, so der keyßer Carolus des andern tags seiner kronung regel vnd gesetz gebe, durch ganz deutsche landt feyn lehen vund pfrund mehr gen Rom lassenn kummenn durch des Papssts Monat, vnd was hynein kummenn ist, widder frey werde, vund von den Romischen reuber erloset, da zu er recht hat von ampt wegenn seynis schwerdts.

Nu hat der Romisch gehz vnd raubstul, nit mocht der zeit erwartten, das durch bapst Monat alle lehen [D 2<sup>b</sup>] hynein kemenn, ehnis nach dem andern, sondern eylet nach seinem vnsettigen wanst, das er sie alle auffz kurtzst hynein rehyffe. Vnd hat vbir die Annaten vnd Monat, ein solch fund erdacht, das die lehen vnd pfrund, noch dreyerley weyße zu Rom behafft werden. Zum ersten, so der ein frey pfrund hat, zu Rom odder auff dem wege stirbt, die selb muß ewig eygen bleyben des Romischen (reubischen) stuls solt ich sagen, vnd wollem den nach nit reuber heysen, so solche reuberey niemant yhe gehoret noch gelesen hat.

Zum andern, so der ein lehen hat odder vbirkumpt der des Bapst odder Cardinel gefindt ist, odder so er zuvor ein lehen hat, vnd darnach bapsts odder Cardinalz gefindt wirt. Nu wer mag des bapsts vund der Cardinel gefind zelen, so der Bapst, wen er nur spazieren reyht, bey drey oder vier tausent manl reytter vmb sich hat, trotz allen keyßern vnd kunigen. Den Christus vnd sanct Peter giengen zufussen, auff das yhre stathalter deste mehr zuprachten vnd prangen hetten. Nu hat der gehz weytter sich erklugert, vund schafft, das auch heraussen viel den namen haben, beystlich gesinds, wie zu Rom, das nur in allen ortten, das bloß schalckhafftig wortlin, Bapsts gefind, alle lehen an den Romischen stul bringen vnd ewiglich hefften. Seynd das nit vordrießliche teuffelische fundle. Sehen wir zu, so sol Menz, Magdeburg, Halberstad, gar feynn gen Rom kummenn, vund das Cardinalat theur genug bezalet werdenn. Darnach wollen wir all deutsche Bischoff Cardinel machenn, das nichts eraussen bleybe.

Zum drittem, wo vmb ein lehen ein hadder sich zu Rom angefangen, wilchs ich acht, fast die gemeynist vund groffist strasz ist, die pfrunden gen Rom zubringen. Dan

wo hie kein hadder ist, sind man vnzehlich [D 3<sup>a</sup>] buffen zu Rom, die hadder auß der erden graben, vnd pfrunden angreyffenn, wo sie nur wollenn, da manch frum priester seinn pfrund muß vorlierenn, odder mit einer summa gelts, den hadder abekaffenn, ein zeyt lang. Solch leben mit hadder recht odder vurecht, vorhafft, muß auch des Romischen stuls ewig eygen sein. Es were nit wunder, das got vom hymel schwebel vnd hellisch sewr regnet, vnd Rom in abgrundt vorseuckt, wie er vorzeytten Sodoma vnd Gomorren thet, was sol ein Bapst, in der Christenheit, wen man seiner gewalt, nit anders braucht, dann zu solcher heubt boßheit, vnd er die selben schutzt vnd handthabt. O edeln fursten vnd hern, wie lang wolt yhr ewr land vnd leut, solchen reysfenden wolffen offen vnd frey lassen.

Da nw solch practick nit gnug war, vnd dem gehz die zeit zulange wart, alle bistum hynein zureysen, hot mein lieber gehz doch so viel erfunden, das die bistumb mit namen craussen, vnd mit dem grund vnd bodenn zu Rom sein. Vnd das also, kein Bischoff mag bestetiget werden, er kauff dan mit grosser summa gelts das pallium, vnd vorpflichtet sich mit grewlichen eyden, zu einem eygenen knecht dem Bapst. Da her kumptz, das kein Bischoff widder denn Bapst thar handeln, das haben die Romer auch gesucht mit dem eyde, vnd sein also die aller reychsten bistumb, in schuld vnd vorterbenn kummen. Menz, hor ich, gibt .xx. tausent gulden. Das sein mir yhe Romer, als mich dunckt. Sie habens wol vorgeitten sezt ym geystlichen recht, das pallium vmbsonst zugebenn, des Bapsts gesind wenigern, hadder mindern, den stifften vnd bischoffen yhre freyheit lassen, aber das wolt nit gelt tragen, drum ist das blat vmkeret, vnd ist den bischoffen vnnid stifften aller gewalt genommen, sitzen wie die Eifren, haben widder ampt, [D 3<sup>b</sup>] macht, noch werck, sondern regierenn alle ding, die heubt buben zu Rom, auch schier des Gusters vnd Glockners ampt, in allen kirchen. alle hadder werden gen Rom gekogenn, thut yderman durchs bapsts gewalt, was er wil.

Was ist geschhehenn in dießem Jare? der Bischoff zu Strazburg wolt sein stift ordenlich regieren vnd resor-

mieren, in gottis dienst, vnd stellet etlich gotlich vnd Christlich artickele darzu dienlich, Aber meinn lieber bapst, vnd der heylige Romische stul, stoß zu podenn vnnnd vordampft solch heylige, geistlich ordnung ganz mit einander, durch anlangen der priesterschaft, das heyst die schaff Christi geweydet, so sol man priester widder yhren eygen bischoff stercken, vnd yhren vnghehorsam in gotlichen gesetzen schutzen. Solch offentlich gottis schmach wirt der Endtchrist, hoff ich, nit vornehmen. Da habt yhr den bapst wie yhr habt gewollt, warumb das? Ey wo ein kirch wird reformiert were das einreysenn ferlich, das Rom mußt villeicht auch dran, daruber solt man ehe kein priester mit dem andern eynis bleyben lassen. vnd wie sie bißher gewonet, fursten vnnnd kunig vneins machen, die welt mit Christen blut erfullen, das yhe nit der Christen eynigkeit, dem heyligen Romischen stuel durch reformiern zuschaffen gebe.

Bißher haben wir vorstanden, wie sie mit den pfreunden handeln, die vorfallen vnd loß werden. Nu erfellet dem zartten gehz zu wenig loß, darumb hat er sein fürsichtigkeit erkeygt auch in die lehen, die noch beßessen sein durch yhre furweßer, das die selben auch loß sein müssen, ob sie schon nit loß sein, vnd das mancherley weyße. Zum ersten, lauret er wo fette prebendenn sein odder Bistumb, durch einen alten odder franken [D4<sup>a</sup>] odder auch mit einer ertichten vntuchtigkeit besessen, dem selben gibt der heylige stuel, einen Coadiutor, das ist, ein mithelffer, on seinenn willen vnnnd danck zu gut dem Coadiutor, darumb das ehr des Bapsts gesind ist, odder gelt drumm gibt, odder sonst mit einem Romischenn frondienst, vordienet hat. Da muß den abgehn, frey erwelung des Capittels, odder recht des der die pfrunden hat zuuor liehen, vnd allis nur gen Rom.

Zum andern heysset ein wortlin Commenden, das ist, wen der Bapst einem Cardinal odder sonst seiner einen, ein reich, fet Closter odder kirchen besilhet zubehalten, gleich als wen ich dir hundert gulden zubehalten thet. Diß heyst das Closter nit geben noch vorleyhen, auch nit vorstoren, nach gotis dienst abethun, sondern allein zubehalten thun, nit das erß bewaren odder bawen sol, sondern die person außtreiben, die gutter vnd zins einnehmen,

vnnnd yrgent einen apostaten vorlauffen munnch hynein setzen, der funff odder sechs gulden des Jares nympt, vnd sitzt des tages in der kirchen, vorkaufft den pilgern zeychen vnd bildlin, das widder singen noch lesen daselb mehr geschicht. den, wo das hieß Closter vorstoren vnnnd gottis dienst abthun, so must man denn Papst nennen ein vorstoren der Christenheit vnd abetheter, gottis dienst, den er treybet es furwar mechtig, das were ein hartte sprach zu Rom, drum muß man es nennen, ein Commenden, odder befehlung das Closter zubehalten. Dieser kloster kan der Papst, vier odder mehr in einem Jar zu Commenden machen, da eines mehr den sechs tausent gulden hat einkommen, Also mehren sie zu Rom gottis dienst, vnd erhalten die Closter, Das lernet sich in deutschen landen auch.

¶ Zum drittenn, sein etlich lehenn, die sie heysßenn [D4<sup>b</sup>] incompatibilia, die noch ordnung geystlichß rechts, nit nugen mit einander behalten werden. Als do sein zwo pfarren, zwey bistumb, vnd der gleichen. Sie drehet sich der heylige Romische stuel vnd gehet also auß dem geistlichen recht, das er hym gloßen machet, die heysßen, vnio vnd incorporatio, das ist, das er viel incompatibilia in eyinander leyhet, das eins des andern glib sey, vnd also gleich als ein pfreund geacht werden, so sein sie nymmer incompatibilia, vnd ist dem heyligenn geystlichen recht geholffenn, das es nit mehr bindet, den alleinn bey denenn, die solch gloßen, dem papst vnnnd seinem Datario nit abekauffenn. Der art ist auch die vnio, das ist, voreynigung, das er solcher lehen viel zusammen koppelt, als ein bund holz, vmb wilchs koppels willen, sie all fur ein lehen gehalten werden. Also findt man wol einen Cortisanen zu Rom, der fur sich allein .xxij. pfarren .vij. Prebsten, vnnnd .xl.iii. pfreunden darzu hat. wilchs alles hilfft solch meysterlich gloß vnnnd helt, das nit widder recht sey. Was nu Cardinel vnnnd ander prelaten habenn, bedend ein yglicher selbst. So sol man den deutschen den heuttel reumen, vnd den kugel vortreyben.

Der gloßen eine ist auch, Administratio, das ist, das einer neben seinem bistumb, Abtey, odder dignitet, habe, vnnnd allz gut besitze. on das er denn namen nit habe,



den allein administrator. Den es ist zu Rom gnug, das die wortlin sich wandeln, vund nit die that, gleich als, wen ich leret, die hürwirtthn solt burgemeysterin heysen, vund doch bleybenn so frum als sie ist, Solch Romisch regiment hat sanct Peter vorkundet, da er sagt .ij. Pet .ij. Es werden falsche meystere kummen, die in geherey, mit ertichten wortten, vbir euch handeln werden, yhren gewinst zutreiben.

[G 1<sup>a</sup>] Es hat auch der liebe Romische gehz denn prauch erdacht, das man die pfreund vnd lehen vorkaufft vnd leyhet, auff solchem vorteil, das der vorkauffter odder handthierer, drauff behelt, denn anfal vund zuspruch, das so der besitzer stirbt, das lehen frey widder heym sterbe dem der es vorhyn vorkaufft, vorlihen odder vorlassenn hat, damit sie auß den pfreunden erb gutter gemacht haben, das niemant mehr darzu kummen kan, den welchen der vorkauffter dasselb vorkauffen wil, odder sein recht daran bescheydet an seinem todt. Daneben seynd yhr viel die ein lehen dem andern auffgeben, nur mit dem titel, daran er kein heller empfehet. Es ist auch nw alt worden, das einer dem andern ein lehenn auffgibt, mit vorbehalt etlicher summen Jerlichs zynses, wilchs vorzeiten Simoney war, vnd der stucklin viel mehr, die nit zirkelen sein, vnd gehn also viel schendlicher mit den pfreunden vmb, denn die heyden vnter dem Creutz mit Christus fleyhern.

Aber alliz was bißher gesagt, ist fast alt vnd gewonlich wurden zu Rom, Noch einiz hat der geiz erdacht, das ich hoff sol das lezt seinn daran ehr erwurg. Der Bapst hat ein edlis fundlin das heysset, Pectoralis reservatio, das ist, seines gemuts furbehalt, et proprius motus, vund ehgener mutwil der gewalt. Das gehet also zu, Wenn einer zu Rom ein lehenn erlanget, das yhm wirt signirt vund redlicher weyße zugeschrieben, wie da der brauch ist, so kumpt den einer der gelt bringet, odder sonst vordienet hat, da nit von zusagenn ist, vnd begert dasselbig lehen von dem bapst, Ezo gibt er es yhm, vnd nympts dem andern. Spricht man den er sey vnrecht, so muß der allirheyligiste vatter sich entschuldigen, das er nit so offentlich mit gewalt widder recht handellen gestrafft werde, vund spricht, Er hab [G 1<sup>b</sup>] in seinem herzen vund gemut dasselb

lehen, yhm selbs vnd seiner vollen gewalt furbehalten, so er doch sein lebtage, zuvor nie dauon gedacht noch gehoret hat, vnd hat nu also ein gloßlin funden, das er in eygener person, liegen, triegen, vnd yderman essen vnd narren mag, vnd das allis vnuorschamt vnd offentlich, vnd wil den noch das heubt der Christennheit seinn, lessit sich mit offentlichen lügen den bösen geyst regieren.

Dieser mutwille vnnnd lügenhafftige furbehalt des Paps, macht nu zu Rom ein solch weßen, das niemant dauon reden kan. Da ist ein kauffen, vorkauffen. wechselin, tauschen, rauschen, liegen, triegen, rauben, stelen, prachten, hurerey, buberey, auff allerley weyß gottis vorachtung, das nit muglich ist, dem Endchrist lesterlicher zuregieren. Es ist nichts mit Venedig, Antdorff, Alkayr, gegen dießem Jarmarckt vnd kauffs handel zu Rom, on das dort doch vornunfft vnd recht gehalten wirt, hie geht es wie der teuffel selbs wil. Vnd auß dem meer, fleussit nw in alle welt, gleiche tugent, solten sich solch leut nit billich fürchten, für der reformation, vnd einem freyen Concilio, vnd ehe alle kunig vnd fürsten in eynander henden, das yhe nit durch yhr eynigkeit, ein Concilium werde. Wer mag leyden das solch sein buberey an den tag komme?

Zulezt, hat der Paps zu disen allen edlen handeln ein eygen kauffhaus auffgericht, das ist, des Datarij haus zu Rom. Dahyn müssen alle die kummern, die dießer weyß nach vmb lehen vnd pfrund handeln, den selben muß man solch gloßen vnnnd handthierung abkauffen, vnd macht erlangenn, solch heubtbuberey zutreiben. Es war vorbeytten noch gnedig zu Rom, da man das recht muß kauffenn, odder mit gelt nydder drucken. Aber igt ist sie so kostlich worden, das sie niemant lessit buberey treybenn, es muß mit summen vor [C 2<sup>a</sup>] erkaufft werden. Ist das nit ein hurhaus vbir alle hurhewßer, die yemant erdencken mocht, so weiß ich nit was hurhewßer heysen.

Hastu nu gelt, in dissem haus, so kauftu zu allenn den gesagten stücken kummern, vnd nit allein zu den selben, sondern, allerley wucher wirt hie vmb gelt, redlich, als gestolen, geraubt gut gerechtfertiget. Sie werden die gelubt auffgehebet, hie denn munchen freyheit geben auß

den orden zugehenn, hie ist feyllle der ehelich stand den geystlichen, hie mugenn hurn kinder ehlich werden, alle vuchre vnd schand hie zu werden kommen, aller boßer tadel vnd mal hie zuritter geschlagen, vund edel wirt. Hie muß sich der ehelich stand leyden, der in vorpotten grad, odder sonst ein mangel hat. O wilch ein scheberey vund schinderey regirt da, das ein scheyn hat, das alle geystlich geseß allein darumb geseß sein, das nur viel geltstrick wurdenn, darauß man sich muß lösen, wer ein Christen sein sal. Ja hie wirt der teuffel ein heylig vnd ein got dazu, was hymel vnd erden nit vormag, das vormag diß hauß. Es heysßen Compositiones, freylich compositiones, ja confusiones. O wie ein schlechter schatz ist der zol am Reyn, gegen dießem heyligen hauß.

Niemand sol achten, das ich zuuil sage, Es ist allis offentlich, das sie selb zu Rom müssen bekennen, es sey greulicher vnd mehr, den yemant sagen kunde. Ich hab noch nit, wil auch noch nit ruren die rechte helgrundsuppen, von den personlichen lastern. Ich rede nur von gemeynen leufftigen sachen, vnd kan sie dennoch mit wortten nit erlangen. Es solten bischoff, priesterschafft, vnd zuuor die Doctores der Vniuersiteten, die darumb besoldet sein, yhrer pflicht nach, hiewidder eintrechtlich geschrieben vnd geschrien haben. Ja wend das blat vmb so findistu es.

[E 2<sup>b</sup>] Es ist noch das Valet dahyndenn das muß ich auch geben. Da nu der vnaußmeßliche geyst, noch nit gnug het, an allen dißen schecken, da billich sich drey mechtige kunige lieffen an benugen, hebt er nw an solche seine hendel, zuuorsekenn vund vorkauffenn, dem Focker zu Augspurg, das nu bistumb vnd lehen zuuorleyhen tauschen, kauffen vnd die lieben handthierung geystlicher gutter treyben, eben auff den rechten ort ist kummen, vnd nu auß geystlichen vund weltlichen gutter, eine handthierung worden. Nu mocht ich gerne ein so hoch vornunfti horen, die erdenckenn mocht, was nw hynsurt kunde geschehn durch denn Romischenn geyst, das nit geschehen sey, es were dan das der Focker seine beyde vund nw eynigen handel auch yemant vorsezt, oder vorkaufft. Ich meyn es sey auß ende kummen.

Dan was sie mit ablas, bullen, beichtbrieffen, butterbrieffen, vnd ander Confessionallibus, haben in allen landen gestolen, noch stelen vnnnd erschinden, acht ich als flichtwerck, vnnnd gleich als wen man mit einem teuffel in die helle wurff. Nit das sie wenig tragen, den sich wol dauon erhalten kund ein mechtiger kunig, sondern das er gegen die obgesagten schetzflusse, kein gleychem hat. Ich schweyg auch noch zur zeit, wo solchs ablas gelt hyn kummen ist. ein ander mal wil ich darnach fragen, den Camposiore vnd bel videre, vnd etlich mehr ortte, wissen wol etwas drumb.

Die weil den solchs teuffelisch regiment, nit allein ein offentlich rauberey, triegerey vnd thrauney der hellischen pfortenn ist, sondern auch die Christenheit on leyp vnd seel vorterbet. Sein wir hie schuldig allen vleiß furzuwenden, solch iamer vnd zurstorung der Christenheit zuweren. Wollen wir widder die Turcken streyten, so lasset vns hie anheben, da sie am allerergistenn [E3<sup>a</sup>] sein, henden wir mit rechte die diebe vnnnd kopffen die reuber, warumb solten wir frey lassen den Romischen geysz, der der grossist dieb vnd reuber ist, der auff erden kummen ist, odder kummen mag, vnd das allis in Christus vnd sanct Peters heyligen namen, wer kanß doch zulezt leyden odder schweygen. Es ist yhe gestolen vnd geraubt fast allis was ehr hat, das ist yhe nit anders, wilchs auß allen historienn beweret wirt. Es hat yhe der Bapst solch groß gutter nit kaufft, das er von seinen officijs mag auff heben bey zehen hundert tausent Ducaten, on die obgenanten schetzgruben vnd sein land. So hats yhm Christus vnd sanct Peter auch nit auffgeerbet, so hats yhm auch niemant geben noch gelihenn, so istß auch nit erfessenn noch erieret. Sag du mir, wo her mag erß haben? darauß merck was sie suchen vnd meynen, wen sie legaten crauß sendenn, gelt zusamlen, widder den Turcken.

Wie wol nu ich zugerung hyn stuck furzulegen, zu solches gewlichß weßens besserung dienlich, wil ich doch das narn spiel hynauß singen, vnnnd sagen þouil mein vorstand vormag, was wol geschehen mocht vnd solt, von weltlicher gewalt odder gemeinen Concilio.

¶ Zum ersten, das ein yglich Furst, Adel, Stat, in



ihren vnterthanen frisch an vorpriet, die Annaten genn Rom zugeben, vnd sie gar abethue, dan der bapst hat den pact brochen, vnnnd ein reuberey gemacht auß den Annaten, zu schaden vnd schanden gemeyn deutscher Nation, gibt sie seinen freunden, vorkaufft sie fur groß gelt, vnd stiftt officia drauff, drum̃b hat er das recht dazu verloren, vnnnd straff vordienet. So ist die weltlich gewalt schuldig, zuschutzen die vnschuldigen, vnd weren das vnrecht. wie sanct Paulus Ro .xiiij. leret, vnd sanct Peter .i. Pet. iij. ia auch das geystlich recht .xvi. q. [E 3<sup>b</sup>] vij. de filijs. Daher es kummen ist, das man sagt zum Bapst vnd den seinen Tu ora. Du solt betten, zum keyßer vnd den seinen Tu protege. Du solt schutzen, zu dem gemeynen man, Tu labora. Du solt erbeytten. Nit also, das nit ein yglicher, betten, schutzen, erbeytten solt, den es ist allis gepet, geschutzt, geerbeyttet, wer in seynem werck sich vbet, sondern das einem yglichen sein werck zugeeygent werde.

¶ Zum andern, die weil der Bapst, mit seinen Romischen practicken, commenden, adiutoryen, reservation, gratijs expectatiuis, Bapsts Monat, incorporation, vnion, pension, pallijs, Cancesley regelen, vnd der gleichen buberey, all deutsche stiftt, on gewalt vnd recht zu sich reyhset, vnd die selben zu Rom, frembden die nichts in deutschen landen dafur thun, gibt vnnnd vorkaufft, damit er die ordinarien beraupt ihres rechten, macht auß den bischoffen nur Cifferen vnd olgozen, vnd also widder sein eygen geystlich recht, natur vnd vornunfft handelt, das zu lezt dahyn kummienn, das die pfreund vnnnd lehen, nur groben vngelereten Eseln vnd buben zu Rom, durch lautter geysz vorkaufft werden. frum geleret leut, ihrer vordienst vnd kunst nichts genießenn, dadurch das arm volck deutscher Nation, gutter gelereter prelaten, muß mangeln vnd vorterven, so sol hie der E hstlich adel sich gegen ihm setzen, als widder einen gemeynen feynd vnd zustorer der Christenheit vmb der armen seelen heyl willen, die durch solch tyranney vorterven müssen, setzen, gepieten, vnd vorordenen, das hynfirt kein lehen mehr gen Rom gezogen, keins mehr drynnen erlangt werde auff keinerley weyße, sondern widder von der tyrannischen gewalt erauß ruckt, herauffen behalten, vnd



den Ordinarien yhr recht vnd ampt widerstatten, solch lehen zunorordenen, auffß best sie [G 4<sup>a</sup>] nugen, in deutscher Nation. Vnd wo ein Curtisan erauß keme, das dem selben ein ernst befehl geschehe, abzustehen, odder in den Meyn vund das nehte wasser zuspringen, vnd den Römischen ban mit siegel vnd brieffen, zum kalten bade furen, so wurdenn sie zu Rom mercken, das die deutschen nit allezeit tol vnd vol sein, sondern auch ein mal Christen worden weren, als die den spot vnd schmah des heyligen namens Christi, vnter wilchem solch buberey vnd seel vortreiben geschicht, nit mehr zuleyden gedencken, got vnd gotiz ehre mehr achten, den der menschen gewalt.

¶ Zum dritten, das ein keyßerlich gesetz ausgahe, keinen Bischoff mantel, auch keine bestetigung yrgent einer digniteten, furt an auß Rom zuholen, sondern, das man die ordnung des allerheyligsten vnd berumptisten Concilij Niceni, widder auffricht, darynnen gesetzt ist, das ein Bischoff sol bestetiget werden von den andern zween nehten, odder vonn dem Erzbischoff. wen der Papst solch vnd aller Concilia statut wil zureyssen, was istz nuß das man Concilia habe? odder wer hat yhm die gewalt geben Concilia so zunorachten vnd zureyssen? Szo mehr thun wir abe alle Bischoff, Erzbischoff, Primaten, machen eytel pfarrer drauß, das der Papst allein sey ybir sie, wie er doch icht ist, vnd den bischoffen, erzbischoffen, primaten, kein ordenliche gewalt noch ampt leßsit, allis zu sich reyßit, vnd yhn nur den namen vnd ledigen titel bleyben leßsit, so weit auch das durch sein exemption, auch die kloster Abbt vnd prelaten, der ordenlichen gewalt der Bischoff entzogen, vnd damit kein ordnung in der Christenheit bleybt, darauß dan folgen muß wie erfolget ist, nachlaß der straff vnd freyheit vbel zuthun, in aller welt, das ich furwar besorg, man mug den bapst nennen, hominem peccati. [G 4<sup>b</sup>] Wem kan man schult geben, das kein zucht, kein straff, kein regiment, kein ordnung in der Christenheit ist, den dem Papst, der durch solch sein eygen vormessene gewalt, allenn prelatenn die handt zuschleußt, die ruttenn nympt, vnd allen vnterthanen die handt auff thut, vnd freyheit gibt odder vorkenfft.

Doch das ehr nit klag er werde seiner ybirkeit beraubt,

solt vorordnet werden, das wo die primaten odder Erzbischoff nit muchten ein sach außrichten, odder vnter yhnen sich ein hadder erhub, das als dan die selb dem Papst wurd furtragen, vund nit ein ygliche kleyne sach, wie vorkeytten geschach, vnd das hochberumpt Concilij Nicenum gesetzt hat, was aber on denn Papst kan außgericht werden, das seine heilikeit nit mit solchen geringen sachen beschweerd werde, sondern yhres gepets vnd studirn, vnd sorgen fur die ganz Christenheit, wie er sich rumet, wartten nunge. wie die Aposteln theten Act .vi. vund sagten. Es ist nit recht, das wir das wort gottis lassen, vnd dem tisch dienen, wir wollen an dem predigen vund gepet hangen, vund vbir das werck andere vorordnen. Aber nw ist Rom nit anders, den des Euangelij vnd gepets vorachtung, vund tiesch dienst, das ist, zeytlich guts, vund reymet sich der Apostel vnd Papst regiment zusammen, wie Christus vnd Lucifer, hymel vund helle, nacht vund tag, vnd heyst doch Christi vicarius, vnd der Aposteln nachfolger.

¶ Zum vierdenn, das vorordnet werd, das feinn weltlich sach gen Rom hogen werd, sondern die selben alle der weltlichen gewalt lassenn, wie sie selbs sehen in yhren geistlichen rechten, vnd doch nit halten. Denn des Papst ampt sol sein, das er der allergelestist in der schrift, vund warhafftig nit mit namen der allerheyli- [81<sup>a</sup>]gigt, regiere die sachen die den glauben vnd heyliges leben der Christen betreffen, die Primaten vnd Erzbischoff dazu halten, vnd mit yhu drynnen handeln vnd sorg tragen. wie sanct Paul .i. Corint .vi. leret, vnd hertiglich strafft, das sie mit weltlichen sachen umbgienge. Dan es bringt vntreglichen schaden allen landen, das zu Rom solch sachen werden gehandelt, da groÙe kost auff gah, dazu die selben richter nit wissen die sytten, recht vnd gewonheit der lande, das mehr mal, die sachen zwingen vnd zihen noch yhren rechten vnd opinionen, damit den parteyen muÙ vnrecht geschehen.

Dabey, muÙt man auch vorpieten in allen stiftenn, die greulich schinderey der Officiel, das sie nit mehr, dan des glaubens sach vnd gutter sitten sich annemen. was gelt, gut, vnd leyp odder ehre antrifft, den weltlichen

richtern lassen. Darumb sol die weltliche gewalt des bannen vnd treyben nit gestatten, wo es nit glawben odder guttlich lebenn antrifft. Geystlich gewalt sol geystlich gut regieren, wie das die vornunfft leret, geystlich gut aber ist nit gelt noch leyphlich ding, sondern glawb vnd gutte werck.

Doch mocht man gonne, das sach, die do leben oder pfreund betreffen, fur bischoffen, erzbischoffen, Primaten gehandelt wurden. Drumb wo es sein mocht, zuscheyden die hedder vnd krieg, das der primat in Germanien ein gemeyn Consistorium hielte, mit auditoribus, Cangelern, der, wie zu Rom, signaturas gratiae vund iustitiae regiret, zu wilchem durch Appellation die sachen in deutschen landen wurden ordenlich bracht vnd trieben. wilch man nit, wie zu Rom, mit zufelligen geschencken vund gaben besolten must, dadurch sie gewonten, recht vund vnrecht vorkennenn, wie sie icht zu Rom müssen thun, darumb das yhn der Papst kein [§ 1<sup>b</sup>] solt gibt, lessit sie sich mit geschencken selbst mesten, den es ligt yhe zu Rom niemant etwas dran, was recht odder vnrecht, sondern was gelt odder nit gelt ist. sondern mocht das thun von denn Annaten, odder sonst ein weg erdencken, wie dan wol mügen, die hochvorstendiger vund in den sachen baß erfahren den ich bin. Ich wil nur angeregt vnd vrsach zugedencken geben haben, denen, die do mügen vnd geneygt sein, deutscher Nation zuhelffen, widderumb Christen vnd frey werden, noch dem elenden, heydnischen vnd vnchristlichem regiment des Papsts.

¶ Zum funfften, das keine reservation mehr gelte, vnd kein leben mehr behafftet werde zu Rom, es sterbe der besitzer, es sey hadder brob, odder sey eynß Cardinals odder Papsts gesund. Vnd das man strenglich vorpiete vnd were, das kein Curtisan auff yrgent ein leben, hadder ansache, die frummen priester zu Citirn, tribulirn, vnd auffß contentirn treyben. Vnd wo darumb auß Rom ein ban odder geistlicher zwangf keme, das man den vorachte, als wenn ein dieb yemandt in ban thet, drumb das man yhn nit wolt stelen lassen. ia man solt sie hart straffen, das sie des bans vnd gotlichs namens so lesterlich miß-

prauchen, yhre reuberey zustercken, vnd mit falschem er-  
 richtten dreyen, vnß treyben wollen dahyn, das wir solch  
 lesterung gottlichß namen, vnd mißprauch Christlicher ge-  
 walt, sollen leyden vnd loben, vnd yhrer schalckheit fur  
 got theilhaftig werden, so wir yhr zuweren fur got  
 schuldig sein. wie sanct Paul Ro .i. die selben strafft, sie  
 sein des tods wirdig, das sie nit allein solchs thun,  
 sondern auch das sie vorwilligen vnd gestatten solchs zu-  
 thun. Zuvor aber die lügenhafftige Reseruatio pectoralis  
 ist vnleydlich, da [§ 2<sup>a</sup>] durch, die Christenheit so lester-  
 lich vund offentlich wirt zur schmach vnd spot gesetzt, das  
 yhr vbirster, mit offentlichen lügen handelt, vnd vmb das  
 vorflucht gut gunst yderman vnuorschampt betreyt vnd  
 narret.

¶ Zum sechsten, das auch abthan werden, die casus  
 reservati, die behalten fell, damit nit allein viel gelt von  
 denn leutten geschunden wirt, sondern viel armer gewissen  
 von den wuttrichten tyrannen vorstrickt vnd verwirret, zu  
 vntreglichem schaden yhres glaubens zu got. Sonderlich  
 die lecherlichen, kindischenn fel, die sie auff blaßenn, mit  
 der bulla Genae domini, die nit wirdig seynn, das mann  
 es teglich sund nennenn solt, schweyg dan, so grosse fel,  
 die der Bapst, mit keynem ablas nachlessit. als do seynn,  
 so yemand vorhyndert, ein pilgeryn gen Rom, odder brecht  
 den Turcken weere odder felscht des Bapsts brieffe. Narrenn  
 se vnß, mit so groben, tollenn vnbehenden stücken, Sodoma  
 vnd Gomorra vund alle sund, die widder gottis gebot  
 geschehen, vnd geschehen mugen, sein nit casus reservati,  
 aber was got nie gepotten hat, vnd sie selb erdacht haben,  
 das müssen casus reservati sein, nur das man niemant  
 hyndere gelt gen Rom zubringen, das sie fur den Turcken  
 sicher in wollust leben, vnd mit yhren lösen, vnnutzen  
 bullen vnd brieffe, die welt in yhrer tyranney behalten.

Solt nu billich ein solch wissen bey allen priestern  
 odder ein offentlich ordenunge sein, das kein heymliche  
 vnuorklagte sund, ein furbehalter fal ist. vnd ein yglicher  
 priester gewalt hat, allerley sund zuempienden, wie sie  
 ymer genennet werden, wo sie heymlich sein auch wider  
 [§ 2<sup>b</sup>] Abt, Bischoff noch Bapst gewalt hat, der eine yhm



fürkubehalten. vnd wo sie das thaten, so helt vnd gilt es nichts, weren auch drumb zustraffen, als die, on befehl, in gottis gericht fallen, vnnnd on vrsach, die armen vnvorstendigen gewissen vorstricken vnnnd beschweren. Wo es aber offentlich grosse sund sein, besonder, widder gottis gebot, da hats wol ein grund, casus reservatos zuhabenn, doch auch nit znniel, auch nit auß eygener gewalt on vrsach, Dan Christus hat nit tyrannen, sondern hyrten in seine kirche gesetzt, wie sanct Petrus sagt .i. Pet. vlt.

¶ Zum siebenden, das der Romische stuel die officia abthue, das gewurm vnd schwurm zu Rom wenigere, auff das, des Papsts gesind muge von des papst eygen gut erneret werden. vnd laß seinen hoff, nit aller kunigen hoff mit prangen vnd kosten vbirtreten. angesehen, das solch weßen nit allein nie gedienet hat zur sachen des Christlichen glaubens, sondern sie auch dadurch vorhyndert, am studirn vnd gepet, das sie selbst fast nichts mehr wissen vom glauben zusagen. wilchs, sie gar groblich beweyßet haben, in dissem letzten Romischenn Concilio, darinnen vnter vielen kindischenn leychtfertigen articel, auch das gesetzt haben, das des menschen seel sey vnterblich, vnnnd ein priester vhe ein mal ym Monat, sein gepet zusprechen schuldig ist, wil er sein lehen nit vorlierenn. Was solten die leut, vbir der Christenheit vnd glaubens sachen richten, die vor großem geys, gut vnd weltlicher pracht, erstocht vnd vorblend, nw allererst setzen die seel sey vnterblich, wilch nit ein geringe schmach ist, aller Christenheit, so schimpflich zu Rom mit dem glauben vmbgahn. Setten sie nu weniger gut vnd prangen, so mochten sie paß studieren vnd beetten, das sie wirdig vnd tuchtig wurdenn, [F 3<sup>a</sup>] des glauben sachen zuhandeln, wie sie vorgehnten waren, da sie Bischoffe vnnnd nit kunige aller kunige zusein sich vormassen.

¶ Zum achten, das die schweren, gewulichen eyde auffgehaben wurden, so die Bischoff dem Papst zu thun gezwungen, on allis recht, damit sie gleich wie die knecht gefangen werden, wie das vntuchtige, vngelarte capittel, Significasti, von eygener gewalt vnd groß vnvorstand sehit. Istz nit gnug das sie vnns gut, leyp, vnnnd seel beschweren,



mit vielen yhren tollen gesezen, dadurch den glauben geschwecht, die Christenheit vorterbet, sie nemen den auch gefangenn die person, yhre ampt vund werck, darzu auch die Inuestitur, die vorzeiten der deutschen keyßer gewesen, vnd in Frandreich vnd etlichen kunigreich noch der kunige sein. Dar vber sie mit den keysern groß krieg vnd hadder gehabt so lang biß das sie sie mit frecher gewalt genommen, vnd behalten haben bißher, gerade als mußten die deutschen, fur allen Christen auff erden, des Papssts vund Romischen stules gockel narn sein, thun vund leyden, was sonst niemand leyden noch thun wil. Diweil den diß stuck ehtel gewalt vnd reuberey ist, zu hyndernisse bischofflicher ordenlicher gewalt, vund zuschaden der armen seelen. Ist der keyßer mit seinem adel schuldig, solch tyranny zu weeren vnd straffen.

¶ Zum newnden, das der Papsst vbir den Keyßer kein gewalt habe, on das er yhn auff dem altar salbe vund krone, wie ein Bischoff einen Kunig kronet, vnd yhe nit der teuffelischen hoffart hyusfirt zugelassen werde, das der keyßer des papssts suesse fuß, odder zu seinen fussen siße, odder wie man sagt, yhm denn itegreyff halte, vnd den zaum seines manlypferds, wen ehr auffsticht zureyten. Noch viel weniger dem Papsst hulde [F 3<sup>b</sup>] vnd trewe untertenigkeit schwere, wie die bestie vnnorschampt furnehmen zusoddern als hetten sie recht darzu. Es ist das capitel Solite, darynnen bestlich gewalt vbir keyßerlich gewalt erhebt wirt, nit einis hellers wert, vnd alle die sich drauff grunden odder dafur furchten, die weyl es nit anders thut, den die heyligen gottis wort zwingt vnd dringt, von yhren rechten vorstand, auff yhr eygene trewm, wie ich das angezeigt hab ym latein.

Solch vbirschwencklichs, vbirhochmutigs, vbirfrenelichs furnehmen des Papssts, hat der teuffel erdacht darunder mit der zeyt, den Endchrist einzufuren, vnd den Papsst vbir got zurheben, wie dan schon viel thun vnd than haben. Es gepurt nit dem Papsst, sich zurheben vbir weltliche gewalt, den allein in geistlichen ampten, als do sein predigen vund absoluiereu, in andern stucken sol er drunder sein, wie Paulus Roma .xiiij. vnd .i. Petrus .iiij.

leren, als ich droben gesagt habe. Er ist nit ein stathalter Christi ym hymel, sondern allein Christi auff erden wandellend, dan Christus ym hymel, in der regierenden form, darff keyniz stathalters, sondern sitzt, sihet, thut, weysß vund vormag alle ding. Aber ehr darff seyn, in der dienendenn form, als er auff erden gieng, mit erbeytten, predigen, leyden vund sterben, so leren sie es vmb, nehmen Christo die hymelisch regierende form, vund geben sie dem Papst, lassen die dienende form ganz vntergehen. Er solt schier der widderchrist sein, den die schrift heysst, Antichrist, geht doch alle sein weßen, werck vund furnehmen widder Christum, nur Christus weßen vund werck zuvortilgen vund vorstoren.

Es ist auch lecherlich vund kindisch, das der Papst auß solchem vorblendten, vorkereten grund sich rümet [F 4<sup>a</sup>] in seinem Decretal, Pastoralis, er sey des keyßertumbs ein ordentlicher erbe, so es ledig stunde, wer hat es yhm geben? hats Christus than da er sagt, die furstenn der heyden sein hern, yhr aber solt nit so sein? Hats yhm sanct Peter auffgeerbet? Mich vordrenffet, das wir solch vnortschafft, grobe, tolle lugen müssen ym geystlichen recht lesen vund leren, dazu fur Christlich lere haltenn, so es doch teuflisch lugen sein. Wilcher art auch ist, die vngehorete lugen, De donatione Constantini. Es muß ein besondere plage von got gewesen sein, das bouel vorstendige leut, sich haben lassen bereden solch lugen auffzunehmen, so sie doch so gar grob vund vubehend sein, das mich dunckt, es solt ein trunckenn bawr behender vund geschickter liegen kunden. Wie solt bestan bey einem keyßerthum zuregieren, predigen, beten, studiern, vund der armen wartenn, wilch ampt außs aller eygentlichst dem Papst zustehen, vund von Christo mit so grossem ernst auffgelegt, das ehr auch vorpot, sie solten nit rock, nit gelt mit sich tragen. Seintemal der kaumend solcher ampt wartten kan, der cyn cynigs hauß regieren muß, vund der papst wil keyßertumb regieren, dazzu papst bleyben. Es haben die buben erdacht, die vnter des Papsts namenn gerne hern weren vbir die welt, vund das vorstoret Romisch reich durch den Papst, vund namen Christi widder auffrichten wie es vor gewesen ist.

¶ Zum zehendenn, das sich der Papst enthalt, die handt auß der suppen zihē, sich keynis titels vnterwinde, des kunigreichs zu Neapel vund Sicilien. Er hat eben so viel recht drann als ich, wil dennoch Lehenherr drober sein. Es ist ein raub vnd gewalt, wie fast alle ander seine gutter sein, drum̃b solt yhm der keyßer [F 4<sup>b</sup>] solchs lehens nit gestatten, vnd wo es geschehn were, nit mehr vorwilligen, sondern yhm die Biblien vnd betbuch dafur anzeygenn, das ehr weltlich hern lasse land vnd leut regieren, sonderlich die yhm niemant geben hat, vnd er pre-dige vnd bette.

Solch meynung solt auch gehalten werden, vber Bononien, Imola, Vincenz, Nauen, vnd allis was der Papst in der Anconitaner Marck, Romandiol, vnd mehr lender welschis lands, mit gewalt eingenommen, vund mit vnrecht besitz, dazu widder alle gebot Christi vnd sanct Pauls sich drehn menget. den also sagt sanct Paul, Niemand wickelt sich in die weltlichen geschafft, der gotlicher ritterschafft wartten sol, Nu sol der Papst das heubt vnd der erste sein, in differ ritterschafft, vnd menget sich mehr in weltlich geschafft, den kein keyßer noch kunige, yhe so must man yhm erauß helffen, vnd seiner ritterschafft warten lassen. Christus auch des statthalter ehr sich rümet, wolt noch nie mit weltlichem regiment zuschaffen haben, so gar, das er zu einem der ein vrtail von yhm vbir seinen bruder begeret sprach, wer hat mich dir zu einem richter gemacht? Aber der Papst feret einhin vnberuffen, vnterwindet sich aller dinge, wie ein got, biß das er selb nit mehr weyß, was Christus sey, des statthalter er sich auffwirfft.

¶ Zum eylfften, das das fußkussen des Papsts, auch nit mehr geschehe. Es ist ein vnchristlich, ia Endchristlich exempel, das ein armer sundiger mensch yhm lessit seine fuß kussen, von dem, der hundertmal besser ist den er, geschicht es der gewalt zueren, warumb thut es der Papst auch nit den andern, der heyligkeit zueren. Halt sie gegen ander, Christum vnd den Papst, Christus wusch seinen iungern die fuß vnd trocknet sie, vnd die iungern wuschen sie yhm noch nie. Der Papst als [G 1<sup>a</sup>] hoher den

Christus feret das vmb, vund leßet es ein groß gnade seinn, hym seine fusse zukussenn, der doch das billich, so es yemand von hym begeret, mit allem vormugen weeren solt, wie sanct Paul vnd Barnabas die sich nit wolten lassen ehren als got, von den zu Eystris, sondern sprachen, wir sein gleich menschen als hr. Aber vnser schmeichler habens so hoch bracht, vnd vns einen abtgot gemacht, das niemant sich so furcht fur got, niemant hym mit solchem geperdeun ehret, als den Papst. Das kunnen sie wol leyden, aber gar nicht, so des Papsts prachten ein harbreit wurd abbrochen. wen sie nu Christen weeren, vnd gottis ehre lieber hetten den hr eygenn, wurd der Papst nymmer frolich werden, wo er gwar wurd, das gottis ehre vorachtet, vnd seine eygene erhabenn were, wurd auch niemant lassen hym ehren, biß her vormerckt das gotis ehre widder erhaben, vnd groffer den sein ehre were.

Der selben groß ergerlichen hoffart ist auch das ein heßlich stuch, das der Papst hym nit leßit benugenn, das er rehten odder farenn muge, sondern, ob er wol starck vnd gesund ist, sich von menschen, als ein abtgot mit vnerhorter pracht, tragen leßit. Lieber wie reymet sich doch solch Lucifersche hoffart, mit Christo, der zukussen gangen ist, vnd alle seine Aposteln? Wo ist ein weltlicher kunig gewesen, der so weltlich vnd prechtig hhe gefaren hat, als der feret, der ein heubt sein wil, aller der die weltlich pracht vorschmahen vnd fliehen sollen, das ist, der Christen. Nit das vns das fast sol bewegen an hym selbst, sondern, das wir billich gottis zorn furchten sollen, so wir solcher hoffart schmeichlen, vnd vnsern vordriß nit mercken lassen. Es ist gnug das der papst also tobet vnd narret. Es ist aber zuviel so wir das billichen vnd vorgunnen.

Dan wilch Christen hertz mag odder sol das mit lust sehen, das der Papst, wen er sich wil lassen communiciern, stille sitzt als ein gnad Jungher, vnd leßit hym das sacrament von einem knienenden gebeugten Cardinal mit einem gulden rohr reychen, gerad als were das heylig sacrament nit würdig, das ein papst, ein armer stinckender sunder auffstund, seinem Got ein ehr thet, so doch alle andere Christenn, die viel heyliger seinn den der allerheyligste vatter der papst, mit aller ehrbietung dasselb empfabenn. was were es wunder das vns got allesampt plagt, das wir solche vnehre gottis leyden vnd loben in vnsern prelaten, vnd solcher seiner vordampften hoffart, vns theylhafftig machen, durch vnser schweygen odder schmeichlen.

Also geht es auch, wen er das sacrament in der procession umbtregt, hym muß man tragen, aber das sacrament stet fur hym



wie ein tandel weynß auff dem tisch, kurzlich, Christus gilt nichts zu Rom, der papst gilts alles sampt, vnd wollen vns dennoch dringen vnnnd bedrewenn, wir sollen solch Endchristliche tadel, billichen, preßsen vnd ehren, widder got vnd alle Christliche lere, helff nu got einem freyen Concilio, das es den Papst lere, wie er auch ein mensch sey, vnnnd nit mehr dan got, wie er sich vnter-  
stehet zu sein.

¶ Zum zwelffften, das man die walfarten gen Rom abethet, odder niemant von eygener furwitz odder andacht wallen ließe, er wurd dan zuvor von seinem pfarrer, stad, odder vbirhern erkant, gnugsam vnd redlich vrsach haben. Das sag ich nit darumb, das walfarten böse seyn, sondern das sie zu disser zeit vbel geratten, dan sie zu Rom kein gut exempel, sondern eytel ergerniß sehen. vnnnd wie sie selb ein sprichwort gemacht haben, yhe nehr Rom, yhe erger Christen, bringen sie mit sich, vorachtung gottis vnd gottis geboten. Man sagt wer das erste mal gen Rom gaht, der sucht einen schalck zum andern mal synd er hyn, zum dritten, bringt er yhn mit erauß. Aber sie sein nw so geschickt wordenn, das sie die drey reyß auff ein mal außrichten, vnnnd haben furwar vns solch stucklin auß Rom bracht, es were besser, Rom nie gesehen noch erkant.

[G 1<sup>b</sup>] Vnd ob schon dieße sach nit were, so ist doch noch da, ein furtrefflicher. Nemlich die, das die einfeltigen menschen dadurch vorseureet werden, in einem falschen wahn, vnd vnnorstand gotlicher gebot. Dan sie meynen, das solch wallen sey ein kostlich gut werck, das doch nit war ist. Es ist ein gering gut werck, zu mehr massen ein böß vorseurisch werck, den got hat es nit gepotten. Er hat aber gepotten, das ein man seynis weybes vnd kinder wartte, vnd was dem ehlichen standt zugehört, dabey seinem nechsten dienen vnnnd helffenn. Nu geschicht es, das einer gen Rom wasset, vorheret funffzig hundert, mehr odder weniger, gulden, das hym niemant besolhen hat, vnnnd leßit sein weyb vnnnd kind, odder yhe seinen nechsten daheymen nodt leyden, vnd meynet doch der toricht mensch, er wol solche vngheorsam vnd vorachtung gotlicher gebot, mit seinem eygenwilligen wallen schmucken, so es doch ein lautter furwitz, odder teußfels vorseurung ist. Da haben nu zugeholffen die Bepste mit yhrem falschen, ertichten,



nerrischen gulden iaren, damit das volck erregt, von gotis gebotten gerissen, vnd zu yhren eygen vorsurischen furnehmen gehogen, vnd eben dasselb angericht, das sie solten vorpotten haben. Aber es hat gelt tragen, vnd falschen gewalt gesterckt, drumbs hats must fortgahen, es sey widder got, odder der seelen heyl.

Solch falsch vorsurischen glauben der einfeltigen Christen, außkurotten, vnd widderumb, einen rechten vorstand gutter werck auffzurichtenn, solten alle wallefart ydergelegt werden, den es ist kein guttis nit drynnenn, kein gepot, kein gehorsam, sondern vngehlich vrsach der sunden, vnnnd gottis gepot zuuorachtung. Daher kummen so viel betler, die durch solch wallen [Q2<sup>a</sup>] vngehlich kuberey treyben, die betteln on not leren vnd gewonenn.

Da kumpt her, frey leben vnnnd mehr iamer, die ich iht nit zeleu wil. Wer nu wolt wallen odder wallen geloben, solt vorhyn seinem Pfarrer odder vbirhern, die vrsach anheugen, fund sichs das erß thet, vmb guttis werckis willenn, das das selb gelubt vnnnd werck, durch den pfarrer odder vbirhern, nur frisch mit fussen treten wurd, als ein teuffelisch gespenst. vnd yhm anheugt, das gelt vnnnd die erbeyt, so fur walffart gehoret, an gottis gebot vnnnd tausentmal besser werck anzulegen. das ist, an die seinen, odder seine nehste armenn. Wo erß aber auß furwitz thet, land vnnnd stedt zubesehenn, mag man yhm seynen willen lassenn. Hat erß aber in der franckheit gelobet, das man die selben gelubd vorpiette, vorspreche, vnnnd die gottis gebot dagegen emporhebe, das er hynfirt yhm benugenn lasse an dem gelubd in der tauffe geschehen, gottis gebot zu halten. Doch mag man yhm auff das mal, sein gewissen zustillenn, sein nerrisch gelubd lassen außrichtenn. Niemandt wil die richtige gemeyne straß gotlicher gebot wandeln, yderman macht yhm selb new weg vnd gelubd, als het er gottis gebot alle volupracht.

¶ Darnach kummen wir auff den grossenn hauffen, die das viel geloben, vnd das wenig halten. Zurnet nit liebenn hern, ich meyn es warlich gut, es ist die bittere vnnnd süße warheit, vnnnd ist, das man yhe nit mehr bettel Closter bawenn lasse, hilff got, er ist schon viel zu viel.

Ja wolt got sie werenn alle abe, odder yhe auff zween odder drey ordenn hauffet. Es hat nichts guts thann, es thut auch nymmer mehr gut, yrrhe lauffenn auff dem landt. Drumb ist meinn Radt, [G 2<sup>b</sup>] Man schlag zehen, odder wieniel yhr not ist, auff einen hauffen, vnd mach cynis drauß, das gnugsam vorsorgt, nit betteln durffe. Des ist hie viel mehr antzusehen, was gemeynem hauffenn zur seligkeit not ist, den was sanct Franciscus, Dominicus, Augustinus, odder yhe ein mensch gesetzt hat, besondern weyl es nit geratten ist, yhrer meynung nach.

Vnd das man sie yberhebe, predigens vund beychtens, Es were dan das sie von Bischoffen, psarrenn, gemeyne, odder vbirkeit dazu beruffenn vund begeret wurden. Ist doch auß solchem predigen vnd beychten nit mehr dan eytel haß vnd neydt zwischen psaffen vnd munchen, groß ergerniß vnd hynderniß des gemeynen volcks, erwachsen damit es wirdig wurden, vnd wol vordienet auffzuhoren, die weyl sein mag wol geratten werden. Es hat nit ein vngleich ansehen, das der heylige Romische stuel solch her, nit vmb sonst gemehret hat, auff das nit die priesterschaft vnd bistum, seiner thranney vnleydig, einmal yhm zustarck wurden, vnd ein reformation anfiengen, die nit treglich seiner heyligkeit were.

Dabey solten auch auffgehoben werden, so mancherley secten vnd vnterscheyd eynerley ordens, wilche zuweylen, vmb gar geringe vsach sich erhaben, vund noch viel geringer sich erhalten, mit vsaglichem haß vnd neyd gegenander streyttend, so doch nichts destte weniger der Christliche glaub, der on alle solch vnterscheyd wol bestat, auff beyder sehtten vntergahet, vund ein gut Christlich leben, nur nach den eußerlichen gesetzen, wercken vnd weyßen geschickt vnd gesucht wirt, dauon nit mehr dan gleyßnerey vnd seelen vorterven folgen vnd erfunden werden, wie das fur augen yderman sicht.

[G 3<sup>a</sup>] Es mußt auch dem Papst vorpotten werden, mehr solcher orden auffzuhoben odder bestetigen, ia befolen werden, etlich abekuthun vnd in wenigere zal zuzwingen. Seintemal der glaub Christi, wilcher allein das heubt-gut ist, vnd on eynigerley orden bestet, nit wenig fahre

leydet, das die menschen durch böuel vnd mancherley werck vnd weyßen, leichtlich vorsuret werden, mehr auff solch werck vnd weyße zuleben, den auff den glauben zuachten. vnd wo nit weyße prelaten in klostern sein, die do mehr den glauben, den des ordens gesetz predigen vnnnd treyben, da istz nit muglich, das der orden solt nit schädlich vnnnd vorsurisch sein, einfeltigenn seelen die auff die werck allein achten haben.

Nu aber zu vnsern zeitten gefallen sein, fast an allen ortern die prelaten die den glauben gehabt vnd die orden eingesezt haben, gleich wie vorzeiten bey den kindern von Israël, da die vetter abgangen waren, die do gottis werck vnd wunder erkennen hatten, so bald anstengenn yhre kinder auß vnnorstand gotlicher werck vnd glaubens, abtgotterey, vnnnd eygene menschliche werck auffzurichten. Also auch ist leyder, solch orden vnnorstendig worden gotlicher werck vnd glaubens, nur in yhren eygen regelen, gesetzten vnnnd weyßen sich iemerlich marteren, muhen vnd erbeytten, vnnnd doch nimmer zu rechtem vorstand ehnis geistlichen guttis lebens kummen, wie der Apostel .ij. Timot. .ij. vorkündigt hat vnd gesagt, Sie haben einen schein einis geistlichen lebens, vnnnd ist doch nichts dahyndenn, lernen ymmer vnd ymmer, vnd kummen doch nit dahyn, das sie wissen, was warhafftig geistlich leben sey, so were es besser, das kein kloster da were, wo kein geystlicher vorstendiger ym Christlichen glauben Prelat regieret, den der selb mag nit on schaden vnd vorterven regieren, [G3<sup>b</sup>] vnd böuel mehr, böuel er heyliger vnd ehnis gutten lebens scheynet, in seinen eufferlichen wercken.

Es were meynis bedenkens ein nottige ordnung, besondern zu vnsern ferlichen zeytten, das stift vnnnd kloster widderumb wurden auff die weyße verordenet, wie sie waren ym anfang, bey denn Aposteln vnnnd ein lang zeit hernach, da sie alle frey waren, einen yberman drynnen zu bleyben so lang es yhm gelustet. Dan was sein stift vnd kloster anders gewesen, den Christliche schulenn, darinnen man leret, schrifft vnnnd zucht nach Christlicher weyße, vnnnd leut auff erkog, zu regieren vnnnd predigen. wie wir lesen, das sanct Agnes in die schule gieng, vnd noch

sehen, in etlichenn frauen klostern, als zu Quedlingborg vnnnd der gleichen, furwar es solten alle stift vnd kloster auch so frey sein, das sie got mit frehem willen, vnd nit gezwungen dienstenn dientenn.

Aber darnach hat man es gefasset mit gelubdenn, vnd ein ewig gesendniß drauß gemacht, das auch dieselbenn mehr dann die tauff gelubd wirt angesehen, was aber fur frucht drauß ist kummen, sehen horen, lesen vnd erfahren wir teglich mehr vnd mehr. Ich acht wol solcher mein ratschlag sey auffß allertorlichst angesehen, da frag ich iht nit nach. Ich radt was mich gut dunckt, vorwerff wer es wil, ich sich wol, wie die gelubd werden gehalten, sonderlich der keuscheit, die so gemeyn durch solch kloster wirt, vnd doch von Christo nit gepoten, sondern fast wenigen geben wirt. wie er selb vnnnd sanct Paul sagt, Ich wolt gerne yderman geholffen sein, vnd nit fangen lassen Christliche seelen durch menschliche eygene erfunden weyße vnd gesetß.

[G 4<sup>a</sup>] ¶ Zum viergehenden, wir sehen auch wie die priesterschaft gefallen, vnd mancher arme pfaff mit weib vnnnd kind vberladenn, sein gewissenn beschweret, da doch niemandt zu thut yhnen zuhelffenn, ob yhn fast wol zuhelffen were, lest Bapst vnnnd Bischoff hic gehen was do geht, vorterken was do vortirbt, So wil ich erredten mein gewissenn, vnd das maul frey auffthun, eß vordrieß Bapst, Bischoff, odder wen es wil. vnd sag also.

Das noch Christus vnd der Apostel einsehen, ein ygliche stadt, einen pfarrer odder Bischoff sol haben, wie klerlich Paulus schreybt Tit. i. vnnnd der selb pfarrer nit gedungen on ein ehlich weyb zuleben, sonder muge eynis habenn. wie sanct Paul schreybt .i. Timot .iiij. vnnnd Tit. i. vnnnd spricht. Es sol ein Bischoff sein ein man der vnstrefflich sey, vnnnd nur eynis ehlichen weybs gemalh, wilchs kindere, gehorsam vnnnd zuchtig sein &c. Den ein Bischoff vnd pfar ist ein ding bey sanct Paul, wie das auch sanct Hieronymus beweret. Aber die Bischoff die iht sein, weyß die schrift nichts vonn, sondern sein vonn Christlicher gemeyn, ordnung gesetzt, das einer vber viel pfarr regiere.



Also lerenn wir auß dem Apostel klerlich, das in der Christenheit solt also zugahenn, das einn ygliche stat auß der gemeyn, eynen gelereten frumenn burger erwellet, dem selbenn das pfar ampt besilhe, vnd yhn vonn der gemeyn erneret, yhm frey wilkoer ließ, ehelich zu werden, odder nit, der nebenn yhm mehr priester odder Dyaconen hette, auch ehlich odder wie sie wolten, die den hauffen vnd gemeyn hulffen regieren, [84<sup>b</sup>] mit predigen vnd sacramenten, wie es den noch blieben ist, in der kriechschen kirchen. Da sein nu hernach mals da so viel verfolgung vnd streyttes war widder die kezer, viel heyliger vetter gewesen, die sich freywillig des ehlichenn stands vorgehenet habenn, auff das sie beste baß studiereten vnd bereyt weren auff alle stund, zum tod vnd zum streyt.

Da ist nu der Romisch stuel, auß eygenem freuel dreyen gefallen, vnd ein gemein gebot drauß gemacht, vorpotten dem priester stand ehlich zu sein, das hat yhn der teuffel gehehenn. wie sanct Paulus .i. Timot. iiij. vorkündigt, Es werden kummen lerer, die teuffels lere bringen vnd vorpieten ehlich zu werden &c. dadurch leyder soniel iamers erstanden, das nit zureken ist, vnnnd hat dadurch vrsach geben der kriechschen kirchen sich abzusondern, vnd vnendlich zwitracht, sund, schand, vnd ergerniß gemehret, wie dan thut, allis was der teuffel anfahet vnd treybet, was woln wir nu hie thun?

Ich rad man machs widder frey, vnd laß einem yeglichen sein frey wilfore, ehlich odder nit ehlich zu werden. Aber da mußt gar viel ein ander regiment vnd ordnung der gutter geschehen, vnnnd das gang geistlich recht zu poden gehen, vnd nit viel lehen gen Rom kummen. Ich besorg, der geyß sey ein vrsach gewesen der elenden, vnkeuschen keuschheit, darauß dan gefolget, das yderman hat wollen pfaff werden, vnd yderman sein kind drauff studieren lassen, nit der meynung, keusch zuleben, das wol on pfaffen stand geschehen kund, sondern sich mit zeytlicher narung on erbeyt vnd muhe zurneren, widder das gebot gottis Gen. iiij. Du solt dein brot essen ym schweyß deynis angesichts, habenn yhm eine farb angestrichen, als solt yhr erbeit sein betten vnnnd meß halten.



[S 1<sup>a</sup>] Ich laß hie anstehen Papst, Bischoff, stift pfaffen, vnnnd munnch, die got nit eingesetzt hat, habenn sie yhn selbs burden auffgelegt, so tragen sie sie auch. Ich wil reden von dem pfarr stand, den got eingesetzt hat, der ein gemeyn, mit predigen vnnnd sacramenten regierenn muß, bey yhnen wonen, vnd zettlich hauß halten. den selben solt durch ein Christlich Concilium nachgelassen werden freyheit, ehlich zuwerden, zuvormeydenn ferlickeit vnd sund. den die weil sie got selb nit vorpunden hat, so sol vnd mag sie niemant vorpindenn, ob er gleich ein engel vom hymel were, schweyg dan papst, vnd was da gegen ym geistlichen recht gesetzt, sein lautter fabeln vnd geschweh.

Wentter rad ich, wer sich hynsurt weyhen lessit zur pfarr odder auch sonst, das er dem Bischoff, in keinen weg gerede, keuscheit zuhalten, vnd halt yhm entgegen, das er solch gelubd zusodern, gar kein gewalt hat, vnd ist ein teuffelisch tyranny solchs zusodern. Muß man aber odder wil sagen, wie etlich thun, Quantum fragilitas humana permittit. so deutete ein yeglicher die selben wort frey negative, id est, non promitto castitatem, den fragilitas humana non permittit caste viuere, sondern allein, angelica fortitudo et celestis virtus, auff das er ein frey gewissen, on alle gelubd behalte.

Ich wil nit radten, auch nit weeren, daß so noch nit weyber haben, ehlich werden, odder on weyb bleyben, stel das anff ein gemein Christlich ordnung, vnd einis yglichen bessern vorstand. Aber dem elenden hauffen wil ich meynen trewen radt nit bergen, vnd yhren trost nit vorhalten, die do igt mit weyb vnd kind vbirfallen, in schanden vnnnd schweeren gewissen sitenn, das man sie ein pfaffenn hure, die kind, pfaffenn kind schilt, vnd sag das fur mein hoffrecht frey.

[S 1<sup>b</sup>] Man findt manchen frummen pfarrer, dem sonst niemand kein tadel geben mag, den das er gebrechlich ist, vnnnd mit einem weyb zuschanden worden, wilch doch beyde also gesynnet sein in yhres herzen grund, das sie gerne wolten ymer bey eyinander bleyben, in rechter ehlicher trew, wen sie nur das mochten mit gutten ge-

wissen thunn, ob sie auch gleich die schand müssen öffentlich tragen, die zwey sein gewißlich für got ehlich. Vnd hie sag ich, das wo sie so gesynnet sein, vnd also in ein leben kommen, das sie nur yhr gewissen frisch erredten, er nehm sie zum ehlichen weyb, behalt sie, vnd leb sonst redlich mit yhr, wie ein ehlich mann. vnangesehen, ob das der Bapst wil odder nit wil, es sey widder geystlich odder fleischlich geseß. Es ligt mehr ann deiner seelen seligkeit, den an den tyrannischen, eyngengeweltigen, freuelichen geseßen, die zur seligkeit nit not sein, noch von got gepotten. vnd solt eben thunn, als die kinder von Israel, die den Aegiptern stolon yhren vordienten lohn, odder wie ein knecht seinem boßwilligen hern, seinen vordienten lohn stule, also stiel auch dem Bapst dein ehlich weyb vnd kindt.

Wer den glauben hat solchs zuwagenn, der folge mir nur frisch, ich wil yhn nit vorsuren, hab ich nit gewalt als ein Bapst, so hab ich doch gewalt als einn Christen, meynem nechsten zuhelffen vnd radten, von seinen sunden vnd ferlichkeiten. Vund das nit on grund vund ursach. Zum erstenn, Es kan yhe nit ein yglicher psar eynis weybes mangeln, nit alleinn der gebrechlichkeit, sondern viel mehr, des haupthalten halben. Sol er den ein weyb halten, vnd yhm der Bapst das zuleßit, doch nit zur ehe haben. was ist das anders gethan, [H 2<sup>a</sup>] dan ein man vnd weyb bey einander allein lassen, vund doch vorpieten, sie solten nit fallen, Eben als stro vnd fewr zusammen legen, vnd vorpieten es sol widder rauchen noch brennen. Zum andern, das der Bapst solchs nit macht hat zupietenn, als wenig als er macht hat zuuorpieten, essen, trincken, vnd den naturlichenn außgang, odder seyßt werdenn, drumb istz niemandt schuldig zuhalten, vund der Bapst schuldig ist aller sund, die dawider geschehen, aller seelen, die dadurch verloren sein, aller gewissen, die dadurch vorwerret vnd gemartert seinn, das er wol lengist wirdig weere, wer yhn auß der welt vortrieben hette, so viel elender seelen er mit dem teuffelischen strick erwurgt hat. wie wol ich hoff, das vielen got an yhrem end gnediger sey gewesen, denn der Bapst an yhrem lebenn. Es ist noch nie guttis, vund wirt nymmer mehr auß dem Bapstum vnd seinen geseßen,

summenn. Zum dritten, ob schon des Papsz gesetz dawidder ist, so doch einn ehlich stand wirt angefangenn widder des Papsz gesetz, ist schon sein gesetz auß, vund gilt nit mehr, dan gottis gebot, der do gebent, das man vnd weyb niemant scheiden sol, geht weyt vbir des Papsz gesetz, vund muß nit gottis gebot, vmb des bespftlichen gebottis willen zurißenn werden vund nachbleiben. Wie wol vil toller Juristen mit dem Papst haben Impedimenta erfunden, vnd dadurch vorhyndert, zurteylet, vorwerret den ehlichenn standt, das gottis gebot ist drob ganz vntergangenn. Was sol ich viel sagenn, sein doch in dem ganzen geistlichen Papsz gesetz, nit zwo zeyhlen, die einen frummen Christen mochten vnterweyßen, vnd leyder howiel yrriger vnd ferlicher gesetz, das nit besser weere man mecht ein Rotten hauffen drauß.

[H 2<sup>b</sup>] Sprichstu aber, Es sey ergerlich, vnd muß zuuor der Papst drynnen dispensieren. Sag ich, was ergerniß drynnen ist, das sey des Romischen stuels schuld, der solch gesetz, on recht vund widder got gesetzt hat, fur got vund der heyligenn schrift ist es kein ergerniß. Auch wo der Papst kan dispensieren vmbß gelt, in seinen geltsuchtigen, tyrannischen gesetzenn, so kan auch ein yeglicher Christen vmb gottis vund der seelen seligkeit willeun, eben in dem selben dispensierenn. Dan, Christus hat vns frey gemacht von allen menschen gesetzenn, zuuor wo sie widder got vund der seelen seligkeit sein. wie Gal. v. vnd .i. Corint. xi. Janet Paulus leret.

¶ Zum funffzehenden, Das ich auch der armen kloster nit vorgeß. Es hat der boß geyst, der nw alle stend, durch menschen gesetz vorwerret vnd vntreglich gemacht hat, auch etliche Ebte, Ebtissen vnd prelaten besessen, das sie yhrn brudern vnd schwestern also vorstehen, das sie nur bald zur helle faren, vund ein elend weßen auch hie furen, wie dan thun alle teuffels merterer. Nemlich haben sie yhn furbehalten in der beicht, alle odder yhe etliche todsund, die do heymlich seinn, das die kein bruder dem andern sol auffloßen, bey ban vund gehorsam. Du findet man an allen ortten nit allezeit Engel, sondern auch fleysch vnd blut, die ehe alle ban vnd dremen leyden, ehe sie den prelaten vnd

bestimpten beychtigern, yhr heymlich sund wolten beychtenn, gehn drauff zum sacrament mit solchen gewissenn, dadurch den sie irregulares werden, vnd des iamers viel mehr. O blinde hyrtten, o tolle prelatenn, o reysfend wolffe.

Sie sag ich, wenn die sund offentlich ist odder bekant, so ist bislich das der prelat allein sie straffe, vnd die selben allein vnd kein andere mag er yhm surbehal-[H 3<sup>a</sup>]ten vnd außziehen, der heymlichen hat er keine gewalt, wenß gleich die ergisten sund weeren, die man findet, odder finden kan. Vnd wo der prelat die selben außkengt, so ist er ein Tyran, hat sein nit recht, greyfft in gottis gericht. So radt ich den selbenn kindeln, brudern vund schwestern, wollen die vbirsten nit laub geben zu beichten die heymlichen sund, wilchem du wilt, so nym sie selber, vund klage sie deinem bruder odder schwester, dem odder du wilt, laß dich absolvirn vnd trosten, ganz vund thu drauff was du wilt vund solt, glaub nur fest, das du seyst absolvirt, so hat es nit noht. Vnd den ban, irreguleritet, odder was sie mehr dremen, laß dich nit betruben noch yrrer machen, sie gelten nit weytter, den auff die offentlichen, odder bekanten sunden, so die ymant nit wolt bekennenn, es trifft dich nichts. Was nymstu dir fur, du blinder prelat, durch dein dremen heymlich sund zuweren? laß farenn was du nit offentlich erhalten kanst, das gottis gericht vund gnade, auch zuschaffen habe mit den deynen. Er hat dir sie nit so gar in deine hand besolhen, das er sie ganz auß seiner gelassen habe. Ja du hast das weniger theyl vnter dyr, laß dein statut statut sein, vnd heb sie nit in den hymel, in gottis gericht.

¶ Zum sechtzehendenn, Es weere auch not, das die Zartag, begendniß, seelmessen, gar abethann, odder yhe geringert wurdenn. Darumb, das wir offentlich sehen fur augen, das nit mehr, den ein spot drauß worden ist, damit got hochlich erburnet wirt, vnd nur auff gelt, fressen vnd sauffen gericht sein. Was solt got fur ein gefallen drynnen haben, wen die elenden Vigilien vnd Messen, so iemerlich geschlappert wurdenn, noch gelesen noch gebettet, vund ob sie schon gepettet wurden, doch nit vmb gottis willen auß freyer liebe, [H 3<sup>b</sup>] sondern vmb gelts willenn, vund vorpflichtet



schuld, volbracht werden. Nu istz doch nit muglich das got einn werck gefalle, odder etwas bey yhm erlange, das nit in freyer liebe geschicht. So istz yhe christlich das wir allis abethun, odder yhe weniger machen, was wir sehen, in einen mißprauch kummen, vund got mehr erzurnet den vorsumet. Es were mir lieber, ia got-angenehmer vnd viel besser, das ein stift, kirche odder kloster, alle yhre ierliche meß vnd vigilien auff einen hauffen nehmen, vnd hielten einen tag, ein rechte Vigilien vnd Messe, mit herzlichem ernst, andacht vund glauben fur alle yhre wolthater, dan das sie yhr tausent vnd tausent alle Jar, einem yglicheenn eine besondere hielten, on solch andacht vnd glauben. O lieben Christen es ligt got nicht an viel, sondern an wol betten, Ja er vordampft die langen vund viel gepeeten Matt. vi. vund sagt, sie werden nur mehr peyn damit vordienen. Aber der geyst, der got nit kann trawenn, richtet solch wesen an, hat sorge er muste hungers sterben.

¶ Zum sibentzehenden, Man must auch abethun etlich pene odder straff des geistlichen recht, sonderlich das Interdict, wilch on allenn zweyffel der boß geyst erdacht hat. Ist das nit ein teuffelisch werck, das man eine sund bessern wil, mit vielen vnd grossern sunden. Es ist yhe grosser sund, das man gottis wort vnd dienst schweygt odder niderlegt, den ob einer zwenzig Bepste het erwurgt auff ein mal, schweyg den einenn priester, odder geystlich gut behaltenn. Es ist auch der karten tugent eine, die yhm geystlicheenn recht gelernet werden, den das geystlich recht heysset auch darumb geystlich, das es kompt von dem geyst, nit vonn dem heyligen geyst, sondern von dem boßen geyst.

Den Ban must man nit ehr geprauchen, den wo die [S 4<sup>a</sup>] schrifft weysset zuprauchen, das ist, widder die do nit recht glewben, odder in offentlichen sunden leben, nit umbs zeytlich gut. Aber nw istz umbkeret, gleubt, lebt yderman wie er wil, eben die am mehstenn, die ander leut schinden vund schenden mit bannen, vnd alle ban ist nur umbs zeytlich gut ganghafftig sein, wilchs wir auch niemant, den dem heyligen geystlichen vnrecht zu danken habenn. Daron ich vorhyh ym sermon weytter gesagt habe.



Die andern straffen vnd penen, suspension, irregularitet, aggranation, reaggranation, deposition, blixen, donner, vormaldeyenn, vordampnen, vund was der fundle mehr sein, solt man kehenn ell tieff begraben in die erden, das auch yhr nam vnd gedechtnis nit mehr auff erden were. Der boß geyst, der durchs geystlich recht ist loß worden, hat solch grewlich plage vund iamer, in das hymelisch reich der heyligen Christenheit bracht, vund nit mehr dan seelen vorterven vund hyndern dadurch zugericht. das wol mag von yhn vorstanden werden, das wort Christi Matthei .xxiiij. weh euch schriftgelereten, yhr habt euch genommen die gewalt zuleren, vnd schlisset zu das hymelreich fur den menschen, yhr geht nit hyn ein, vnd weret den die hyn ein gehen.

¶ Zum achtzehendenn, das man alle fest abethet, vnd allein den Sontag behielt, wolt man aber yhe vnser frawen, vnd der grossen heyligen fest haltenn, das sie all auff den Sontag wurden vorlegt, odder nur des morgens zur Meß gehalten, darnach ließ den ganzen tag, werckel tag sein. Vrsach, den als nu der mißpranch mit sauffenn, spielem, mußig gang, vund allerley sund gah, so erzurnen wir mehr Got auff die heyligenn tag, den auff die andern. Vnd sein ganz umbkeret, das heylig tag nit heilig, werckel tag, heilig seynn, [S 4<sup>b</sup>] vnd got noch seinen heyligen nit allein kein dienst, sondern groß vnehre geschicht, mit den vielen heyligen tagen. wie wol etlich tolle prelaten meynen, -wen sie sanet Stilien, sanet Barbaren, vnd ein yeglicher nach seiner blinden andacht, ein fest macht, hab gar ein gut werck than, so er viel ein bessers thet, wo ehr zu erenn einem heyligen, auß einem heyligen tag, ein werckel tag macht.

Dazu nympt der gemeyn mann zween leyplichenn schaden, vbir disen geystlichen schaden, Das er an seyn erbeyt vorseumpt wirt, dazu mehr vorheret dann sonst. Ja auch seinnem leyp schwecht vund vngeschickt macht, wie wir das teglich sehen, vund doch niemant zubessern gedencet. Vnd hie solt man nit achten, ob der Papst die fest eingesezt hat, odder eine dispensation vnd vrlaub haben mußt, Was widder got ist, vnd den menschen schad-

lich an leyp vnd seel. hat nit allein ein yglich gemeyn, radt odder vbirkeit gewalt abguthun, vnd weeren, on wissen vnd willen, des Papsts odder Bischoffs. Ja ist auch schuldig bey seiner seelen seligkeit, dasselb zuweeren, ob es gleich Papst vnd bischoff nit wolten, die doch die ersten solten sein, solchs zuweeren.

Vnd zumor solte man die kirchweye ganz außtilgen, seyntemal sie nit anders sein, dan rechte tabernn, Zarmarckt vnd spiel hoffe werden, nur zur mehrung gotis vnehre vnd der seelen vnseleigkeit. Es hilfft nit das man wil auff blasen, es hab ein gutten anfang, vnnnd sey ein gut werck. Sub doch got sein eygen gesetß auff, das er vom hymel herab geben het, da es in einm mißprauch vorkeret wart, vnnnd keret noch teglich vmb, was er gesetß, zupricht was er gemacht hat, vmb desselben vorkereten mißprauchs willenn. wie ym .xvij. psalm stet vonn yhm geschriben, du vorkerest dich, mit den vorkereten.

¶ Zum neunzehenden, Das die grad odder gelid [3<sup>1a</sup>] wurden geendert, in wilchen der ehlich stand wirt vorpotten, als da sein gefatterschaften, der vierd vnd dritte grad, das wo der Papst zu Rom drynnen mag dispensieren vmbß gelt, vnnnd schendlichen vorkaufft, das auch dasselb, mug ein yglicher pfarrer dispensierenn, vmb sonst vnnnd der seelen seligkeit. Ja wolt got das allis was man zu Rom muß kauffen, vnd den gelt strick das geystlich gesetß, lösen. das ein yglicher pfarrer dasselb on gelt mocht thun vnnnd lassen, als da sein, ablas, ablaßbrieff, butter brieff, meßbrieff, vnd was der Confessionalia odder buberey mehr seinn zu Rom, da das arm volck mit wirt betrogenn vnnnd vmbß gelt bracht, Dan so der Papst macht hat, sein geltstrick vnd geistliche netz (gesetß solt ich sagen) zuuorkauffen vmbß gelt, hat gewißlich ein pfarrer viel mehr gewalt die selbenn zu-rehffen, vnd vmb gottis willen mit fussen zutretenn, hat er aber das nit gewalt, so hat auch der bapst kein gewalt die selben durch seinen schendlichen Zarmarckt zuuorkauffenn.

Dahyn gehoret auch, das die fasten wurdenn frey gelassen einem yderman, vnd allerley speyß frey gemacht wie das Euangelium gibt, dan sie selb zu Rom der fasten spotten, lassen vns hauffen ole fressen, da sie nit yhr schuch

mit lieffen schmieren, vorkauffen vns darnach, freyheit butter vnd allerley zuessen. So der heylig Apostel sagt, das wir des allis zuuor freyheit haben auß dem Euangelio, Aber sie habenn mit yhrem geystlichenn recht vns gefangen vnd gestolenn, auff das wirs mit gelt widder kauffen müssen, haben damit so blod schochter gewissen gemacht, das nit gut mehr von der selben freyheit zupredigen ist, darumb das sich das gemeynn volck so fast drynnen ergert, vnnnd achtet fur grosser sund butter essen, den liegen, schweeren, odder auch [S 1<sup>b</sup>] vnkeuscheit treyben. Es ist doch menschein werck, was menschen gesetzt habenn, man leg es wo man hyn wil, vnd entsteht nymmer nichts guts drauß.

¶ Zum zwenzigstenn, Das die wilden Capellen vnd feltkirchen wurden zu poden vorstoret, als da sein, da die newen walsarten hyn gahen, Welsnacht, Sternberg, Trier, das Grymtal, vnd igt Regenspurg, vnnnd der ankal viel mehr. O wie schwer elend rechenschafft werden die Bischoff müssen geben, die solchs teuffels gespenst zulassen, vnd genieß danon empfangen, sie solten die erstenn sein, dasselb zuweeren, so meynen sie es sey gotlich heylig ding, sehen nit, das der teuffel solchs treybt, denn gehz zustercken, falsche ertichte glauben auffzurichten, pfarr kirchen zuschwechen, tabernenn vnd hurerey zumehren, vnnus gelt vnd erbeyt vorlieren, vnd nur das arm volck mit der naßen vmb furen. Setten sie die schrift so wol gelesenn als das vordampft geystlich geseß, sie wisten den sachen wol zuradten.

Es hilfft auch nit das wundergeyhen da geschehen, dan der boße geyst kann wol wunder thun, wie vnns Christus verkündigt hat Matt .xxiiij. wen sie den ernst dazu thetten, vnd vorpotten solch weßen, die wunder solten bald auffhoren, odder weere es von got, es wurd sich nit hyndern lassen durch yhr vorpietten. Vnd wen kein ander zeychenn weere, das solchs nit von got sey, were das gnug, das die menschen, tobend on vornunft mit hauffenn, wie das sihe lauffen, wilchs nit muglich ist auß got sein, so hat auch got nit danon gepotten, ist kein gehorsam, kein vordienst da, drumt solt man frisch dreyh greyffen, vnd dem volck weeren. Den was nit gepotten ist, vnd sich treybt mehr dan gottis gepot, das [S 2<sup>a</sup>] ist gewißlich der

teuffel selbst. Auch so geschieht der pfarrkirchen nachteil dran, daß sie weniger geehret werden. Summa summarum, Es sein zeychen einis grossen vnglaubens ym volck, dan wo sie recht glenbtenn, hetten sie alle ding in yhren eygen kirchen, da yhn hynn gepotten ist zugehen.

Aber was sol ich sagenn, ein yglicher gedenckt nur, wie er ein solch walsart, in seinem freyß auffrichte vnd erhalte, gar nichts sorgend, wie das volck recht glewbe vnnnd lebe, die regenten sein wie das volck, ein blind fuert den andern. Ja wo die walsarten nit wollen angehen, hebt man die heyligen an zurheben, nit den heyligenn zu ehren, die wol an yhr erhebennn gung geehret wurden, sondern geleufft vnnnd ein gelt bringen auffzurichten. Da hilfft nw Bapst vnd Bischoff zu, hie reguent es Ablas, da hat mann gelts gung zu, Aber was got gepotten hat, da ist niemant sorgfellig, da leufft niemant nah, da hat niemandt gelt zu. Ach das wir so blind sein, vnd dem teuffel in seynen gespensten nit allein seinen mutwillen lassenn, sondern, auch stercken, vnnnd mehren. Ich wolt man ließ die lieben heyligenn mit Fridenn, vnnnd das arm volck vnuorsuret. Wilcher geyst hat dem Bapst gewalt geben, die heyligen zurheben? wer sagts yhm ob sie heylig odder nit heylig sein? seinn sonst nit sund gung auff erdenn, man muß got auch versuchen, in seyn vrtheyl fallen, vnd die lieben heyligen zu gelt kuzen auff seken.

Drumb rad ich, man laß sich die heyligen selbst erheben. Ja got allein solt sie erheben, vnd yeglicher bleybe in seyner pfarr, da er mehr findt, dan in allenn walskirchen, wen sie gleich alle ein walskirchen weeren. Hie findt man tauff, sacrament, predigt, vnd deinen nehsten, [S 2<sup>b</sup>] wilchs grosser ding sein den alle heyligen ym hymel, den sie alle sein durchs wort gottis vnnnd sacrament geheyliget worden, die weyl wir den solch grosse ding vorachten, ist got in seinem zornigen vrtheyl gerecht, daß er vorhengt dem teuffel, der vnz hyn vnnnd her furet, walsart auffricht, Capellen vnd kirchen anhebt, heyligen erhebung zuricht, vnnnd der narnwerck mehr, damit wir, auß rechtem glauben in new falsche mißglauben fahren, gleich wie er vorzeytenn thet dem volck von Jsrael das er vnnn dem tempel zu Hieru=



salein, an vngheilig ortter vorfuret, doch in gottis namen vnd guttem schein der heylickeit, dawidder alle Propheten predigten vnd drob gemartert worden. Aber ikt prediget niemand dawidder, Es solten yhn villeicht Bischoff, pabst, paffen vnd munch auch marteren. Der art mu ikt auch Antoninus zu Florenz, vnd etlich mehr heylig vnd erhaben werden, auff das yhre heylickeit zum rhum vnd gelt dienen mugen, die sonst allein zu gottis ehre vund guttem exempel het gedienet.

Vund ob schon heyiligen erheben vorzeytten were gut gewesen, so ist doch ikt nimmer gut, gleich wie viel ander ding vorzeytten sein gut gewesen, vnd doch nw ergerlich vnd schedlich, als da sein feyrtag, kirchenschaz vnd zierden. Den es ist offenbar, das durch heyiligen erhebung nit gottis ehre noch der Christen besserung, sondern gelt vund rhum gesucht wirt, das einn kirch wil etwas besonders fur der ander sein vnd haben, vund yhr leyh were, das ein ander des gleychem hette, vnd yhr forteyl gemeyn were, so gar hat man geystliche gutter zu miprauch vnd gewinst zeytlicher gutter vorordenet, in differ ergisten lekten zeyt, das allis was got selber ist, mu dem geyh dienen. Auch so dienet solch forteyl, nur zur zweyerey secten vnd hoffart, das [33<sup>a</sup>] ein kirch der andern vngleich, sich vnternander vorachten vnd erheben, so doch alle gotliche gutter, allen gemein vund gleich, nur zur eynikeit dienen sollen, da hat der Bapst auch lust zu, dem leyh weere, das alle Christen gleych vnd eynis weeren.

Hie horet her, das man abthun solt odder vorachten, odder yhe gemeyn machen, aller kirchen freyheit, bullen, vnd was der Bapst vorkaufft zu Rom auff seynem schindleich. Den so er Wittenberg, Halle, Venedig vnd zuuor seinem Rom vorkaufft odder gibt, Indulta, priuiley, ablas, gnade, forteyl, facultates, warumb gibt er nit allen kirchen in gemeyn? Ist er nit schuldig allen Christen zuthun vmb sonst vnd gottis willen, allis was ehr vormag, ia auch sein blut fur sie zuuorgiffen, so sag mir, warumb gibt er odder vorkaufft, diser kirchen vnd der ander nit? odder mu das vorflucht gelt in seiner heylickeit angenn so ein gro vnterscheyd machenn vnter den Christenn, die alle gleich tauff,



wort, glaub, Christum, got, vnnnd alle ding haben. Wil man vns den aller ding mit sehenden augen blind machen, vnd mit reyhner vornunfft toricht machen? das wir solchen gehz, buberey, vnd spiegel fechten sollen anbetten. Er ist ein hirtte, ia wo du gelt hast, vnnnd nit wehtter, vnd schemen sich dennoch nit solch buberey mit yhren bullen auß hyn vnd her furen. Es ist yhn nur vmb das vorflucht gelt zuthun, vnd sonst nichts mehr.

Ezo rad ich das, so solch narn werck nit wirt abethan, das ein yglich frum Christen mensch sein augen auffthu, vnnnd laß sich mit den Romischen bullen, siegel, vnd der gleyßerey nit yrrhen, bleyb daheimen, in seiner kirchen, vnd laß yhm sein tauff, Euangeli, glaub, Christum vnnnd got, der an allen ortten gleich ist, das beste sein, vnd den Bapst bleyben, einen blinden furer [33<sup>b</sup>] der blindenn. Es kan dyr widder Engel noch Bapst houiel geben, als dyr got in deyhner pfar gibt, ia er vorsuret dich vonn den gotlichen gaben die du vmb sonst hast, auff seine gaben, die du kenffen must, vnd gibt dyr bley vmbß golt, fell vmbß fleisch, schnur vmb den beutel, wachß vmbß honnig, wort vmbß gut, buchstaben vmb den gehst, wie du fur augen siehest, vnd wiltß dennoch nit merckenn, soltu auff seinem pergamenn vnnnd wachß gen hymel farenn, so wirt dir der wagenn gar bald zuprecken, vnd du in die helle fallen, nit in gottis namen. Laß dirß nur ein gewiß regel sein, was du vom Bapst kenffen must, das ist nit gut noch von got, dan was auß got ist, das wirt nit allein vmb sonst gebenn, sondern alle welt wirt drumß gestrafft vnd vordampt, das sie es nit hat wolst vmb sonst auffnehmenn, als da ist, das Euangeli, vnd gotliche werck. Solch vorsurerey haben wir vordienet vmb got, das wir sein heyligis wort, der tauff gnade vorachtet haben. wie sanct Paulus sagt, Got wirt senden, ein krefftige yrrung allen den die die warheit nit haben auffgenommen zu yhrer selickheit, auff das sie glewben vnd folgen der lugen vnd bubereyen, wie sie wirdig sein.

¶ Zum .xxi. Es ist wol der grosten not eyne, das alle betteley abthan wurden in aller Christenheit, Es solt yhe niemand vnter den Christen betteln gahn, es were auch ein leychte ordnung drob zumachen, wen wir den

mut vnd ernst dazü theten. Nemlich das ein ygliche stad  
 ihr arm leut vorsorgt, vnd keynen frembden betler zuließe,  
 sie hießen wie sie wolten, es weren walbruder odder bettel  
 orden. Es kundt yhe ein ygliche stad die yhren erneren,  
 vund ob sie zu gering were, das man auff den vnblickenden  
 dorffen auch das volck vormanet dazü geben, müssen sie  
 doch sonst soniel landlauffer vnd boßer [3<sup>4</sup>] bußen, vnter  
 des bettelus namen erneren, so kundt man auch wissen,  
 wilche warhafftig arm weren odder nit.

Ezo muszte da sein ein vorweßer odder vormund, der alle  
 die armen kennet, vnd was yhu uot were dem Rad odder  
 pfarrer ansagt, odder wie das auffß beste mocht vorordnet  
 werden. Es geschicht, meynis achten, auff keinem handel  
 soniel bubereyen vnd triegerchen, als auff dem bettel, die  
 do alle leichtlich weren zunortreiben. Auch so geschicht  
 dem gemeinen volck wehe, durch so frey gemeyn bettelnn.  
 Ich habß vbirlegt, die funff odder sechs bettel orden  
 kommen des iaris an einen ort, ein yglicher mehr dan  
 sechs odder sieben malen, dazü die gemeynen betteler,  
 botschaften, vnd wallebruder, das sich die rechnung funden  
 hat, wie ein stad bey sechzig mal ein iar gescheht wirt,  
 on was der weltlichen vbirkeit gepur, auffß, vnd scheßung  
 geben wirt, vnd der Romische stuel mit seiner war raubet,  
 vnd sie vnnutzlich vorgehren, das myrß der grosten gottis  
 wunder einis ist, wie wir doch bleyben mugen, vnd erneret  
 werden.

Das aber etlich meynen, es wurden mit der weyße die  
 armen nit wol vorsorgt, vnd nit so groffe steynen heußer  
 vund kloster gepawet, auch nit so reichlich, das glaub ich  
 fast wol, Istß doch auch nit not, wer arm wil sein, solt  
 nit reich sein, wil er aber reich sein, so greiff er mit der  
 hand an den pflug, vnd suchß yhm selbs auß der erden.  
 Es ist guug das zimlich die armen vorsorgt sein, da bey sie  
 nit hungers sterben noch erfrieren, Es fugt sich nit das  
 einer außß andern erbeit mußßig gehe, reich sey, vnd wol  
 lebe, bey einis andern ybel leben, wie igt der vorferet  
 mißprauch gehet. dan sanct Paul sagt, wer nit erbeytet,  
 sol auch nit essen. Es ist niemand vonn der andern  
 gutter zuleben vonn got vorordnet, denn allein denn pre-

digenden vund regierendenn priestern, [S 4<sup>b</sup>] wie sanct Paulus .i. Corint .ix. vmb yhrer geystlichenn erbeyt, wie auch Christus sagt zu den Aposteln, Ein yglicher wircker ist wirdig seynis lonhs.

¶ Zum .xxij. Es ist auch zubesorgenn, das die viel Messen, so auff stift vnd kloßer gestiftt sein, nit allein wenig nutz sein, sondern grossen zorn gottis erwecken, Derhalbenn es nutzlich were, der selbenn nicht mehr stifften, sondern der gestifttenn viel abethum, seintemal man sieht, wie sie nur als opffer vund gutte werck gehalten werdenn, so sie doch sacrament sein, gleich wie die tauß vund buß, wilch nit fur anderen, sondern allein dem der sie empfehet nutz seinn. Aber nu ist es eingerissen, das Meß fur lebendig vund todten werden gehalten, vund alle ding drauff gegrundt, darumb yhr auch houil gestiftt wirt, vund ein solch weßenn drauß worden, wie wir sehen. Doch diß ist villeicht noch zufrisch vund ungehoret ding, besonderlich denen, die durch solcher Messen abgang sorgenn, es werd yhn yhr handwerk vund narung nydergelegt, muß ich weytter dauon zusagen sparen, biß das widder auffkun rechter vorstand, was vund wo zu die meß gut sey. Es ist leyder nu viel Jar lang, ein handwerk zeytlicher narung drauß worden, das ich hynfurt wolt radten, ehe ein hyrte odder sonst werckman, ehe ein priester odder munch werden, er wisse dan vorhyn wol, was meßhalten sey.

Ich rede aber hie mit nicht, von den alten stifften vund thumen, wilch on zweyffel darauff sein gestiftt, das die weyl nit ein yglich kind vom Adel, Erbs besitzer vnd regierer sein sol nach deutscher nation sitten, in den selben stifften mocht vorsorgt werden, vnd al da got frey dienen, studirn, vnd geleret leut werden vund machen. Ich rede von den neuen stifften, die nur auff gepet vund meßhalten gestiftt sein, durch wilcher exem-[R 1<sup>a</sup>]pel, auch die alten, mit gleichem gepet vund Messen beschweeret werden, das die selben kein nutz sein, odder gar wenig, wiewol es auch von gottis guaden kompt, das sie zu lezt, wie sie wirdig sein, kummen auff die hesen, das ist auff der Choral senger vnd orgel geschrey, vund faulle, kalte meß, damit nur, die zeytlichen gestifften zins erlanget vund vorgehret werdenn.

Nach solch ding solten Papst, Bischoff, doctores, besehen vnd beschreiben, so seynt sie, die es am meisten treyben, lassens ymmer eyner gahn, was nur gelt bringt, furet ymmer ein blind den ander, das macht der gehz vnd das geystlich recht.

Es must aber auch nit mehr sein, das einn person, mehr den eine thumerey vnd pfreund hette, vnd sich messiges stands benugen lieffe, das neben hym auch ein ander was haben mocht. Auff das abginge, der entschuldigung die do sagenn, Sie müssen zu yhres redlichen stands erhaltung mehr den eine haben, man mocht redlichenn stand so groß messen, es wer ein ganz land nit gnug zu seyner erhaltung, so leufft der gehz vnd heymliche mißtraw zu got, gar sicher daneben her, das es oft wirt fur nocht des redlichenn stands ankogen, das lautter gehz vnd mißtraw ist.

¶ Zum .xriij. Die bruderschafften, item ablas, ablas brieff, butter brieff, meßbrieff, dispensation, vnd was des dings gleich ist, nur allis erseufft vnd ymbbracht, da ist nichts guttis, kan der Papst dispensiern mit dyr, in putter essen, Meß horen &c. so sol erß dem pfarrer auch lassen kunden, dem erß nit macht hat zunehmen. Ich rede auch von den bruderschafften, darynnen man ablaß, Meß vnd gutte werck außteyllet. Lieber du hast in der tauff ein bruderschafft mit Christo, allen engeln, heyligen vnd Christen auff erden an-[R 1<sup>b</sup>]gefangen, halt die selben vnd thu yhr gnug, so hastu gnug bruderschafften, laß die andern gleyssen wie sie wolenn, so sein sie gleich wie die zalpfennig gegen die gulden. Wo aber ein solche were, die gelt zusammen gebe, arme leut zuspeysen, oder sonst yemand zuhelffen, die were gut, vnd het yhr ablas vnd verdinst ym hymel. Aber ist seinn es Collation vnd seufftere y drauß wordenn.

Zunor solt man furtragen auß deutschen landenn, die bestlichen botschafften, mit yhren faculteten, die sie vns ymb groß gelt verkauffen, das doch lautter buberey ist, also da sein, das sie gelt nehmen vnd machen vnrecht gut, recht, loßenn auff die eyde, gelubd vnd bundt, zureysen damit vnd lernen zureysen trew vnd glaub, unterenander



zugesagt, sprechen der bapst habz gewalt. Das heysset sie der boße geyst reden, vnd vorkauffen vns so teuflische lere, nehmen gelt drum, das sie vns sunden leren vnd zur helle furen.

Wen kein ander boßer tuck were, der do beweret, das der Bapst der recht Endchrist sey, so weere eben dißes stück gnugsam das zu bewerer. Horestu es bapst nit der allerheyligst, sondern der aller sundigst, das got deynen stuel vom hymel auffz schirest zurstore, vnd in abgrund der hell send, wer hat dir gewalt gebenn, dich zurheben vbir deynen got, das zuprechen vnd lösen das er gepotten hat, vnd die Christen, sonderlich deutsche Nation, die von edler natur, bestendig vund trew in allen historien gelobt sein, zuleren, vnbestendig, meynendig, vorrether, boßbicht, trewloß sein, Got hat gebottenn, man sol eyd vnd trew halten auch denn feynnden, vnd du vnterwindist dich solchs gepot zuloßen, seist in deynen ketzischen, endchristischen decretalen, du habst sein macht, vund leugt durch dein hals [K 2<sup>a</sup>] vnd sedder der boß Satan, als er noch nie gelogen hat, zwingst vund dringst die schrift nach deinem mutwillen. Ach Christe mein her sich erhab, laß her brechen deinen iungsten tag, vnd zurstore des teufls nechst zu Rom, hie sitzt der mensch dauon Paulus gesagt hat, der sich sal vbir dich erheben, vnd in deyner kirchen sitzen, sich stellen als einenn got, der mensch der sunden vnd sun der vordamniß. was ist hepstlich gewalt anders den nur sund vnd boßheit leren vnd mehren, nur seelen zur vordamniß furen, vnter deinen namen vnd scheyn?

Die kinder von Israel musten vorsehten haltenn den eyd, den sie den Gabaoniten yhren feynnden vnbewust vnd betrogen than hetten. Vnd der kunig Zedechias must iemerlich mit allem volck verloren werden, drum das er dem kunig zu Babylonienn seinen eyd brach. Vund bey vns vor hundert Jaren, der feyne kunig zu Polen vnd Ungern Vladislaus, leyder mit so viel feynis volcks erschlagen wart vom Turcken, darumb das durch Bepstliche botschafft vnd Cardinal er sich ließ vorsehen, vnd den seligen nüglichen vortrag vund eyd mit den Turcken gemacht, zureiß. Der frum kaiser Sigmund het kein gluck mehr



nach dem Concilio Constantien, darinnen er brechen ließ die bußen das geleyd, so Johan. huß vund Hieronymo geben war, vnd ist aller iamer zwischen Behemen vund vns darauß erfolget. Vnd zu vnsern zeytten, hilff got, was Christlichs bluts ist vorgossen, vbir den eyd vnd pund, den der Papst Julius zwischen dem keyßer Maximilian vnd kunig Ludwig von Frankreich macht vund wider zureiß. wie mocht ichs als erkelen, was die bepst haben iamer angericht, mit solcher teuflischen vormessenheit, eyd vnd gelubd zwischen grossen hern zureysen, darauß sie als ein schynpff machen vnd gelt dazu nehmen. [R 2<sup>b</sup>] Ich hoff der iungst tag sey fur der thur, es kann vund mag yhe nit erger werden, den es der Romische stuel treybt. Gottis gepot druckt er vnter, seinn gepot erhebt er druber, ist das nit der Endchrist, so sag einn ander wer er sein muge. Doch danon ein ander mal mehr vnd besser.

II. Zum .xxiiij. Es ist hoh zeyt, das wir auch einn mal ernstlich vnd mit warheyt der Behemen sach furnehmen, sie mit vns, vnd vns mit yhnen zunoeynigen. das ein mal auffhoren die greulichenn lesterung, haß vnd neyd auff beyder seyten. Ich wil meynen torheyt nach der erste mein gutduncken furlegen, mit vorbehalt eynß yglichen bessers vorstand. Zum ersten, mußenn wir warlich die warheit bekennen, vnd vnser rechtfertigen lassen, den Behemen etwas zugebenn. Nemlich, das Johannes huß vund Hieronymus von Prag, zu Costniz wider Bepstlich, Christlich, Keyßerlich geleyd vund eyd, sein vorprand, damit widder gottis gepot geschehen, vnd die Behemen hoch zu bitterkeyt vorursacht sein, vund wie wol sie solten vollkommen gewesen sein, solch schwere vnrecht, vnd gottis ungehorsam von den vnßern gelitten haben, so sein sie doch nit schuldig gewesen, solchs zubillichen, vnd als recht gethan bekennen. Ja sie solten nach heutigs tags drob lassenn leyb vund leben, ehe sie bekennen solten, das recht sey, keyßerlich, bepstlich, Christlich geleyd brechen, trewloß dawidder handeln. Darumb wie wol es der Behemen ungedult ist, so istz doch mehr des Papsts vnd der seinen schult, all der iamer, all der yrtumb, vnd seelen vorterben, das seynt dem selben Concilio erfolget ist.

Ich wil hie Johannis huß articel nit richten, noch sein irtumb vorsechtenn, wie wol mein vorstand noch nichts irtigis bey yhm fundenn hat, vund ichs mag [R 3<sup>a</sup>] frolich glaubenn, das die nichts guttis gericht, noch redlich vordampft haben, die durch yhren trewloßenn handel, Christlich geleyd vnd gottis gebot vbirtretten, on zweyffel, mehr vom bößen geyst, den vom heyligen geyst beseßenn gewesen seinn. Es wirt niemand drann zweyffeln, das der heylig geist nit widder gottis gepot handelt, so ist niemandt so vnwyssendt, das geleyd vnd trew brechen, sey wider gottis gepot, ob sie gleich dem teuffel selbst, schweyg einem feker were zugesagt, so ist auch offinbar, das Johan. huß vnd den Behemen solch geleyd ist zugesagt vnd nit gehalten, sondern darnuber er vorprennet. Ich wil auch Johan. huß feyenen heyligen noch Marterer machen, wie etlich Behemen thun, ob ich gleich bekenne, das yhm vnrecht geschehen, vnd sein buch vnd lere vnrecht vordampft ist, dan gottis gericht sein heymlich vund erschrecklich, die niemant dan er selb allein offinbarn vnd außdruckenn sol. Das wil ich nur sagenn, er sey ein feker wie böß er ymer mocht sein, so hat man yhn mit vnrecht vnd widder got vorprennet, vnd sol die Behemen nit dringenn solchs zubillichenn, odder wir kummen sonst nimmer mehr zur eynikeit. Es muß vuns die offentliche warheyt eynis machenn, vund nit die eygensynnickeit. Es hillst nit das sie zu der zeyt haben furgewendet, das eynem feker sey nit zuhalten das geleyd, das ist eben so viel gesagt, man sol gottis gepot nit halten, auff das man gottis gepot halte. Es hat sie der teuffel toll vund toricht gemacht, das sie nit haben gesehenn was sie geredt odder gethan haben. Geleyd halten hat got gepoten, das solt man halten, ob gleich die welt solt vntergehen, schweyg dan ein feker loß werden, so solt man die feker mit schrifftenn, nit mit fiewr vbirwinden, wie die alten vetter than habenn. Wen es kunst were, mit [R 3<sup>b</sup>] fiewr feker vbirwindenn, so weren die hender die geleretisten doctores auff erdenn, durfftenn wir auch nit mehr studierenn, sondern wilcher den andern mit gewalt vbirwund, mocht yhn vorprennenn.

Zum andern, das Keyßer vnd Fursten hynein schickten

etlich frum vorstendig Bischoff vnd geleretenn, bey leyb  
 keinnenn Cardinal noch bepfllich botschafft, noch kezermeyster,  
 den das volck, ist mehr dan zuviel vngeleret, in Christ-  
 lichen sachen, vnd suchen auch nit der seelen heyl, sondern  
 wie des Papsts heuchler alle thun, yhr eygen gewalt, nutz  
 vnnnd ehre. Sie sein auch die heubter gewesen dißes iammers  
 zu Costniz. Das die selben geschickten solten erkunden bey  
 den Behemen, wie es vmb yhren glauben stund, ob es  
 miglich were, alle yhr secten, in eine zubringen. Sie sol-  
 sich der Papst vmb der seelen willen, ein zehnt lang seiner  
 vbirkeit eußern, vnd nach dem statut des allerchristlichsten  
 Concili Niceni, den Behemen zulassen, einen Erzbischoff  
 zu Prag, auß yhnen selbst zurwelen, wilchen bestetige der  
 Bischoff zu Olmutz in Mehren, odder der Bischoff zu Gran  
 in Ungern, odder der Bischoff vonn Gnezen in Polen,  
 oder der Bischoff zu Magdeburg in deutschenn. Ist gnug  
 wen er von dißen einen odder zween bestetiget wirt, wie  
 zu den zeytten sanct Cypriani geschah, vnd der papst hat  
 solchs keinnis zuwerenn, weeret er es aber, so thut er als  
 ein wolff vnnnd thran, vnd sol yhm niemant folgen, vnd  
 seinen bannen mit einem widder bannen zuruck treyben.

Doch ob man sanct Peters stuel zu ehren wil solchs  
 thun, mit wissen des papsts, laß ich geschehen, so ferne,  
 das die Behemen nit einen heller drumb geben, vnd sie  
 der papst nit ein harbreit vorpflichte, vnterwerff mit [K 4<sup>a</sup>]  
 eyden vnnnd vorpundniß seiner tyranneyen, wie er andern  
 allen bischoffen widder got vnd recht thut, wil er nit lassen  
 yhm genügen an der ehre, das sein gewissenn drumb ge-  
 fragt wirt, so laß man yhn mit seinen eyden rechten,  
 gesetzen vnn tyranneyen ein gut Jar haben, vnd laß gnug  
 sein an der erwelung, vnd das blut aller seelen so in  
 ferlichkeit bleyben, vbir seinen halß schreyen, dan niemant  
 sol vnrecht bewilligen, vnd ist gnug der tyranney die ehre  
 erboten. wen es yhe nit anders mag sein, kan noch wol des  
 gemeynen volcks erwelung vnn bewilligung, einer tyranni-  
 schen bestettigung gleich gelten, doch hoff ich es sol nit  
 not haben. Es werden yhe zu lez etlich Romer odder frum  
 bischoff vnd gelereten, bepfllich tyranney mercken vnn  
 weeren.

Ich wil auch nit radtenn, das man sie zwing, beyder gestalt des sacraments abzunthun, die weyl dasselb nit unchristlich noch kezerisch ist, sondern, sie lassenn bleyben wo sie wollenn, in der selben weyße, doch das der new bischoff drob sey, das nit vneyuidkeit umb solcher weyße sich erhebe, sondern sie gutlich unterweiß, das keinis nit yrtumb sey, gleich wie nit zwitracht machen sol, das die priester ander weyt sich kleyden vnnnd perden, den die leyenn. Desselben gleichenn ob sie nit wolten Romische geistliche gesetz auffnehmen, sol man sie auch nit dringen, sondern zum ersten warnehmen, das sie ym glauben vnd gotlicher schrift recht wandeln, den Christenlicher glaub vnnnd stand mag wol bestan, on des Papsz vntreglichenn gesetzenn. Ja er mag nit wol bestann, es sey den der Romischenn gesetz weniger odder keine, wir seinn in der tauff frey wordenn, vnnnd allein gotlichenn wortten unterthann, warumb sol vns einn mensch in seine wort gefangenn nehmenn? [R 4<sup>b</sup>] wie sanct Paulus sagt, Ir seyt frey wordenn, werdet yhe nit knecht der menschen, das ist der, die mit menschen gesehen regieren.

Wen ich wuste das die pighartten keinen yrtumb hetten, ym sacrament des Altaris, den das sie gleybten, es sey warhafftig brot vnnnd wein naturlich da, doch drunder warhafftig fleisch vnd blut Christi, wolt ich sie nit vorwerffen, sondern vnter den Bischoff zu Prage lassen kummen, den es ist nit ein artickel des glaubens, das brot vnd wein weßenlich vnd naturlich sey ym sacrament, wilchs ein wahn ist sancti Thome vnnnd des Papsz, sondern das ist ein artickel des glaubens, das in dem naturlichen brot vnd weyn, warhafftig naturlich fleisch vnd blut Christi sey, so solt man dulden beyder seyhten wahn, biß das sie ehnis wurdenn, dieweyl kein ferlickeit dran ligt, du gleybst das brot da sey odder nit. Den wir müssen vielerley weyße vnd orden leyden, die on schaden des glaubens sein. wo sie aber anders gleybten, wolt ich sie lieber drauffen wissen, doch sie unterweyßen die warheit.

Was mehr yrtumb vnd zwispaltigkeit in Behemen erfunden wurd, solt man dulden biß der Erzbischoff widder eingesseffen, mit der zeyt den hauffen widder zusamenn brecht, in ein eintredtige lere. Es wil furwar, nit mit



gewalt noch mit trogenn, noch mit eylen, widder versamlet werden. Es muß weylle, vnd sanfftmutigkeit hie seynn, Musste doch Christus so lang mit seynen iungern vmbgahn, vnd yhren vnglauben tragenn, biß sie glebtenn seiner vfferstentniß. Were nur widder ein ordenlicher Bischoff vnd regiment drynnen on Romisch tyranneyen, ich hofft es solt schier besser werden.

Die zeytlichen gutter, die der kirchenn geweßen sein, solten nit außß strengist widder foddert werden, son-[L 1<sup>a</sup>] dern die weyl wir Christen sein, vnd ein yglicher dem andern schuldig ist zuhelffen, haben wir wol die macht, vmb eynidkeit willenn, yhnen die selben zugeben vnnnd lassen, fur got vnnnd der welt. Dan Christus sagt, wo zween mit-eynander eynis sein auff erden, da bin ich in yhrem mittel. Wolt got, wir theten auff beyden seyten dazu, vnnnd mit bruderlicher demut einer dem andern die hand reychet, vnd nit auff vnser gewalt odder recht vns sterckten, die lieb ist mehr vnnnd nottiger, den das Bapstum zu Rom, wilchs, on lieb, vnd lieb on Bapstum sein mag, Ich wil hie mit das mehne dazu than haben, hyndert es der Bapst odder die seinen, sie werden rechen schafft drum geben, das sie wider die lieb gottis, mehr das yhr, den yhrs nehten gesucht haben. Es solt der Bapst, sein Bapstum, alle sein gut vnd ehre vorliren, wo er ein seel damit mocht erredten, Nu ließ er ehe die welt vntergahn, ehe er ein harbreyt seiner vormessenen gewalt ließ abbrechen, vnd wil dennoch der heyligst sein. Sie mit bin ich entschuldigt.

¶ Zum xxv. Die vniuersiteten dorfften auch wol eynes gutten starken reformation, Ich muß es sagen, es vordrieß wen es wil. Ist doch allis was das bapstum hat einge-  
setzt vnd ordiniert, nur gericht, auff sund vnd yrthum zu-  
mehren, was sein die Vniuersiteten, wo sie nit anders, dan bißher, vorordnet? den, wie das buch Machabeorum sagt, Gymnasia Epheborum et Grece glorie, darynnen ein frey leben gefuret, wenig der heyligen schrift vnd Christlicher glaub geleret wirt, vnd allein der blind heydnischer meyster Aristoteles regiert, auch weytter den Christus. Sie were nu mein rad, das die bucher Aristoteles, Phisicorum, Metaphysice, de Anima, Ethicorum, wilchs bißher die



besten gehalten, ganz wurden abthan, mit allen andern, die von na=[L1<sup>b</sup>]turlichen dingen sich rumen, so doch nichts drynnen mag geleret werden, widder von naturlichen noch geistlichen dingen, dazu seine meynung niemant bißher vorstanden, vnd mit vnnußer erbeit, studiern vnd kost, soniel edler zeyt vnd seelen, vmb sonst beladen gewesen sein. Ich darffß sagen, das ein topffer mehr kunst hat von naturlichen dingen, den in denen bucher geschriben stet. Es thut mir wehe in meinem herzen, das der vordampfer, hochmutiger, schalckhafftiger heide, mit seinen falschen worten, soniel der besten Christen vorsehet, vnd narret hat, got hat vns also mit yhm plagt, vmb vnser sund willen.

Leeret doch der elend mensch, in seinem besten buch, de Anima, das die seel sterblich sey, mit dem Corper, wie wol viel, mit vorgebenen wortten yhn haben wolt erredten, als hetten wir nit die heyligen schrift, darinnen wir vbirreichlich von allen dingen geleret werden, der Aristotiles nit ein fleynsten geruch yhe empfunden hat, dennoch hat der todte heyde vbirwunden, vnd des lebendigen gottis bucher vorhyndert, vund fast vntertruckt. das, wen ich solchen iamer bedencß, nit anders achtenn mag, der böse geist, hab das studiern hereyn bracht. Desselben gleichen, das buch Ethicorum, erger den kein buch, stracks der guden gottis, vnd Christlichen tugenden entgegen ist, das doch auch der bestenn einis wirt gerechnet. D nur weyt mit solchen buchern von allen Christen, Darff mir niemant aufflegen, ich rede zuviel, odder vorwirff das ich nit wisse. Lieber freund ich weyß wol was ich rede, Aristoteles ist mir so wol bekant, als dir, vnd deynis gleychen, ich hab yhn auch gelesen vund gehoret, mit mehrem vorstand, dan sanct Thomas odder Scotus, des ich mich on hoffart rumen, vnd wo es nodt ist, wol beweyßen kan. Ich acht nit das soniel hundert iar lang, soniel hoher vorstand [L2<sup>a</sup>] drynnen sich erbeyttet haben. Solch einreden sechtern mich nymmer an, wie sie wol etwan than haben, seintemal es am tag ist, das wol mehr yrtumb, mehr hundert iar, in der welt vnd vniuersiteten blieben sein.

Das mocht ich gerne leyden, das Aristoteles bucher von

der Logica, Rhetorica, Poetica, behalten, odder sie in ein andere kurz form bracht, nützlich gelesen wurden, iunge leut zuoben, wol reden vnd predigen, aber die Comment vnd secten musten abethan, vund gleich wie Ciceronis Rhetorica, on comment vnd secten, so auch Aristoteles logica einformig, on solch groß comment gelesen werden. Aber igt leret man widder reden noch predigen drauß, vnd ist ganz ein disputation vnd munderen drauß worden. Daneben het man nu die sprachen latinisch, kriechisch, vnd hebreisch, die mathematice disciplinen, historien, wilchs ich beßilich vorstendigern, vnd sich selb wol geben wurd, so man mit ernst nach einer reformation trachtet, vnd furwar viel dran gelegen ist, dan hie sol die christlich ingent, vnd vnser edlist volck, darinnen die Christenheit bleybt, geleret vnd bereitet werden. Darumb ichs acht, das kein bestlicher noch keyßerlicher werck mocht geschehenn, dan gutte reformation der vniversitetenn, widderumb kein teußlicher erger wesen, den vnreformierte vniversiteten.

Die Erzte laß ich yhr faculteten reformieren, die Juristen vnd Theologen nym ich fur mich, vnd sag zum ersten, das es gut were, das geistlich recht von dem ersten buchstaben, biß an den lekten, wurd zugrund außgetilget, sonderlich die Decretalen, es ist vns vbrig gnug in der Biblien geschriben, wie wir vns in allen dingen halten sollen, so hyndert solchs studiern, nur die heyligen schrift, auch das mehrer teil eittel geiz vnd hoffart schmeckt, vnd ob schon viel guttis drynnen weere, solt es dennoch billich [L 2<sup>b</sup>] vntergehen, darumb das der Papst alle geistlich recht in seynis herzen fasten gefangen hat, das hynfurt eytel vnnutz studiern vund betrug drynnen ist. Hent ist geistlich recht nit das in denn buchern, sondern was in des bapsts vnd seiner schmeichler mutwil stet. Hastu eine sache, ym geistlichen recht grundet auffß aller best, so hat der Papst druber Scrinium pectoris, darnach muß sich lencken alles recht, vund die ganze welt. Nu regieret dasselb scrinium, vielmal ein bube, vnd der teußel selb, vnd leßst sich preysen, der heylig geist regier es, so gahet man vmb mit dem armenn volck Christi, setzt yhm viel recht, vnd helt keynis, zwingt ander zuhalten, odder mit gelt zu lösen.

Die weyl den der Bapst vnd die seinen, selbst das ganz geystlich recht auffgehaben, nit achten, vund sich nur noch yhrem eygen mutwil halten vbir alle welt, sollen wir yhn folgen, vnd die bucher auch vorwerffen, warumb solten wir vorgebens drynnen studieren? so kunden wir auch nymmer mehr, des Bapst mutwil, wilchs nu geystlich recht worden ist, außlernen. Ey so fall es gar dahyn in gottis namen, das hñß teuffels namen sich erhaben hat, vnd sey kein doctor Decretorum mehr auff erden, sondern allein doctores scrinij papalis, das sein, des bapsts heuchler. Man sagt, das kein feyner weltlich regiment yrgend sey, dan bey dem Turcken, der doch wider geystlich noch weltlich recht hat, sondern allein seinen Alkoran, so müssen wir bekennen, das nit schendlicher regiment ist, dann bey vuns, durch geystlich vnd weltlich recht, das kein stand mehr gah, naturlicher vornunft, schweg der heyligen schrift gemeiß.

Das weltlich recht, hilff got, wie ist das auch ein wildniß wordenn, wie wol es viel besser, kunstlicher, [23<sup>a</sup>] redlicher ist, den das geystlich, an welchem vbir den namen, nichts guttis ist, so ist sein doch auch viel zuuiel worden. Furwar, vornunftige regenten neben der heyligen schrift, werenn vbrig recht gung. wie sanct Pael ij. Corint .vi. sagt. Ist niemand vnter euch, der do mug seinis nechsten sach richten, das yhr fur heydnischen gerichtenn musset habdern? Es dunckt mich gleich, das landrecht vnd land sitten, den keyßerlichen gemeynen rechten werden furgezogen, vnd die keyßerlichen nur zur not braucht. vnd wolt got, das wie ein yglich land seine eygen art vnd gaben hat, also auch mit eygenenn kurzen rechten geregirt wurden, wie sie geregirt sein gewesen, ehe solch recht sein erfunden, vnd noch on sie viel land regirt werden. Die weytleufftigen vnd fern gesuchten recht, sein nur beschwerung der leut, vnd mehr hynderniß den forderung der sachen. Doch, ich hoff, es sey dise sach, schon von andern baß bedacht vnd angesehen, dan ichs mag anbringen.

Meine lieben Theologen haben sich auß der muhe vnd erbeit gesezt, lassen die Biblien wol rugen, vund lesen sententias. Ich meynet die sententie solten der anfang

sein der iungen Theologen, vnd die Biblia den doctoribus bleyben, so istz umbkeret, die Biblien ist das erst, die feret mit dem Baccalariat dahin, vnd sententie sein das lezt, die bleyben mit dem doctorat ewiglich, dazu mit solcher heiliger pflicht, das die Biblien mag wol lesen der nit priester ist, aber sententias muß ein priester lesen, vnd kund wol ein ehlich man doctor sein in der Biblien, als ich sehe, aber gar nit in sentencijs. Was solt vns gluck widderfaren, wen wir so vorkeret handeln, vnd die biblien, das heylig gotis wort, so enhyndern sehen? Dazu der bapst gepent mit vielen gestrengen wortten seine gesetz, in den schulen vnd ge-[23<sup>b</sup>]richten zulesen vnd prauchen. Aber das Euangelij wirt wenig gedacht, also thut man auch, das das Euangelium in schulen vund gerichtenn, wol mußig vnter der bandt ym stawb ligt, auff das des Bapsts schedliche gesetz, nur allein regieren mugen.

Szo wir den haben den namen vnd titel, das wir lerer der heyligen schrift heysenn, solten wir warlich gezwungen sein, dem namen nach, die heyligen schrift vnd kein andere leren, wie wol auch der hochmutige, aufgeblasener titel zuviel ist, das ein mensch sol sich rumen, vund kronen lassen, ein lerer der heyligen schrift, doch were es zu dulden, wen das werck den namen bestetiget. Nu aber, so sententias allein hirschen, findt man mehr heydnißche vnd menschliche dunkel, den heylige gewisse lere der schrift, in den Theologen. wie wollen wir yhm nu thun? ich weyß hie keinen andern radt, den ein demuttig gepet zu got, das vns der selb, Doctores Theologie gebe, Doctores der kunst, der Erkney, der Rechten, der Sententias, mugen der bapst, Keyßer, vnd Vniuersiteten machen, aber sey nur gewiß, eynen Doctorn der heyligenn schrift, wirt dir niemandt machenn, denn allein der heylig gehst vom hymel, wie Christus sagt Johann. vi. Sie müssen alle von got selber geleret sein. Nu fragt der heylig gehst nit nach rodt, brawn panethen, odder was des prangen ist, auch nit ob einer iung odder alt, ley odder psaff, munnch odder weltlich, Innpsfraw odder ehlich sey, Ja ehr redt vorgeitten durch ein Gselyn, widder den Propheten der drauff reyht. Wolt got wir weren sein wurdig, das



vns solch doctores geben wurden sie weren, ia leyen oder priester, ehlich oder iunpfrawen, wie wol man nu den heyligen gehst zwingen wil, in den bapst, bischoff, vnd doctores, so doch kein zeychen noch schein ist, das er bey yhnen sey.

[L 4<sup>a</sup>] Die bucher must man auch wenigern, vnd er-  
leßen die besten, dan viel bucher machen nit geleret, vil  
leßen auch nit, sondern gut ding, vnnnd offft leßenn, wie  
wenig sein ist, das macht geleret in der schrift, vnd frum  
dazu, Ja es solten aller heyligen vetter schrift, nur ein  
zeyt lang werden gelesenn, da durch in die schrift kum-  
men, so leßen wir sie nur, das wir darinnen bleyben, vnd  
nymmer in die schrift kommen, damit wir gleich denen  
sehn, die die wege zeychen ansehen, vnnnd wandeln denn weg  
dennoch nymmer, Die liebenn vetter haben vns wollen in die  
schrift furen, mit yhrem schreyben, so furen wir vns damit  
erauß, so doch allein die schrift vnser weygart ist, dar-  
vnnen wir all solten vns yben vnd erbeytten.

Fur allen dingenn, solt in den hohen vnnnd nydern  
schulen, die furnehmst vnd gemeynist lection sein, die heylig  
schrift, vnnnd den iungen knaben das Euangelij, Vnd wolt  
got, ein yglich stadt, het auch ein maydschulen, darvnnen  
des tags die mehdlin ein stund das Euangelium horetenn,  
es were zu deutsch odder latinisch. Furwar die schulen,  
man vnnnd frawen Closter, sein vorsehtten drauff angefangen,  
gar auß loblicher, Christlicher meynung, wie wir leßenn  
von sanct Agnes, vnnnd mehr heyligenn, da wurden heilige  
Junpfrawen vnnnd marterer, vnnnd stund ganz wol in der  
Christenheit. Aber nu ist nit mehr, dan betten vnd singen  
drauß worden. Solt nit billich ein yglich Christen mensch,  
bey seinen newn odder zehen iaren, wissen das ganz heylig  
Euangelium, da sein namen vnd leben ynnenn stet, Leret  
doch eine spyunnerin vnnnd netterynne yhr tochter dasselb  
handwerck in iungen iaren, Aber nu wissen das Euangelium,  
auch die grossen gelereten prelaten vnd bischoff selbs nit.

[L 4<sup>b</sup>] O wie vngleich faren wir, mit dem armen  
iungenn hauffen, der vns befohlen ist, zu regiern vnd  
unterweyßen, vnd schwere rechnung dafur muß geben  
werden, das wir yhn das wort gottis nit furlegenn, ge-



schicht yhnen, wie Hieremias sagt Trenn. ij. Mein augen sein vor weynen mud worden, mein eyngeweyd ist erschrocken, mein leber ist außgeschut auff die erden, vmb des vorterbens willen der tochter meynis volcks. da die iungen vnd kindlin vortorben, auff allen gassen der ganzen stadt, sie sprochen zu yhren muttern, wo ist brot vnd wein, vnd vorschmachten als die vorwunten, auff der strassen der stadt, vnd gaben den geist auff, ym schoß yhrer mutter. Diesen elenden iamer sehen wir nit, wie icht auch das iung volck, mitten in der Christenheit vorschmacht, vnd erbermlich vortirbt, gebrechens halben des Euangelij, das man mit yhnen ymmer treybenn vnd yben solt.

Wir solten auch, wo die hohen schulen flehssig weren in der heyligen schrift, nit dahyn schicken yberman, wie icht geschicht, da man nur fragt, nach der menige, vund ein yder wil einen doctor haben, sondern allein die allergeschicktesten, in den kleynen schulen vor wol erzogen. daruber, ein furst oder radt einer stadt solt acht haben, vund nit zulassen zusenden, dan wol geschickte, wo aber die heylige schrift nit regieret, da rad ich furwar niemand, das er sein kind hyn thue. Es muß vorterbenn, allis was nit gottis wort on vnterlaß treybt, darumb sehen wir auch, was fur volck wirt vund ist, in den hohen schulen, ist niemand schuld, den des bapsts, bischoff vnd prelaten, den solch des iungen volcks nutz befohlen ist. Dan die hohen schulen solten erziehen eytel hochvorstendige leut in der schrift, die do mochten, Bischoff vund pfarrer werden, an der spizen stehen, [M 1<sup>a</sup>] widder die kezer vund teuffel, vnd aller welt. Aber wo findt man das? Ich hab groÿ sorg, die hohen schulen, sein groÿse pfortten der hellen, so sie nit emÿiglich die heylig schrift yben, vnd treyben nuÿ iunge volck.

[24b] ¶ Zum .xxvi. Ich weyß wol, das der Romische hauffe, wirt furwenden, vund hoch auff blasenn, wie der Bapst habe, das heylige Romische reich, von dem kriechschen keyßer genummen, vund an die deutschenn bracht, fur wilch ehre vnd wolthat, er billich vnterthenigkeit, danck, vnd alles gut an den deutschen vordienet vnd erlanget haben sol. Derhalben sie villeicht allerley furnehmen, sie zureformieren, sich vnterwindenn werden, in den wind zuschlahen, vnd nichts lassen ansehen, dan solchs Romischs reychs

begabungen. Auß dießem grund, haben sie bißher manchen theuren fehler so mutwillig vnd vbirmutig, verfolget vnd vordruckt, das iamer ist zuzagen. Vnd mit derselben behendigkeit [M 1<sup>a</sup>] sich selb zu vbirhern gemacht aller weltlicher gewalt vnd vbirkeit, widder das heylig Euangelij, darumb ich auch dauon reden muß.

Es ist on zweyffel, das das recht Romisch reich, dauon die schrift der propheten Numeri .xxiiij. vnd Daniel verkundet haben, lengist vorstoret vnd ein end hat. wie Balaam Numeri .xxiiij. klar verkündigt hat, da er sprach, Es werden die Römer kummen vnd die Juden vorstoren, vnd darnach werden sie auch vnter gehen. vnd das ist geschehen durch die Gettas, Sonderlich aber, das des Turcken reich ist angangen, bey tausent iaren, vnd ist also mit der zeit abegefallen Asia vnd Affrica, dar nach Francia, Hispania, zulezt Venedig auff kummen, vnd nichts mehr zu Rom blieben von der vorigen gewalt.

Da nu der Papst die kriechen, vund den keyser zu Constantinopel, der erblich Romischer keyser war, nit mocht nach seinem mutwillen zwingen, hat er ein solchs fundlin erdacht, hñ desselben reichs vnd namens berauben, vnd den deutschen, die zu der zeit, streythbar vnd guttich geschrey reich waren, zuwenden, damit sie des Romischen reichs gewalt vnter sich brechten, vnd von hñren henden zulehen gienge. Vnd ist auch also geschehen, dem keyser zu Constantinopel ist's genommen, vnd vns deutschen der nam vnd titel desselben zugeschrieben, sein damit des Papsts knecht wurden, vnd ist nu ein ander Romisch reich, das der papst hat auff die deutschen bawet, den ihenes das erst, ist langis, wie gesagt, vntergangen.

Also hat nu der Romisch stuel seinen mutwillen, Rom eingenommen, den deutschen keyser erauß trieben, vnd mit eyden vortpflicht, nit hñnen zu Rom zuwonon. Sal Romischer keyser sein, vnd dennoch Rom nit hñnen haben, dartzu allezeit, hñß papsts vnd der seinen mutwillen hangen vnd weben, das wir den namen haben, [M 1<sup>b</sup>] vnd sie das land vnd stedt, den sie alzeit vnser eynfeltigkeit mißpraucht haben zu hñrem vbirmut vnd thranney, vnd heßsen vns tolle deutschen, die sich essen vnd narren lassen wie sie wollen.

Nu wolan, got dem hern ist's ein klein ding, reich vnd furstenthum hñn vnd her werffen, Er ist so mild der selben, das er zuwehlen einem bösen bußen ein kunigreich gibt, vnd hñmpts einem frumen, zu wehlen durch vorreterey böser vntreuer menschen, zuwehlen durch erben, wie wir das lesen, in dem kunigreich Persen lands, kriechen vnd fast allen reychen. vnd Daniel .ij. vnd .iiij. sagt, Er wonet hñm hñmel, der vbir alle ding hirschet, vnd er allein ist der die kunigreich vorsezt, hñn vnd her wirfft, vnd macht darumb wie niemand kan das fur groß achten, das hñm ein reich wirt zutehlet, sonderlich, so er ein Christen ist, so mugen wir deutschen auch nit hoch faren, das vns ein new. Romisch reich ist zugewendet, den es ist fur seinen augen ein schlechte gabe, die er den aller vntuchtigsten das mehrmal gibt. wie Daniel .iiij. sagt,

Alle die auff erden wonen, seynd fur seinen augen als das nichts ist, vnd er hat gewalt in allen reychen der menschen, sie zugeben wilchem er wil.

Wie wol nu der Papst, mit gewalt vnd vnrecht, das Romisch reych, odder des Romischen reychs namen, hat dem rechten keyßer geraubet, vnnnd vns deutschenn zugewendet, so ist doch gewiß, das got die Papsts bosheit, hyrhyenn hat gepraucht, deutscher Nation ein solch reych zugeben, vnd noch fall des ersten Romischen reychs, ein anders, das iht steht, auffzurichten. Vnd wie wol wir der Bepste bosheit hyrhyenn nit vrsach geben, noch yhre falsch gesuch vnd mehnung vorstandenn, haben wir doch, durch Bepstische tucke vnd schalckheyt, mit vnzehlichem blut vorgiffenn, [M 2<sup>a</sup>] mit vnterdruckung vnser freyheit, mit zusatz vnd raub aller vnser gutter, sonderlich der kirchen vnd psfreunden, mit duldem vnseglicher triegerey vnnnd schmach, solch reych, leyder alzu thewr bezahlet. Wir haben des reychs namenn, aber der Papst hat vnser gut, ehre, leyb, leben, seele, vnd allis was wir haben. so sol man die deutschen teuschen, vnnnd mit teuschen, teuschenn, das haben die Bepst gesucht, das sie gerne keyßer weren gewesen, vnd do sie das nit habenn mocht schickenn, haben sie sich doch vber die keyßer gesetzt.

Die weyl den, durch gottis geschick vnd boßer menschen gesuch, on vnser schult, das reych vns geben ist, wil ich nit raten dasselb faren zulassen, sondern, in gotis forcht so lang es yhm gefelt, redlich regierenn. Den wie gesagt, es ligt yhm nichts dran, wo einn reych her kumpt, ehr wils dennoch regiert habenn. Habens die Bepst vnredlich andern genummenn, so habenn wirß doch nit vnredlich gewonnen. Es ist vns durch boswillige menschen auß gottis willen gebenn, den selben wir mehr ansehenn, den der Bepste falsche mehnung, die sie darynn gehabt, selbs keyßer vnd mehr den keyßer zu seyn, vnd vns nur mit dem namen essen vnd spottenn. Der kunig zu Babylonien, hatte sein reych auch mit rauben vnnnd gewalt genummenn, dennoch wolte got dasselb geregiret haben, durch die heyligen fursten Daniel, Anania, Misaria, Misael, viel mehr, wil er von den Christen deutschen furstenn, dißes reych geregirt habenn. Es habs der Papst gestolen odder geraubt, odder vonn newß an gemacht, Es ist alles gottis ordnung, wilch ehe ist geschehen, den wir drumb habenn gewißt.

Derhalben, mag sich der Papst vnd die seynen nit rumen, das sie deutscher Nation haben groß gut than, [M 2<sup>b</sup>] mit vorleyhen dißes Romischen reyches. Zum erstenn darumb, das sie nichts gutis vns darynn gonnet haben, sondern haben vnser einfeltikeit daryn mißpraucht yhren vbirmut widder den rechten Romischen keyßer zu Constantinopel zustercken, dem der Papst solchs genommen hat, widder got vnd recht, das er kein gewalt hatte. Zum andern, das der Papst dadurch nit vns, sondern yhm selbs das keyßertumb zueygenn gesucht hat, yhm zu vnterwerffenn all vnser gewalt, freyheit, gut, leyb vnnnd seele, vnnnd durch vnß (wo es got nit het gewehret) alle welt. wie das klerlich in seinem Decretaln

er selb erzelet, vnd mit manchen bösen tücken an vielen deutschen kēhern vorscheut hat. Also sein wir deutschen hubsch deutsch geleret, da wir vormeynet hern zu werden, sein wir der aller listigsten tyrannen knecht worden, haben den namen, titel, vnd wapen des kēherthums. aber, den schatz, gewalt, recht vnd freyheit des selben hat der Papst, so frist der Papst den kern, so spielen wir mit den ledigen schalen.

Szo helff vns got, der solch reich (wie gesagt) vns durch listige tyrannen hat zugeworffen, vnd zu regieren befohlen, das wir auch dem namen, titel vnd wapen folge thun, vnd vnser freyheit erredten, die Romer ein mal lassen sehen, was wir durch sie von got empfangen haben. Rumen sie sich, sie haben vns ein kēherthumb zugewendet. wolan, so sey es also, laß ia seinn, so geb der Papst her, Rom vnd allis, was er hat vom kēsertum, laß vnser land frey von seinen vntreglichen schehen vnd schinden, geb widder vnser freyheit, gewalt, gut, ehre, leyb vnd seele, vnd laß ein kēherthumb sein, wie einem kēherthumb gepurt, auff das seinen wortten vnd furgeben gnug geschehe.

Wil er aber das nit thun, was spiegelsicht er denn [M 3a] mit seinen falschen ertichten wortten vnd gespugnissen ist sein nit gnug gewesen durch souiel hundert iar, die edle Nation so groblich mit der naßen vmb zufuren, on alles auffhorenn. Es folget nit, das der Papst solt vbir den kēher sein, darumb das er hñ kronet odder macht. dan der prophet sanct Samuel salbet vnd kronet den konig Saul vnd Dauid, auß gotlichem befehl, vnd waren doch hñ vnterthan. Vnd der prophet Natan salbet den kunig Salomon, war darumb nit vbir hñ gesetzt. Item sanct Eliseus, ließ seiner knecht einen salben den kunig Ihehu von Israel, dennocht blieben sie vnter hñ gehorsam. Vnd ist noch nie geschehenn in aller welt, das der vbir den kunig weere, der hñ weyhet odder kronet, dan allein durch den eynigen Papst.

Nun lessit ehr sich selb, drey Cardinel kronenn zum Papst, die vnter hñ seyn, vnd ist doch nicht deste weniger vbir sie, warumb solt ehr den widder sein eygenn Exempel vnd aller welt vnd schrift vbung vnd lere, sich vbir weltlichen gewalt odder kēherthumb erheben, allein darumb, das er hñ kronet odder weyhet. Es ist gnug das er vbir hñ ist, in gotlichen sachen, das ist, in predigen, leren, vnd sacrament reychenn, in wilchen auch ein yglicher Bischoff vnd pfarrer vbir yderman ist, gleichwie sanct Ambrosius in dem stuel vbir denn kēher Theodosius, vnd der prophet Natan vbir Dauid, vnd Samuel vbir Saul. Darumb laßt den deutschenn kēher recht vnd frey kēher seinn, vnd seine gewalt noch schwerdt, nit nyderdrucken, durch solch blind furgebenn Bepflicher heuchler, als soltenn sie außgezognen vbir das schwerdt regieren in allen dingenn.

¶ Zum .xxvi. [xxvij.] Des sey gnug gesagt, von den geystlichen geprechen, man wirt vnd mag yhr mehr finden, wo diße wurden recht angesehen, wollen auch der



weltlichen einis teylß anzeigen. Zum ersten, were hoch not, ein gemeyn gebot vnd bewilligung deutscher Nation, widder den vbirdschwenglichen vbirfluß, vnd kost der kleydung, dadurch soniel Adel vnd reichs volcks vorarmet. Hat doch got vns, wie andern landen gung geben, wolle, har, flachß, vnd allis das zur zymlicher, erlicher kleydung einem yglichen standt redlich dienet, das wir nit bedurfften, so gewulichen grossen schatz, fur seyden, sammet, guldenstuck, vnd was der außlendischen wahr ist, so geudisch vorschutten. Ich acht, ob schon der Papsst, mit seiner vntreglichen schinderey, vns deutschen nit beraubet, hetten wir dennoch mehr dan zuuiel an dißen heymlichen reubern, den seyden vnd sammet fremern, So sehen wir, das dadurch ein yglicher wil den andern gleich sein, vnd damit hoffart vnd neyd vnter vns, wie wir vordienenn, erregt vnnnd gemehret wirt, wilchs allis vnd viel mehr iamer wol nach blieb, so der furwik, vns ließ, an den guttern von got geben, danckbarlich benugen.

Desselben gleychen were auch not, wenigern specirey, das auch der grossen schiff einis ist, darinnen das gelt auß deutschen landen gefuret wirt. Es wechßt vns yhe von gottis gnaden, mehr essen vnd trincken, vnd so kostlich vnd gut, als yrgent einem andern land. Ich wurde hie vielleicht nerrisch vnd vnnuglich dinck furgeben, als wolt ich den grosten handel, kauffmanschafft nyder [M 1<sup>b</sup>] legen. Aber ich thue das mehne, wirts nit in der gemeyne gepessert, so besser sich selb, wer es thunn wil. Ich sihe nit vil gutter sitten, die yhe in ein land kommen sein, durch kauffmanschafft, vnnnd got vorgeitten sein volck von Israel darumb von dem mehre wonen ließ, vnnnd nit viel kauffmanschafft treybenn.

Aber das grossist vngluck deutscher Nation, ist gewißlich der zynß kauff, wo der nit weere, must mancher sein seyden, sammet, guldenstuck, specerey, vnd allerley prangen wol ungekauft lassen. Er ist nit viel vbir hundert iar gestanden, vnd hat schon fast alle fursten, stift, stet, adel vnd erben in armut, iamer vnd vorterberen bracht, solt er noch hundert iar stehen, so were es nit muglich, das deutsch land einen pfennig behielte, wir musten vns gewißlich vntereinander freßsen, der teuffel hat yhn erdacht, vnnnd der



Bapst wehe gethan, mit seinem bestettigen, aller welt. Darumb bit ich, vnd ruff hie, sehe ein yglicher seine eygen, seiner kind vund erben vorterbien an, das hym nit fur der thur, sondern schon ym hauß rnmort, vnd thu darzu keyßer, fursten, hern, vund stedt, das der kauff nur auffß schirß werde vordampt, vnd hynfurt erweret, vnangesehen, ob der bapst vnd all sein recht odder vnrecht dawidder sey, es sein lehen odder stift drauff gegründet. Es ist besser ein lehen in einer stat, mit redlichen erbguttern odder zinz gestift, den hundert auff den zinzkauff. Ja ein lehen auff dem zinzkauff, erger vund schwerer ist, dan zwenzig auff erbguttern. Furwar es muß der zinzkauff, ein figur vnd anzeihen sein, das die welt mit schweren sunden dem teuffel vorkaufft sey, das zugleich, zeytlich vnd geystlich gut vns muß geprechen, noch mercken wir nichts.

Hie mußt man werlich auch den Zuckern, vnd dergleichen gesellschaften, ein zawn huß maul legen. Wie [M 2<sup>a</sup>] istz muglich, das solt gotlich vund recht zugehen, das bey ehnis menschen leben, solt auff einen hauffenn, so groffe kuniglich gutter bracht werdenn? Ich weyß die rechnung nit. Aber das vorstehe ich nit, wie man mit hundert gulden mag des iariß erwerben zwenzig, ia ein guld den andern, vnd das allis, nit auß der erden, odder von dem sihe, da das gut nit in menschlicher wiß, sondern in gottis gebenedeyung stehet. Ich befiß das den weltvorstendigen, Ich als ein Theologus, hab nit mehr dran zustraffen, den das boße ergerlich ansehen, danon sanct Paulus sagt, Huttet euch fur allen bösen ansehen odder scheyn. Das weyß ich wol, das viel gotlicher weere, acker werck mehren, vnd kauffmanschaft myndern, vnd die viel besser thun, die der schrift nach, die erden erbeytten, vnd yhr narung drauß suchen, wie zu vns vnd allen gesagt ist, in Adam, vormaldeyhet sey die erde, wen du drynnenn erbestist, sie sol dir distel vund dornen tragen, vnd in dem schweyß deynis angesichts soltu essenn dein brot. Es ist noch viel laandt, das nit umbtrieben vnd geehret ist.

Folget nach der mißprauch freßens vnd sauffens, danon wir deutschen, als einem sondern laster, nit ein gut geschrey haben, in frembden landen, wilchem mit predigen

hynsurt nymmer zuratten ist, so fast es eingerissen und vberhandt genommen hat. Es were der schad am gut das geringst, wen die folgende laster mord, ehbruch, stellen, gottis vnehre und alle vntugend nit folgeten. Es mag das weltlich schwert hie etwas weren, sonst wirts gehen, wie Christus sagt, das der iungst tag wirt kummen, wie ein heymlicher strick, wen sie werden trincken und essen, freyen und bulen, bawen und pflanzen, kauffen und verkauffen wie es dan igt geht, so starck, das ich furwar hoff, der iungst tag sey fur der thur, ob man es wol am wenigsten gedenckt.

[M 2<sup>b</sup>] ¶ Zu lezt, ist das nit ein hemerlich ding, das wir Christen, vnter vns sollen halten freye, gemeyne frauenheuser, so wir seynt alle zur keuscheit getaufft. Ich weys wol was etlich dazu sagen, und nit cynis volcks gewonheit worden ist, auch schwerlich abgubringen, dazu besser ein solchs, dan ehlich und iunpfraw personen, odder noch ehrlicher zuschanden machen. Solten aber hie nit gedencken weltlich und Christlich regiment, wie man dem selben, nit mit solcher heydnischer weys mocht furkummen. Hat das volck von Israel nungen bestehen, on solchen vnflug, wie solt das Christen volck nit nungen auch bouiel thunn? Ja wie haltenn sich viel stedt, merckt, fleck und dorffer, on solche heuser, warumb soltens grob stedt nit auch haltenn?

Ich wil aber damit, und andern oben angekeygten stucken, angesagt haben, wie viel gutter werck die weltlich vbirkeit thun mocht, und was aller vbirkeit ampt sein solt, dadurch, ein yglicher lerne, wie schrecklich es sey, zuregiern und oben an sitzen. Was hulffs das ein vbirher, so heylig were fur sich selbst, als sanct Peter, wo er nit den vnterthanen, in disen stucken, fleyssig zuhelffen gedenckt, wirt yhn doch sein vbirkeit vordammen dan vbirkeit ist schuldig der vntertanen bestes zu suchen, wen aber die vbirkeyten drauff decht, wie man das iunge volck ehlich zusammen brecht, wurde einem yglichen die hoffnung ehlichs stands, fast wol helffen tragen und weeren der ansechtungen. Aber igt gaht es das iderman zur pfafferey und muncherey gezogen wirt, vnter wilchen ich besorg, der hundirst kein

ander vrsach hat, den das gesuch der narung, vnd zweyffel ym ehlichen leben sich erhalten, drumb sein sie zuuor wild gnug, vnnnd wollen (wie man sagt) außkubenn, so sichs viel mehr hynein kubet, wie die erfahrung weyßet. Ich be=[M 3<sup>a</sup>]find das sprichwort warhafftig, das vorzweyffeln machet das mehrer theil munnch vnnnd pfaffen, drumb gaht vnd stahet es auch, wie wir sehen.

Ich wil aber radten trewlich, vmb vieler sund, die groblich einreysen, zu meyden, das widder knab noch mehdlin, sich zur keuscheit odder geystlichem leben vorpinde, vor dreyßig iaren. Es ist auch ein sondere gnad, wie sanct Paul sagt. Darumb wilchen got nit sonderlich dazu dringt, laß sein geystlich werden vnd geloben anstehenn. Ja weytter sag ich, wen du got so wenig trawist, das du dich nit mugist ym ehlichen standt erneren, vnd allein vmb desselben mißtrawen, wilt geystlich werden, so bit ich dich selb fur dein eygen seele, du woltist ia nit geystlich werden, sondern werde ehe ein hawr, oder was du magist, dan wo einfeltig traw zu got seinn muß, in zeitlicher narung zuerlangenn, da muß frehlich zehenfeltiges trawen sein, in geystlichem stande zubleyben. Trawistu nit, das dich got minge neren zeytlich, wie wiltu ym trawenn, das er dich erhalte geystlich? Ach der vnglaub vnd mißtraw, vorterbet all ding, furet vns in alle iamer, wie wir in allen stenden sehen. Es were wol viel von dem elenden weßen zusagen, die ingent hat niemand der fur sie sorget. Es geht ydes hyn, wie es geht, vnd sein hyn die vbirckten eben houiel nutz, als weren sie nichts, so doch das solt die furnehmst sorg des Paps, Bischoff, herschafftenn, vnd Concilia sein. Sie wollen fern vnd weht regieren, vnnnd doch kein nutz sein. O wie selkham wiltpret wirt, vmb differ sachen willen, sein ein herr vnnnd oberer, ym hymel, ob er schon got selb, hundert kirchen bawet, vnd alle todten auffweckt.

Das sey dir mal gnug, Ich acht auch wol, das ich hoch gesungen hab, viel dings furgeben, das vnnug=[M 3<sup>b</sup>]lich werd angesehen, viel stuck zu scharff angriffen, wie sol ich ym aber thun? Ich bin es schuldig zusagen, kundich, so wolt ich auch also thunn. Es ist mir lieber

die welt zurne mit mir, den got, man wirt mir yhe nit mehr, den das leben kunden nehmenn. Ich hab bißher, viel mal frid angepotten, meynen widderſachern, aber als ich ſehe, got hat mich durch ſie zwingenn, das mauß ymer weytter auffkuthun, vnd yhnen, wehl ſie vnmüßig ſein, zureden, beſſen, ſchreyen vnd ſchreyben gung geben. Wolan, ich weyß noch ein liden von Rom vund von yhnen, incket ſie das ohr, ich wilß yhn auch ſingen, vnd die notten auffß hochſt ſtimmenn, vorſteht mich wol liebes Rom, was ich meyne.

Auch hab ich mein ſchreyben, viel mal auff erkentniß vnd vorhor erbotten, das allis nit geholffenn, wie wol auch ich weyß, ßo mein ſach recht iſt, das ſie auff erden muß vordampt, vnd allein von Chriſto ym hymel gerechtfertiget werdenn, den das iſt die ganz ſchriſt, das der Chriſten vnd Chriſtenheit ſach, allein von got muß gericht werden, iſt auch noch nie eine, von menſchen auff erden gerecht fertigt, ßondern, iſt alkeit widderpart zu groß vnd ſtarck geweßen. Es iſt auch mein aller groſte ſorg vnd fürcht, das mein ſach mocht vnnordampt bleyben, daran ich gewißlich erkennet, das ſie gotte nach nit gefalle. Darumb, laß nur friſch cynher gahn, es ſey Bapſt, Biſchoff, pfaß, munnch, odder gelereten, ſie ſein das rechte volck, die do ſollenn die warheit vorſolgen, wie ſie alkeit than haben. Got geb vns allen einen Chriſtlichen vorſtand, vnd ßonderlich dem chriſtlichen Adel deutscher Nation, einenn rechtemm geiſtlichen mut, der armen kirchen das beſte zuthun,

A M E N.









UNIVERSITY OF ILLINOIS-URBANA



3 0112 067543550